

LEHUTO LA BOSELELA



A re inamišeng dihlogo tša rena feela nakwana bjale.

² Morena, re kgobokane gape ka gare bakeng sa tirelo. Gomme re nagana ka nako, mo matšatšing a pele, ge bohole ba etla godimo Silo bakeng sa ditšhegofatšo tša Morena. Gomme bjale, bošegong bjo, re kgobokane fa go kwa Lentšu la Gago. Gomme bjalo ka ge re be re ithuta ka go karolo ye e itšego ye ya Lengwalo, gore Kwana e be e le Yona e nnoši yeo e kgonnego go bula Mahuto, goba go A tlemolla. Gomme re a rapela gore bošegong bjo, bjalo ka ge re bile ka fase ga go šetša Lehuto le legolo le la Boselela, re a rapela, Tate wa Magodimong, gore Kwana e tla Le bula go rena bošegong bjo. Gore, re mo go Le kwešiša. Gomme ge go se motho lefaseng, goba Legodimong, a bego a lekanetše, Kwana e nnoši e hweditšwe e lekanetše. Kafao a nke yo Yena wa go lekanelo gohle a tle le go bula Lehuto bakeng sa rena bošegong bjo, gore re ke re no lebelela go feta seširo sa nako. Go tla re thuša, re a dumela, Tate; le legolo le, la leswiswi, letšatši la sebe leo re phelago; le tla re thuša le go re fa tlhohleletšo. Re a tshepa bjale gore re hwetša mogau mahlong a Gago. Re gafela renabeng, le Lentšu, go Wena, ka go la Jesu Kriste Leina. Amene.

Le ka dula.

³ Mantšiboa a mabotse, bagwera. Ke monyetla go ba mo gape bošegong bjo, go ba ka tirelong ya Morena. Ke be ke no ba thari nthatana gannyane. Ke mno ya go . . . ka tšhoganetšo, ya monna yo a hwago, wa leloko la kereke ye; mmagwe ke yena, goba o tla mo. Gomme ba rile mošemane o a hwa thwi nako yeo. Kafao ke—ke ile tlase go bona feela mo—mo moriti wa motho a robetše malaong, a ehwa, monna wa e ka ba mengwaga ya ka. Gomme ka go feela nako ya nakwana, ke bone monna a emelela ka maoto a gagwe, a efa tumišo go Morena. Gomme kafao, Modimo, ge re ka rata go ipolela dibe tša rena le go dira se se lokilego, go kgopela kgaogelo, go bitša go Yena, Modimo o a rata le go leta go e fa go rena.

⁴ Gomme, bjale, ke a tseba go borutho ka mo bošegong bjo. Gomme—gomme ke . . . Aowa, ke a thanka phišo ka moka e tswaleletšwe go tloga. Gomme—gomme re . . .

⁵ Ke hlokometše bošegong bja go feta, goba lehono, le ke letšatši la ka la bošupa ka kamoreng ntle le seetša, e no ba dietša tša mohlakase, le a bona; ke ithuta, le go rapelela Modimo go bula Mahuto a.

⁶ Gomme go bile ba bantši kudu bao ba ngwadilego, ka go sehlopha sela sa babotšiše bja go fet— . . . goba dipotšišo bošegong bja go feta, e bile, bontši goba bonnyane, e sego bontši bjalo ka dipotšišo. E be e le go nyaka go ba le tirelo ya phodišo, golebjalo;

ba nyakile go dula letšatši la tlaleletšo, go ba le . . . go ba le tirelo ya phodišo ka Mošupologo. Kafao ke—ke—ke tla, kgona, gabotse nka e dira ge yeo e be e le tha—tha thato ya batho gore ba tla dira seo. Le ka e nagantšhiša le go ntira ke tsebe, eupša ge feela o nyaka go dula le go rapelela balwetši.

⁷ Gobane, ke neetše nako ye yohle, go felela, go Mahuto a, le go no ipea kgole bakeng sa Mahuto.

⁸ Kafao le ka e nagantšhiša, gomme la e rapediša, gomme morago la ntira ke tsebe. Gomme ke tla rata, ge Morena a rata, nka kgona. Peelano ya ka ye e latelago ke ka Albuquerque, New Mexico, gomme yeo e tla ba ma—ma matšatši a se makae go le bjalo. Gomme ke swanetše go ya gae bakeng sa kgwebo tsoko, go direng khonferense ye nngwe komana ka Arizona. Gomme kafao, gona, ge e le thato ya Morena! Le e rapedišeng, gomme ke tla dira go swana, gona re tla tseba kudu ka yona moragwana gannyane.

⁹ Gomme ke no fantšha. Bjale ke a bona . . . Le ya le bolela ka bolwetši, šebole bo a tla, le a bona. Ke bona mohumagadi yo a dutšego thwi fa. Ge se sengwe se sa mo thuše, ga a ye go dula fa eupša gannyane nthatana. Kafao, gona, le a bona, re—re no rapela gore Modimo o tla dira. Seo ke se o lego fa bakeng sa sona, o tla go tšwa kgole. Kafao, le a bona, mo—mo Moya wo Mokgethwa o tseba feela se sengwe le se sengwe, le a bona. Kafao O . . .

¹⁰ Eupša, le a bona, ke lekile go neela nako ye bakeng sa Mahuto a, ka gobane re e beetše seo, le a bona. Eupša ge go na le . . .

¹¹ Ke ba bakae balwetši ba lego mo, go le bjalo, bao ba tlidego go rapelelwa? A re boneng diatla tša lena, gohle go dikologa, mogohle. Oo, nna! Mmm! Gabotse, ke ba bakae ba tla naganago gore seo se tla loka, thato ya Morena, go dula le go ba le ye, go tše Mošupologo bošego, go no rapelela balwetši, go ba le tirelo ya phodišo Mošupologo bošego? A le ka rata go dira seo? A le ka kgona go e dira? Gabotse, Morena ge a rata, re tla e dira nako yeo. Le a bona? Re tla—re tla ba le tirelo ya thapelo bakeng sa balwetši, Laboraro, goba, Lamorena bošego, goba, Mošupologo bošego, gomme ra rapelela balwetši.

¹² Bjale, ke a holofela seo ga se tsenatsene sehlopha sela seo ke yago morago le sona, go ya morago Arizona. Ngwanešu Norman, a o gona e ka ba kae? A seo se tsenatsena lenaneo la gago, Ngwanešu Norman, e ka ba eng? [Ngwanešu Gene Norman o re, "Aowa."—Mor.] Ngwanešu Fred le ka moka ga lena, a go lokile? [Ba bangwe ba re, "Go lokile."] Le a bona? Seo se lokile. Go lokile.

¹³ Ka gona, Morena ge a rata, Mošupologo bošego re rapelela balwetši, feela bošego bjo botee bo beetšwe seo thoko, ka moka mmogo, go no rapelela balwetši. Bjale, e ka se sa ba bontši bofe

bja Mahuto. Ge Morena a ka no bula Mahuto a, gona re rapelela balwetši, Mošupologo bošego.

¹⁴ Bjale, oo, ka kgonthe ke ipshinne ka se, gagologolo, go direleng Morena ka tlase ga A! A le ipshinne ka Ye, go bulwa ga Mahuto? [Phuthego e re, "Amene!"—Mor.]

¹⁵ Bjale, bjale re bolela go tšwa go Lehuto la Bohlano goba, Lehuto la Boselela, a ke re. Gomme seo se tsea go theoga bjale go tloga go ya—ya 12 temana ya tema ya 6, go theogela go ya 17. Ke le lengwe la Mahuto a matelele. Seo ka nnete ke dilo tsa nthatana di diregago mo. Gomme bjale . . .

¹⁶ Ke bolela tshwayo ya bošego bja go feta, mohuta wa thekgo gannyane, nako le nako.

¹⁷ Gomme, e re, ke—ke nyaka go bolela se sengwe, le nna. Ke hweditše, ka lepokising lela, dilo tše nne goba tše tlhano tše bohlokwa kudu go nna. Ke boditšwe gore . . . Gomme ka kgonthe ke nyaka go kgopela tshwarelo. A ditheipi di a kgatlampana? Theipi e a kgatlampana? Ke nyaka go kgopela tshwarelo go baena ba ka ba badiredi le go lena batho fa. Ba re, bošego bjo bongwe ge ke be ke bolela ka—ka Eliya, mo iring yeo ya ge ba be . . . O naganne o be a le yena a nnoši a bego a eya go ba ka go Tlhatlogo, goba o tee feela a yago go phološwa. Ke—ke rile makgološupa sebakeng sa dikete tše šupa. A yeo ke nnete? [Phuthego e re, "Ee."—Mor.] Gabotse, ka kgonthe ke maswabi ka seo, magagešo. Ke—ke—ke tsebile bokaone go feta seo. E be e no ba polelo ya go popoduma, gobane ke tsebile e be e le dikete tše šupago. Ke nno se e bolele gabotse. Ke . . . Gomme ke—ke a le leboga. Gomme seo se ra gore . . . Ke thakgetše gore le šeditše se ke se boleLAGO. Gomme le a bona, gona, yeo ke . . . Gobane, ke, ke—ke dikete tše šupago.

¹⁸ Ke na le dinoutse tše pedi goba tše tharo ka yona, tše di rilego, "Ngwanešu Branham, ke a dumela o be o phošitše." E rile, "A ba be ba se dikete tše šupago sebakeng sa makgolo a šupago?"

¹⁹ Ke naganne, "Ka kgonthe ga se ke bolele makgolo a šupago." Le a bona? Yeo, gomme gona ke . . . Billy . . .

²⁰ Gomme ka gona ke, selo sa pele le a tseba, ke topile noute ye nngwe. E rile, "Ngwanešu Branham, o be . . . ke a dumela o boletše makgolo šupa."

²¹ Gomme motho yo motee o rile, "Ngwanešu Branham, a yeo e be e le po—po pono ya semoya gore—gore go no ya go ba sekai, gomme o e kaya le šupa . . . ?" Bea batho mo ntlheng ge o eya go naganeng dilo tše, le a bona. Gomme go lekanetše, gore, e mpea mo ntlheng.

²² Se sengwe se diregile lehono ge Lehuto le le be le utollwa, gore ke swanetše go sepela ka go felela ntle ka jarateng, go no sepela tikologong, ntle ka serapeng lebakana le lennyane. Yeo ke nnete. Gabonolo go nyakile go tsea mohemo wa ka thwi go

tloga go nna. Le a bona? Kafao o a bolela, ngangego? Oo, nna! Le a bona?

²³ Selo se sengwe, le a bona, le robetše thwi godimo ga se ke se bolelago. Gomme Modimo o ya go ntshwara boikarabelo ka se ke le botšago. Le a bona? Gomme kafao ke—ke swanetše go ba le nnete ka go felela ka fao nnete yohle e ka kgonago go ba nnete, le a bona, ka dilo tše, ka gobane ye ke na—na nako ye kgolo yeo re phelago ka go yona. Ya.

²⁴ Ke be ke nagana ka tirelo ya phodišo bakeng sa Mošupologo bošego. Seo se tla tsenatsenana le wena, Ngwanešu Neville e ka ba kae? [Ngwanešu Neville o re, “E sego selo. Ke tla ba thwi mo.”—Mor.] Seo se kaone.

²⁵ Ngwanešu Neville yo bohlokwa! Ke a le botša, ba no—ba nno dira e tee, ke a nagana, morago ba lahlegetše ke phethene. Ke . . . Ka nnete o bile mo—mo mokgotsi wa kgonthe le mogwera go nna, ke tla le botša.

²⁶ Tabarenekele bjale e agilwe, gomme ba beile dikamora tša sekolo sa Lamorena le se sengwe le se sengwe komana, ka lenaneo mo. Gomme ba bangwe ba lena batho bao le lego tikologong fa, go dikologa Jeffersonville, le nyaka go tla kerekeng, le na le lefelo le lekaone, le lefelo la go tla, dikamora tša sekolo sa Lamorena.

²⁷ Morutiši yo mokaone, le Ngwanešu Neville fa, bakeng sa ttelase ya babagolo, le modiša wa kgonthe. Ga ke bolele seo bakeng sa sehlopha sa matšoba go yena, eupša bokaone ke mo fe rosa ye nnyane bjale go phala kgare ka moka morago ga ge a sepetše. Gomme Ngwanešu—Ngwanešu Neville, ke mo tsebile ge e sa le ke be ke sa no ba mošemane. Bjale, ga se a fetoga nthatana e tee. O sa le Orman Neville, feela boka ka mehla a bile.

²⁸ Ke elelwa ke etela. Ebile o bile le mogau go lekanelo go nkogopela phuluphitthing ya gagwe ge a be a le moreri wa Methodist tlase fa ka toropongkgolo. Gomme re bile le phuthego ye botse tlase kua ka Clarksville, mo . . . Ke a thanka yeo e bitšwa Howard Park, kereke ya Methodist ka Harrison Avenue. Ke nagana ke fao a swanetšeego go be a go hweditše gona, tlase fa, Kgaetšedi Neville. Tlase kua, gobane o be a le molel- . . .

²⁹ Ke tla morago godimo, gomme ke rile go kereke fa, ke rile, “Yoo e bile . . . Yoo ke yo mongwe wa banna ba babotsebotse! Gomme le lengwe la matšatši a ke ya go mo kolobetša Leineng la Morena Jesu.” E diregile.

³⁰ Šo yena. Gomme bjale ke mokgotsi wa ka, thwi go bapa lehlakore la ka. Gomme yo bjalo wa go hlomphega, monna wa go hlomphega! Ka mehla o eme hleng le nna feela boka . . . feela kgauswi bjalo ka ge a kgonne go ema. E ka ba eng ke e bolelago, o no robala thwi le nna gomme a lekelela thwi go bapa. Ebile le ge la mathomo a etla ka gare, o be a sa kwešiše Molaetša nako yeo, eupša o ile a O dumela gomme o dutše thwi le Wona. Yeo ke

tlhompho, tšeо ke ditlhompho, go ngwanešu boka yola. Nka se bolele go lekanelā bakeng sa gagwe. Gomme bjale Morena a mo šegofatše. Go lokile.

³¹ Bjale ponopele ye nnyane ya mantšboa a go feta, ka go kgaoleng ga Lehuto la Bohlano. Re ka se ye tsela yohle morago bošegong bjo, feela morago kgole go lekanelā go hwetša le—le Lehuto la Bohlano.

³² Bjale, re hwetša gore go bile le molwalekriste yoo a otletšego go ya pele, gomme a itataganya yenamong, go tloga maatleng a mararo. Bohle ba ile ka maatleng a tee, gomme ba namela pere ye tshehla, “Lehu,” go ya ka mole teng wa go hloka bofase, go ya tahlegong, mo le tšwago gona. Gomme ka gona re hwetša ge . . .

³³ Lengwalo le re, “Ge lenaba le etla bjalo ka lefula, Moya wa Modimo o rotoša boemo kgahlanong le lona.” Gomme re e bone ka phethagalo e hlatselwa ka Lentšung bošegong bja go feta, gobane go be go le Dibata tše nne tšeо—tšeо di arabilego go mama makga a mane go monamedi yo a nametšego.

³⁴ Gomme o nametše pere ya go fapanā nako le nako, pere ye tšhweu, gomme morago pere ye khubedu, le pere ye ntsho, gomme morago pere ye tshehla. Gomme re hweditše, mebala yeo, le se e bego le sona le se e se dirilego. Ka gona e tšeeleng thwi morago ka go mabaka a dikereke, gomme tlwa seo ke se e se dirilego, feela ka phethagalo.

³⁵ Ka fao, le a bona, ge Lentšu la Modimo le hlakana mmogo, seo se ra gore Le nepagetše, le a bona. Ya. Ke a dumela, eng kapa eng e kgokaganago le Lentšu la Modimo ka mehla ke “amene.” Le a bona?

³⁶ Bjale, go swana le motho o rile ba bile le pono, gomme ba boletše gore e be e le. Oo, ba a tseba Morena o a e fa, ka gobane e tla ka maatla a magolo. Gabotse, pono e ka no ba e lokile. Eupša ge e se na le Lentšu, gomme e le kgahlanong le Lentšu, feela ga se nnete. Le a bona?

³⁷ Bjale, bjale go ka no ba gona, baena tsoko ba Mormon goba kgaetsedi. Gomme go ka no ba ba bangwe ba hwetša ditheipi tše, bjale. Gomme ga ke nyake go bolela gore . . . Ba bangwe ba batho ba bakaonekaone nna le wena re nyakago go kopana le bona, ba tla—ba ka go batho ba Mormon; mohuta wo mokaone kudu wa batho. Gomme ka gona moprofeta wa bona—wa bona, Joseph Smith, yo batho ba Methodist ba mmolalilego mo ka Illinois, leetong la bona godimo. Gomme kafao gona monna yola—yola yo mokaone, le pono, ga ke belaele le gannyane eupša se a bilego le pono. Ke a dumela o be a le monna wa phišegelo. Eupša pono ye a bilego nayo e be e le kgahlanong le Lengwalo. Le a bona? Kagona, ba ile ba swanela go ba le Beibele ya Mormon, go—go e dira. Le a bona?

³⁸ Ye ke Yona mo, go nna. Ke ye. Leo ke lebaka, feela Lentšu. Leo ke Lona. Le a bona?

³⁹ Nako ye nngwe, mo—mo—mo modiredi o ttile fa go tšwa nageng ye šele, gomme o . . . Gomme ke mmone ntle le mo—mo . . . a otlela tikologong ka koloing, le yo a sego . . . le mo—mo mohumagadi. Gomme ba tla kopanong. Gomme ke hweditše, ba otletše matšatši a mabedi goba a mararo, feela yena le yena, ka kopanong, go tla kopanong, mmogo. Gomme mosadi o be a nyetšwe, makga a mararo goba a mane a go fapano.

⁴⁰ Gomme modiredi yo o sepeletše godimo ka boletelong bja hotele moo ke bego ke le, gomme a kitimela godimo le go šikinya diatla le nna. Gomme ke šikintše seatla sa gagwe, ka phagamela godimo gomme ke be ke bolela le yena. Ke mmotšišitše, ke rile, “Ge o lokologile, a nka kgona go bolela le wena ka kamoreng ya ka nakwana feela?”

O rile, “Nnete, Ngwanešu Branham.”

⁴¹ Ke mo tseetše kamoreng. Gomme ke rile go modiredi, ke rile, “Moruti, mohlomphegi, o mosetsebje ka nageng ye.” Ke rile, “Eupša mohumagadi yo o na le leina ka kgonthe.” Ke rile, “A ga se wena, goba, o tla tsela yohle go tloga lefelong le le *bjalo le bjalo*, go theogela lefelong le le *bjalo le bjalo*?”

O rile, “Ee, mohlomphegi.”

⁴² Gomme ke rile, “A ga o boife gore seo se tla ba mohuta wa . . . ? Ga—ga ke . . . go se go belaele, eupša a ga O nagane gore se tla bonagatša botsebalegi bja gago bjalo ka modiredi? A ga o nagane re swanetše go Bea mohlala wo monnyane wo mokaonana go feta woo?”

Gomme o rile, “Oo, mohumagadi yo ke mokgethwa.”

⁴³ Ke rile, “Ga—ga ke belaele seo.” Eupša ke rile, “Eupša, ngwanešu, selo sa yona ke, yo mongwe le yo mongwe yoo a mo lebelelago ga se mokgethwa, le a bona, yo a lebelelago go se o se dirago.” Gomme ke rile, “Ke a dumela bokaone o hlokomele. Seo e no ba ngwanešu yo motee go yo mongwe.” Gomme o rile . . . ke rile, “Mohumagadi o nyetšwe makga a mane goba a mahlano bjale.”

Gomme o rile, “Ee, ke tseba seo.” O rile, “O a tseba, ke—ke . . . ”

⁴⁴ Ke rile, “Ga o rute seo ka kerekeng ya gago kua gae, a o a dira, bakeng sa seo?”

⁴⁵ Kafao o rile, “Aowa. Eupša,” o rile, “o a tseba, ke bile le pono ya sona, Ngwanešu Branham.”

Ke rile, “Gabotse, seo ke se sekaone.” Ke rile . . .

⁴⁶ O rile, “A o a tshwenyega?” O rile, “Ke a dumela nka go otlolla gannyane nthatana go thuto ya gago ka seo.”

⁴⁷ Gomme ke rile, “Go lokile.” Gomme o . . . ke rile, “Ke—ke—ke tla thaba go e tseba, mohlomphegi.”

⁴⁸ Gomme o rile, “Gabotse,” o rile, “o a tseba, ka ponong ye,” o rile, “ke be ke robetše.”

Gomme ke rile, “Ya.” Ke bone, nako yeo, e be e le toro. Le a bona?

⁴⁹ Gomme o rile, “Mosadimogatša wa ka—wa ka,” o rile, “o be a phela le monna yo mongwe,” gomme o rile, “gomme a kitima go dikologa godimo ga ka.” Gomme o rile, “Nako yeo a tla go nna, gomme o rile go nna, ‘Oo, moratiwa, ntshwarele, ntshwarele!’ O rile, ‘Ke—ke—ke—ke maswabi ke e dirile. Ke tla ba therešo go tloga bjale go ya pele.’” O rile, “Nnete, ke mo ratile kudu, ke no mo swarela, o rile, ‘Go lokile.’” Gomme o rile, “Gona . . .”

⁵⁰ Gomme o rile, “A o a tseba ke eng? Gona ke na le tlhathollo ya pono ye.” O rile, “Yola e be e le mosadi.” O rile, “Kgonthe, o nyetšwe, le—le go ya pele, le dinako tšohle tše.” Gomme o boletše, gore, “Go lokile go yena go nyala, gobane Morena o mo ratile kudu bjalo. A ka kgona go nyala makga a mantši ka mo a nyakago, bokgole bjo . . .”

⁵¹ Ke rile, “Pono ya gago e be e le ye bose ka maatla, eupša e be e le kgolekgole go tloga go Tsela ya go itiwa mo.” Ke rile, “Yeo—yeo e fošagetše, o a bona. Ga se wa swanelo go dira seo.” Kafao seo . . . Le a bona?

⁵² Eupša ge o bona Lengwalo le nyalelana le Lengwalo, go le dira tšwelopele ya kgafetšakgafetša moo a tlago mmogo. Mangwalo, moo Le le tlogelago fa, Le le lengwe godimo fa le a tla gomme le akagana ka gare, le go gogela seswantšho ka moka ntle.

⁵³ Boka go bea mararankodi a mantšu a go kgabagana mmogo, boka. O hwetša seripa se se lekanelago ka gare. Ga go selo gape se ka kgonago go e lekana. Gona o dira seswantšho se lokišwe.

⁵⁴ Gomme go na le yo Motee feela a ka kgonago go dira seo, yeo ke Kwana, gomme kafao re lebeletše go Yena.

⁵⁵ Eupša re hwetša gore ge ba, monamedi yo, o be a le monamedi yo motee yo a bego a namela dipere tše. Gomme ka gona re mo lelekišitše thwi go theoga, re bone se a se dirilego le se sengwe le se sengwe, gomme ra hwetša, morago ka go mabaka a kereke seo ke tlwa se a se dirilego.

⁵⁶ Ka gona ge a ile ntle go sebata se se itšego le go dira selo se se itšego, re hwetša gore go be go le yo motee a rometšwe go lwantšha se a se dirilego.

⁵⁷ Go bile yo motee a rometšwego lebakala mathomo, la kwana . . . la tau. Leo e be e le Lentšu, ka nnete, Kriste.

⁵⁸ Sa go latela e be e le poo, nakong ya lebakala leswiswi, ge—ge ke—ke kereke e kgatlofaditšwe gomme e amogetše dithutotaelo sebakeng sa Lentšu.

⁵⁹ Gomme elelwang, selo ka moka se theilwe godimo ga dilo tše pedi: yo motee, molwalekriste; yo mongwe, wa Kriste.

⁶⁰ E sa le selo sa go swana lehono. Ga go na Bakriste ba tselaseripa. Ga go na monna wa go tagwa go hlapogelwa; ga go dinonyana tše tšhweu ntsho; aowa, aowa; ga go bakgethwa badiradibe. Aowa. E ba gore o modiradibe goba mokgethwa. Le a bona? Fao go no se be magareng. E ba gore o tswetšwe gape goba ga se wa tswalwa gape. E ba gore o tladišwe ka Moya wo Mokgethwa goba ga se wa tlatšwa ka Moya wo Mokgethwa. Ga go kgathale ke maikutlo a makae o bilego le ona, ge o se wa tlatšwa ka Moya wo Mokgethwa, ga se wa tlatšwa ka Wona. Le a bona? Gomme ge o tladišwe ka Wona, bophelo bja gago bo a o laetša, bo ya thwi godimo go Wona. Le a bona? Ga go yo motee a swanetšego go botsa mang kapa mang ka wona. Ba a e bona, le a bona, ka gore Ke Lehuto.

⁶¹ Bjale, gomme re hwetša dibata tšela, ka fao di nametšego nako le nako. Yo motee o rometše ntle go bodiredi bja gagwe, ka maatleng a sepolitiki, o kopanya maatla a bodumedi le—le maatla a sepolitiki, mmogo. Re hwetša, Modimo o rometše maatla a Gagwe ntle go a lwantšha. Re ya thwi morago le go bona se lebaka la kereke le bego le sona, le go lebelela morago; gomme le be le le fao, feela tlwa ka tsela yeo.

⁶² Ka gona re hwetša, lebaka le lengwe le tla mmogo, gomme lenaba le rometše molwalekriste ntle ka tlase ga leina la bodumedi, ka tlase ga Leina la Kriste, ka tlase ga leina la Kereke. Ee, mohlomphegi. O ile ntle ka tlase ga leina la Kereke, ebile. “Yeo e be e le Kereke ya kgonthe,” o boletše. Le a bona?

Molwalekriste ga se Russia. Molwalekriste ga se yeo.

⁶³ Molwalekriste o kgauwi kudu bjalo ka Bokriste bja kgonthe, go fihla, Beibele e rile, “O tla tlaetša se sengwe le se sengwe seo se bego se se sa kgethelwapele.” Yeo ka nnete. Beibele e boletše gore, “Ka matšatšing a mafelelo, se sengwe le se sengwe seo se sego sa kgethelwapele, Bakgethiwa.” E re, “Bakgethiwa!” Bjale, mang kapa mang, tše lentšu leo gomme o le kitimiše morago ka mothalong wa gago, o bona se le se rago. E re, “Bakgethiwa, bakgethelwapele.” Le a bona? “E tlaetša yo mongwe le yo mongwe wa bona ba maina a bona a bego a se godimo ga Puku ya Kwana ya Bophelo go tloga motheong wa lefase.”

⁶⁴ Ge Kwana e hhabilwe, maina a beilwe mo Pukung. O eme ka go Lefelo le Lekgethwa bosegong bjo, ka Letagong, bjalo ka Mmoelanyi, a dira dipoelano bakeng sa ye nngwe le ye nngwe ya disoulo tšela leina la tšona le lego go Puku yela. Gomme ga go yo a tsebago leina lela eupša Yena. Ke Yena yoo a nago le Puku ka seatleng sa Gagwe, gomme O a tseba. Ge yola wa mafelelo a etla ka gare, gona matšatši a Gagwe a go boelanya a fedile. O tla pele nako yeo go teleima se A se boelantšego. O dira modiro

wa Molopolodi wa wa Lelokokgauswi bjale; gomme o tla pele go amogela ba Gagwe Mong. Oo, nna!

⁶⁵ Seo se swanetše go bea Mokriste yo mongwe le yo mongwe go—go mo itsitsinkediša yenamong, le go swara diatla tša gagwe pele ga Modimo, le go re, “Ntlhwekiše, O Morena! Lebelela ka bophelong bja ka, gomme—gomme a nke ke—a nke ke bone moo karolo ya ka ye mpe e lego. A nke ke e tloše tseleng, ka pelapela.” “Ka gore ge moloki a tla phološwa ka bothata, modiradibe le mohlokamodimo ba tla tšwelela kae?” Ke nako ya go itshenka.

⁶⁶ Gomme ge le ka e bea, le go nyaka go . . . le go fa Lentšu le. (Bjale, ga ke nyake le, le mpotšiša potšišo ka se, gobane e ntliša thwi godimo ga ye nngwe; Ke ra, go ngwaleng dipotšišo tša lena. Ke nagana dipotšišo di šetše di le ka gare, golebjalo.) Yeo ke nako ya nyakišišo ya kahlolo. Yeo ke mnene. Bjale, re tla hwetša seo go—go Diphalafala ge re etla go yeo, neng le neng ge Morena a efa, goba Meruswi, gomme re tla hwetša go kahlolo yela ya go nyakišiša, ge feela pele Madimabe a eya pele. Gomme—gomme re a bona gore yeo ke therešo. Gomme Barongwa ba bararo bao ba rathilego lefase, ba goeleša, le a tseba, “Madimabe! Madimabe! Madimabe go badudi ba lefase!”

Gomme re phela ka go nako ye e šiišago, nako yeo . . .

⁶⁷ Le a bona, dilo tše re lego ka go tšona bjale, tše re ithutago thwi bjale, ke morago ga ge Kereke e sepetše, le a bona, dilo tše ka go sekgao sa Tlaišego. Gomme ke nagana e swanetše go rarollwa ka kgonthe ka pelong ya modumedi yo mongwe le yo mongwe, gore Kereke ye ga e tsoge ya tšea sekgao sa Tlaišego. O ka se kgone go bea, kae kapa kae, Kereke ka Tlaišegong. Ke . . . O bea kereke fao, eupša e sego Monyalwa. Le a bona, Monyalwa o ile pele.

⁶⁸ Ka gobane, le a bona, Yena, ga A ne sebe se tee, ga go selo kgahlanong le Yena. Mogau wa Modimo o Mo khupeditše godimo. Gomme setlošadipatso se tšeetše sebe se sengwe le se sengwe kgolekgole, ebile ga go na go tsoge gwa elelwa ka sona; ga go selo eupša bohlweki, go phethagala, ka Bogeneng bja Modimo. Oo, e swanetše go dira Monyalwa a ye fase matolong a Gagwe le go llela ntle go Modimo!

⁶⁹ Ke nagana ka kanegelo ye nnyane; ge ke sa tšee nako ya lena ye ntši kudu bjale, ka go lefelopele le. Ke . . . Ke—ke dira se bakeng sa morero, go ikwela, go fihla ke ekwa Moya feela gabotse, go thoma.

⁷⁰ Se ke—se ke selo se sekgethwa. Le a bona? Ke, le a bona, ke mang a tsebago tšona dilo fale? Ga se motho eupša Modimo. Gomme ga se tša swanela go utollwa, le go netefatšwa ka Beibeleng gore di ka se utollwe, go fihla letšatšing le. Yeo ke nnene tlwa. Le a bona? Ba be—ba be ba thankile; eupša bjale re swanetše go e hwetša tlwa, Therešo, Therešo ye e hlatsetšwego. Le a bona? Hlokamelang.

⁷¹ Bjale, go be go le mo—mo mosetsana yo monnyane ka bodikela, gore ka fao a bilego—a ratana le... Monna o ile a mo rata. Bjalo ka moreki wa dikgomo, a etla ntle kua bakeng sa Khamphani ya Armour. Gomme—gomme ba bile le ye—ye kgolo...

⁷² Molaodi o tlide letšatši le lengwe, morwa wa molaodi go tšwa Chicago, gomme, nnete, ba be ba apere ka go bja mehleng, bja bodikela. Ba—ba basetsana fale, ba apere; yo mongwe le yo mongwe o be a eya go hwetša mošemane yo, kgonthe, le a tseba, ka gare yoo e be e le mošemane mogolo wa monna. Kafao, ba be ba apere tša bona tša mollwane wa bodikela.

⁷³ Gomme—gomme ba dira seo ntle bodikela. Ba no ya go kgabola ye nngwe ya dikgaolo tšela. Gomme Ngwanešu Maguire, ke a nagana o mo bjale, ba mo swere tlase toropong ntle le go apara diaparo tša gagwe tša bodikela, gomme ba mo lahletše ka—ka kgolegong. Gomme ba mmea ka go kgorotsheko ya selegae, gomme ba mo lefiša yona, gomme ka gona ba mo dira a reke seaparo sa bodikela. Gomme ke bone ka moka ga bona ba sepela go dikologa ka dithunya e ka ba botelele *bjola*, di lekeletše godimo ga bona. Ba no ya setlogo ntle kua. Ba leka go phela ka go se sengwe ka go matšatši a morago ao a fetilego, ao a fetilego. Le a bona?

⁷⁴ Gomme ka gona, ka Kentucky, le leka go phela ka go matšatši a a fetilego a bohlabela fa, le sa le morago ka Renfro Valley le dilo. Le rata go ya morago go matšatši a kgale. Go na le selo se sengwe se se hlolago seo.

⁷⁵ Eupša ge go etla morago, go ya morago go Ebangedi ka setlogong, ga le nyake go dira seo. Le nyaka se sengwe sa sebjalebjale, le a bona. Go ya go laetša gore, le a bona, le—le... fao go...

⁷⁶ Gomme ke eng e dirago mo—mo monna go dira phošo? Ke eng e mo dirago a nwe le go tšwelapele, goba mosadi go dira phošo? Ke ka baka la gore o leka go... Go na le selo se sengwe ka go yena, se nyorilwe. Go na le selo se sengwe ka go yena, se nyorilwe. Gomme ba leka go timola lenyora le lekgethwa lela ka dilo tša lefase. Ge, Modimo o swanetše go ba a timola yeo. O go dirile ka tsela yeo, go nyorwa. Ke ka baka leo o nyorelwago selo se sengwe. Modimo o go dirile ka tsela yeo, gore o tla retollela lenyora le lekgethwa lela go Yena. Le a bona? Eupša ge o leka go timola lenyora leo... A yo mongwe a ka dira seo bjang! Ga o na le tokelo ya go dira seo, go leka go timola lenyora le lekgethwa lela gore o nyoretšwe selo se sengwe, gomme, ka gona, gomme o le retollela ka gare go ya go lefase, o leka go le kgotsofatša ka lefase. O ka se kgone go e dira. Go selo se tee feelsa se tla tlatšago leo, gomme yoo ke Modimo. Gomme O go dirile ka tsela yeo.

⁷⁷ Kafao, basetsana ba—ba ba baswa ba apara ya—ya mehleng ya bodikela ya go tšwelapele bakeng sa mošemane yo ge a—a

tšwela ntle. Gomme yo mongwe le yo mongwe wa bona o be a ne kgontha ba be ba eya go hwetša mošemane yo.

⁷⁸ Go be go le motswala yo monnyane kua polaseng, gomme o be a le tšiwana, gomme kafao o nno dira mo—mo mošomo ohle bakeng sa ba. Ka gore, ba be ba swanetše go ba le dinala tša bona tša menwana di lokišwe, le a tseba, gomme ba be ba sa kgone go hlatswa dibjana bakeng sa diatla le dilo. Gomme o dirile mošomo ohle wo mothata ka nnete.

⁷⁹ Gomme ka gona, mafelelong, ge mošemane a tlie, ba ile ntle le go mmea ka go setaele sa kgale sa bodikela, koloyana. Gomme ba tlie ka gare, ba thunya dithunya tša bona le go ya pele, le a tseba, le go diragatša. Gomme bošegong bjoo ba be ba na le mmino wo mogolo ntle kua, mo go—go tansi ya fešene ya kgale, gomme marentšara ohle tikologong, go dikologa, gomme ba tlie ka gare le go bina ga bona, le go ya pele. Gomme, selo sa pele le a tseba, gobaneng, se se ile pele, e be e le mogobo lebaka la matšatši a mabedi goba a mararo.

⁸⁰ Ka gona, bošegong bjo bongwe, mošemane yo o gatetše ntle, go fihla...ga lefelo, feela go khutša lebakana go tloga go tansi, gomme a tloga go basetsana ba. Gomme o diregile go lebelela, go ya tlase go leba sethobolong. Go ile mosetsana yo monnyane fao, mohuta wa go lebelelega makgwakgwā. Gomme o be a swere pane ya sekotlelo e tletše meetse, o be a hlatswa dibjana. Gomme o naganne, “Ga se nke ka ke ka mmona pele. Ke—ke makala moo a tšwago gona?” Kafao o nno e bea ka tseleng ya gagwe go ya tikologong thoko ga ngwa—ngwa ngwakomalao, le go ya tlase kua le go tla morago, lehlakoreng la lešaka, gomme o kopane le yena.

⁸¹ O be a se a rwala selo dinaong. O eme. O kgothuletše hlogo ya gagwe fase. O bone e be e le mang, gomme o be a le dihlong kudu. O tsebile motho yo mogolo yo. Gomme o be a no ba motswala go basetsana ba bangwe ba. Tatabo o be a le foromane go setheo se segolo sa Armour, kafao ba tšwetšepele...O tšwetšepele a lebeletše fase. O be a le dihlong ka go ba a se a rwala dieta.

⁸² O rile, “Leina la gago o mang?” O mmoditše. O rile, “Gobaneng o se ntle kua go...moo ka moka ga bona ba lego?” Gomme o bile mohuta wa go dira maitshwarelelo.

⁸³ Gomme kafao, bošegong bja go latela, o mo šeditše gape. Mafelelong...O be a dutše ntle kua. Gomme bohole ba ile ba tšwelapele, se sengwe le se sengwe. O—o dutše legoreng la lešaka gomme a mo šeditše go tla, go tšholla meetse a dibjana. Gomme o mo šeditše. Gomme o rile go yena, o rile, “A o tseba morero wa ka wa kgontha go beng fa?”

O rile, “Aowa, mohlomphegi, ga ke dire.”

⁸⁴ O rile, “Morero wa ka go ba mo ke go tsoma mosadi.” O rile, “Ke hwetša semelo ka go wena seo ba se nago sona.” Ke be ke nagana ka Kereke, le a bona. O rile, “A o tla nnyala?”

O rile, “Nna? Nna? Ga—ga ke kgone go nagana ka selo se sebjalo, nna.”

⁸⁵ Le a bona, yoo ke morwa wa molaodi mogolo. O be a le mong wa dikhamphani tšohle le dipolasa go kgabola naga, le se sengwe le se sengwe, le a bona. O rile, o rile, “Ee.” O rile, “Ga—ga se ke kgone go hwetša yo motee ka Chicago. Ke—ke nyaka mosadimogatša wa kgonthe. Ke nyaka mosadimogatša wa semelo. Gomme selo se ke se lebeletšego, ke se bona ka go wena.” A re, “A o tla nnyala?”

O rile, “Gabotse . . .” E mo tlabile. Gomme o rile, “Ee.”

⁸⁶ Gomme o rile, “Gabotse . . .” O mmoditše o tla bowa. O rile, “Bjale, o no itokiša wenamong, gomme ngwaga go tloga lehono ke tla bowa. Gabotse . . . Gomme ke tla go hwetša, gomme ke tla go tsea go tloga mo. O ka se sa swanela go šoma ka mokgwa wo gape. Ke tla go tsea. Gomme ke tla ya Chicago, gomme ke tla go agela legae go swana le ge le se la ke la bonwa.”

⁸⁷ O rile, “Ga se, ka tsoge—ka tsoge ka ba le legae. Ke nna tšiwana,” o boletše.

⁸⁸ O rile, “Ke tla go agela legae, la kgonthe.” O rile, “Ke tla bowa.”

⁸⁹ O ile a tšwelapele go mo lota mohlala, mo nakong, ngwaga. O be a šoma se sengwe le se sengwe a bego a ka kgona go se dira, go boloka tšhelete ya go lekanelia ka tolara ya gagwe ka letšatši, goba eng kapa eng a bego a na le yona le poroto ya gagwe, go reka seaparo sa gagwe sa monyanya. Sekai se se phethagetšego sa Kereke! Le a bona? Le a bona? O beile diaparo tša gagwe komana.

⁹⁰ Gomme, le a tseba, ge a pealaditše seaparo se sa monyanya, bomotswala ba gagwe—ba gagwe ba rile, “Gobaneng, wena wa go šokiša, segotlane sa setlaela. O ra go nagana gore monna boka yola a ka ba le e ka ba eng go dira le wena?”

⁹¹ O rile, “Eupša o ntshepišitše.” Amene. O rile, “O tshepišitše.” O rile, “Ke dumela lentšu la gagwe.”

⁹² “Oo, o be a no go tlaetša.” O rile, “Ge nkabe a hweditše yo mongwe, a ka be a hweditše yo mongwe wa bona.”

⁹³ “Ee,” o rile, “eupša o ntshepišitše. Ke e lebeletše.” Amene. Ke nna, le nna.

⁹⁴ Kafao, go tšwetše pele go eba thari le thari. Letšatši mafelelong le ile la fihla, iri ye e itšego a bego a swanetše go ba fao, kafao o apare seaparo sa gagwe. Gomme ebile o be a se a kwa go tšwa go yena. Eupša o tsebile o tla ba fao, kafao a apara diaparo tša gagwe tša monyanya, a bea dilo komana.

⁹⁵ Gabotse, nako yeo ba segile ka kgonthe fao. Gobane, molaodimogolo o rometše godimo go—go foromane, goba—goba go . . . Ga go le o tee wa basetsana a kilego a kwa selo ka yona,

kafao e be e no ba selo sa sephiri sohle go bona. Ke gore, le yona. Ka nnete ke yona.

⁹⁶ Eupša mosetsana yo, feela ka selebanong sa yona yohle, godimo ga motheo wa lentšu la gagwe gore o tla bowa bakeng sa gagwe.

⁹⁷ Kafao, ba ile ba sega. Gomme ba Bea diatla tša bona go dikologa yo motee go yo mongwe, le go bina go mo dikologa. Ba rile, “Ha!” Ba sega, le a tseba, ka mokgwa woo, ba rile, “Wa go šokiša, yo monnyane, segotlane sa setlaela!”

⁹⁸ O be a nno ema fale, go se nthatana ya go galoga sefahlego ka go yena. O be a swere matšoba a gagwe. Gomme seaparo sa gagwe sa monyanya se breakantšwe sohle; o be a katane, le a tseba. “Monyalwa wa Gagwe o itokišitše Yenamong.” Le a bona? O tšwetšepele a swere matšoba a gagwe, a letile.

⁹⁹ Ba rile, “Bjale, re go boditše e be e le phošo. O a bona, ga a tle.”

O rile, “Ke na le metsotsye mehlano gape.” O rile, “O tla ba mo.”

Oo, ba nno sega!

¹⁰⁰ Gomme feela e ka ba nako sešupanako sa kgale se bethabeta go ya go metsotsye mehlano, ba kwele dipere di kgatha, lešabašaba le tokologa ka tlase ga mabilo. Koloyana ya kgale e eme.

¹⁰¹ O tabogile go tloga magareng ga bona, le go tšwa mojako. Gomme o tabogetše ka ntle ga karikana, gomme a fofela ka matsogong a gagwe. O rile, “Go fedile bjale, hani.” O tlogetše dikerekemaina motswala tša gagwe tše nnyane tša kgale di dutše fale, di lebeletše. O—o ile Chicago, go legae la gagwe.

¹⁰² Ke tseba tshepišo ye nngwe ye kgolo boka yeo, le nna, gabjale. “Ke ile go le lokišetša lefelo; go bowa go le amogela.” Ba ka no be ba re re a gafa. Eupša, ngwanešu, go nna, gonabjale, gomme Mahuto a a bulega ka mokgwa wo, ka tlase ga selo se sa kagodimogatlhago, Ke nyakile ke ekwa modumo, ge sešupanako selo se rotla kgole ka go Bokagosafelego kua. Ke nyakile ke bona Morongwa yola a eme kua gomme a re, go wa mafelelo wa Molaetša wola wa morongwa wa bošupa, “Nako e ka se sa ba gona.” Yo monnyane yola, wa go botega Monyalwa o tla fofela kgole ka matsogong a Jesu le lengwe la matšatši a, a tšeelwa Ntlong ya Tate. A re naganeng ka dilo tše ge re eya mmogo bjale.

¹⁰³ Hlokamelang bodiredi bja tau, Lentšu; pholo, mokatano le sehlabelo; mahlajana, a bumpshafatši; gomme le—le lebaka la ntšhu, go tleng ka gare, leo le tla utollago le go topa dilo tše le go di bontšha.

¹⁰⁴ Bjale re a hwetša, ka go tirelo ya bošego bja go feta, gape, sephiri se segolo se bulegile le Lehuto le, se ka go felela se bego se le kgahlanong le kwešišo ya ka ya pele. Go no tšeae gore e be e

lokile, ka mehla ke dumelētše tšona disoulo ka tlase ga aletara go ba bahwelatumelo ba pelepele ba Bakriste. Eupša re hweditše, bošegong bja go feta, ge Morena Modimo a kgaola Lehuto lela bakeng sa rena, ka go felela ga go kgonege. E be e se bona. Ba be ba ile pele Letagong, thwi ka lehlakoreng le lengwe, gomme ba be ba le fao. Re hwetša gore ba be ba le Bajuda bao ba tla tlago godimo mo nakong, moo . . .

¹⁰⁵ Go tšwa go go bitšwa bjale, ga ba dikete tše lekgolo le masomenne nne, bao re tsenago ka go bona bošegong bjo le gosasa. Gomme—gomme gare ga Lehuto la Boselela le la Bošupa, dikete tše lekgolo masomenne nne di a bitšwa.

¹⁰⁶ Gomme ka gona re hwetša, gore e be e le bahwelatumelo ba ba bego ba bolailwe, gomme go le bjalo ba be ba se . . . Ba be ba apere diaparo tše tšhweu, eupša maina a bona a be a le godimo ga Puku ya Kwana ya Bophelo. Gomme ba be ba filwe dikobo tše tšhweu, yo mongwe le yo mongwe wa bona. Gomme re tšere seo. Gomme ga se selo ka lefaseng, ga ke dumele, eupša sehlopha sela sa ba—ba Bajuda bao ba ilego go kgabola sekga sa tlaišego ya pele. Ge, nakong ya dintwa tše tša mafelelo, ba be . . . ba swanetše . . . Ba ile ba swanelwa ke go hloiwā ke yo mongwe le yo mongwe. Gomme Eichmann o bolaile dimilione tša bona ka Jeremane. Le sa tšo kwa tsheko. Dimilione tša batho ba go hloka molato di bolailwe, Bajuda, feela ka gobane ba be ba le Bajuda; ga go lebaka le lengwe.

¹⁰⁷ Beibele e boletše mo, gore, “Ba bolaetšwe bopaki bja bona bja Modimo, bakeng sa le—le Lentšu la Modimo, le bopaki bjo ba bo swerego.” Bjale re hwetša gore Monyalwa e be e le Lentšu la Modimo le bopaki bja Jesu Kriste. Ba ga se ba be le bopaki bja Jesu Kriste.

¹⁰⁸ Gomme re hwetša gore Beibele e a bolela, gore, “Israele yohle, Israele ye e kgethetšwegopele, e tla phološwa,” Baroma 11. Bjale re tseba seo. Gomme fao re bone tšona disoulo.

¹⁰⁹ Bjale lebelelang ka fao go lego kgauswi. Gobaneng se se sa kgona go ba pele? Gobane ga se sa direga pele. Bjale le kgona go se bona, le a bona. Le a bona, Moya wo Mokgethwa wo mogolo, go boneng dilo tšela di etla tlase go kgabola ma—ma mabaka le dinako. Gomme bjale e a utollwa, gomme ka gona le lebelela kua gomme le bona gore ke Therešo. Fao ke mo e lego.

¹¹⁰ Bjale, e be e le—e be e le bahwelatumelo ka tlaišegong, goba tlaišego ya pele, ya Eichmann. Bjale, ba no swantšha bahwelatumelo ba dikete tše lekgolo masomenne nne, tše re tsenago ka go tšona, gare ga Lehuto la Boselela le la Bošupa. Le a bona?

¹¹¹ Gomme Lehuto la Bošupa e no ba selo se tee, seo ke sohle, gomme le, “E be e le setu ka Legodimong lebaka la sekgala sa seripa sa iri.” Gomme bjale ke feela Modimo a ka kgonago go

utolla seo. Ebile ga se e swantšhiwe, le ge e ka ba kae. Yeo ke gosasa bošego. Nthapedišeng. Le a bona?

¹¹² Bjale, re a hlokomela bjale, ge re eya ka go Lehuto la Boselela. Bjale a nke Tate wa Legodimong a re thuše ge re dula fase bjale go Lehuto le la Boselela. Bjale temana ye ya 12 ya tema ya 6.

Gomme ke bone ge a...butše lehuto la boselela, gomme, bonang, fao go be go le tšišinyego ye kgolo ya lefase; gomme letšatši le bile le leso bjalo kobo ya lesaka la boditsi, gomme ngwedi o bile bjalo ka madi;

Gomme dinaledi tša legodimo di wetše go...lefase, ebile bjalo ka mogo o hlohlorega matlakala a gagwe pele ga nako, ge o šikinywa ke phefo ye maatla.

Gomme magodimo a širogile bjalo ka sekrolo ge se phuthelwa mmogo; gomme thaba ye nngwe le ye nngwe le sehlakahla se sengwe le se sengwe di šuthišitšwa go tloga mafelong a tšona.

Gomme dikgoši tša lefase, le banna ba bagolo, le banna ba bahumi, le balaodi bagolo, le banna ba maatla, le yo mongwe le yo mongwe motl...le monna yo mongwe le yo mongwe a lokologilego, ba ikutile bonabeng ka mefomeng le ka maswikeng a dithaba;

¹¹³ Hlokomelang fao? Ba lebeleleng, “banna ba maatla,” le a bona. Ba dirile eng? “Ba amogetše beine ya bogale bja bohlotlolo bja mmalegogwana.” Le a bona? Leo ke legoro la go swana leo le nwelego beine ya gagwe. Le a bona?

Gomme ba rile go dithaba le maswika, Re weleng, gomme re fihleng go tloga sefahlegong sa yena yoo a dutšego mo teroneng, le go tloga go bogale bja Kwana:

Ka gore letšatši le legolo la bogale bja gagwe le tlile; gomme ke mang yo a tlago go ema?

¹¹⁴ A boitsebišo go...Le a bona, monamedi o bjale, dibata tša monamedi, le Dibata tša go araba, di kgauditše. Ka gona, re tšere godimo, re bona bahwelatumelo ka tlase ga Terone. Bjale ye, go tloga nakong, bahwelatumelo ba ke Bajuda ba therešo ba Orthodox bao ba hwilego ka tumelo ya Bokriste...goba ka go-ka go tumelo ya bodumedi, gobane ba be ba ka se kgone go ba Bakriste.

¹¹⁵ Elelwang, Modimo o foufaditše mahlo a bona. Gomme ba ya go foufala lebaka la nako ye telele, go fihla Kereke ya Bantle e tlošwa tseleng. Ka gore, Modimo ga a mekamekane le bona batho ba babedi ka nako ya go swana, ka baka la gore e kgahlanong kudu le Lentšu la Gagwe.

¹¹⁶ Elelwang, O mekamekana le Israele bjalo ka setšhaba, ka mehla. Ke setšhaba sa Israele.

¹¹⁷ Bantle, bjalo ka batho ka batho, “batho ba tšerwe go tšwa go Bantle.” Gomme go swanetše, Montle o swanetše go dira... dirwa ke batho bohole ba lefase, kafao bjale gomme gona go ne Mojuda o tla ka go seo. Le a bona? Go no swana le mo—go swana le Moarabia, le Moirish, le Moindia, le eng go fetiša, ke batho bohole ba lefase, ba dirago godimo Monyalwa yo wa sehlopha sa matšoba. Le a bona?

¹¹⁸ Eupša, bjale, ge go etla go mekamekana le Israele nako yeo, ka go karolo ye ya mafelelo ya beke ya bomasomešupa, O mekamekana le bona bjalo ka setšhaba, Bantle ba fedile. Iri ka pela e a fihla, gomme e ka no ba go le bjalo bjona bošego bjo—bjo, gore Modimo ka go felela o tla tloga go Bantle, ka moka mmogo. Tlwa! O boletše bjalo. “Ba tla gatakela maboto a Jerusalema go fihla lebaka la Bantle le fedile, dinako di fedile.” Ee, mohlomphegi!

¹¹⁹ Gomme ka gona, “A yo e lego wa ditšhila a dule e le wa ditšhila; a yo e lego moloki e be wa toko.” Le a bona?

¹²⁰ Ga go sa na Madi mo setulong sa bo—sa bo—sa bohlwek-... ka lefelongkgethwa, le gannyane. Ga go sa na Madi mo aletareng. Sehlabelo se tlošitše, gomme ga go selo eupša muši le magadima le kahlolo ka fale. Gomme seo e no ba tlwa se se tšhollwago ntle mo bošegong bjo. Le a bona, Kwana šetše e tlogetše...mošomo wa Gagwe wa boboelanyi. Mošomo wa boboelanyi o feditše, go tšwa godimo ga Terone. Gomme Sehlabelo, bjalo ka ge re Mo kaile ka go phethagala, Molopolodi wa Lelokokgauswi, Kwana ya madi ye e tlago pele. Kwana ye e bego e hlabilwe, Yona ya madi, o be a bolailwe, a tlapirigantswe, a tla pele gomme a tsea Puku go tšwa seatleng sa Gagwe. Ke gore, matšatši a fedile. Bjale O tla go tleleima se A se lopolotšego. Amene! Seo se no romela se sengwe ka nna!

¹²¹ Re hwetša bjale, Johane o rile, “Ke bone ge A butše Lehuto la Boselela, fao go be go le tshišinyego ye kgolo ya lefase,” nako yeo tlhago yohle ya tsenwa gare. Le a bona?

¹²² Modimo o be a dira dilo tše kgolo, boka go fodiša balwetši, le go bula mahlo a difofu, le go dira mošomo wo mogolo.

¹²³ Eupša re a hwetša, mo, gore tlhago e tšere go buragana, ee, tlhago yohle. Lebelelang se se diregilego, “Tšhi—tšhi tshišinyego ya lefase; letšatši la ba le leso, gomme ngwedi wa se fe seetša sa wona; gomme dinaledi tša šikinyega le go wa.” Gomme, gobaneng, se sengwe le se sengwe se diregile, le a bona, thwi ka nako ya go bulwa ga Lehuto le la Boselela. Ke ge go direga, thwi ka pela morago ga go bega bahwelatumelo bale, le a bona. Bahwelatumelo ba be ba fedile.

¹²⁴ Bjale le a bona re thwi kgauswi ka go iri yeo bjale. Re ka kgona go ba, nako efe kapa efe, le a bona, gobane Kereke e no ba kgauswi le go lokela go fofa ga Yona. Eupša elelwang, ge dilo tše di direga, Monyalwa a ka se be mo. E nong go elelwa, Monyalwa

o ile, ga se A swanelo go ya go kgabola le lengwe la wona. Ye ke nako ya Tlaišego, ya tlhwekišo ya—ya kereke; e beilwe godimo ga gagwe, gore yena a ye go e kgabola, e sego Monyalwa. O tsea moratiwa wa Gagwe go tloga tseleng. Ee, mohlomphegi! O, šetše a Mo lopolotše. Le a bona, ke mohuta wa . . . Yeo ke kgetho ya Gagwe Mong, kgetho ya Gagwe Mong, go swana le ge monna mang kapa mang a tsea monyalwa wa gagwe. Le a bona? Bjale, tšhišinyego ya lefase . . .

¹²⁵ A re bapetšeng Mangwalo bjale. Ke—ke nyaka . . . A le na le phensele le pampiri le lena? Ke nyaka le ntirele se sengwe. Ge le nyaka go ngwala, ngwalang se, ka gore, ntle le ge le eya go tsea theipi. Bjale re . . . ke nyaka le bale le nna, bjalo ka ge le dira.

¹²⁶ Bapetšang Mangwalo a tiragalo ye kgolo ye, gore re tla bona gore sephiri se segolo se, goba sephiri, seo se bego se le ka tlase ga Lehuto la Boseela la Puku ya Topollo. Bjale elelwang, tše ke diphiri tše di utilwego. Gomme Mahuto a tshela, ohle mmogo, ke Puku e tee ye kgolo bogolo, feela disekrolo tše tshela di phuthetšwe mmogo, gomme e phutholla Puku ka moka ya Topollo. Ke ka mokgwa wo lefase ka moka le lopolotšwego.

¹²⁷ Ke ka lebaka leo Johane a llile, gobane, ge go se yo a kgonnego go hwetša Puku yela, tlholo yohle, se sengwe le se sengwe se be se ile. O be a no boela morago gabonolo go—go—go diathomo le dimolekule, le go ya pele, le seetša sa khosmiki, gomme ebole e sego tlholo, motho, ga go selo gape. Gobane, Adama o lahlegetšwe ke ditokelo tša Puku yela. O e lobile ge a theeeditše mosadimogatša wa gagwe, gomme o theeditše go fa mabaka ga Sathane, sebakeng sa Lentšu la Modimo. Le a bona? E be e lahlegile.

¹²⁸ Gona, e be e ka se kgone go boela morago ka diatleng tša ditšhila tša Sathane, yo a mo lekilego go tšwela ka ntle ga tsela, kafao kagona e ile morago go mong wa yona wa setlogo, boka tiro peeletšo ye nngwe le ye nngwe e tla dira, le a bona. E ya thwi morago go mong wa yona wa setlogo, gomme yoo e be e le Modimo, Mohlodi, Yo a e dirilego. Gomme O e swere.

¹²⁹ Gomme go na le poreisi, gomme yeo ke topollo. Go na le poreisi tsoko bakeng sa topollo, gomme go be go se motho a ka kgonago go e dira. Kafao, O rile, o dirile melao ya Gagwe, melao ya Gagwe Mong ya Molopolodi wa Lelokokgauswi. Ka gona, ga se ba kgona go hwetša motho. Motho yo mongwe le yo mongwe o tswetšwe ka thobalano, a tswetšwe ka morago ga kganyogo ya thobalano; o be a le ka go sebe sa setlogo, Sathane le Efa, kafao o be a ka se kgone go e dira. Ga go selo ka go yena. Ga go mopapa yo mokgethwa, moprista, Ngaka ya Bokgethwa, mang kapa mang a ka bago, e ka se be motho wa maswanedi. Gomme o be a ka se kgone go ba Morongwa, gobane e be e swanetše go ba wa Lelokokgauswi. O be a swanetše go ba motho.

¹³⁰ Ka gona Modimo ka Boyena o bile wa Lelokokgauswi, ka go tšea nama ya motho, ka tswalo ya kgarebe. Gomme O tšholotše Madi a Gagwe. Ao e be e se madi a Mojuda. E be e se madi a Montle. E be e le Madi a Modimo. Le a bona? Beibele e rile, “Re pholosítšwe ka Madi a Modimo.”

¹³¹ Ngwana o tšea madi a tate. Re a e tseba. E ka ba eng ka go bong bja bonna se tšweletša haemoklopini. Ka fao re hwetša gore, go swana le kgogotshadi e bea lee; e ka kgona go bea lee, eupša ge mokoko, goba molekani, a se a ba le yena, le ka se phaphaše. Ga se la nontšhwa. Mosadi e no ba sealamedi se se rwelego lee. Eupša lee le a tla . . . Peu e tšwa go monna.

¹³² Gomme, ka tabeng ye, monna e bile Modimo Yenamong. Ke ka fao ke boleLAGO ka fao godimo e lego fase, gomme—gomme bogolo ke bonnyane. Modimo o be a le yo mogolo kudu go fihla A eba, ebile a ipopile Yenamong ka go selo se sennyane bjalo, go hlaku ye nnyane ya nthatana ka popelong ya kgarebe. Gomme tikologong kua O godišitše disele le Madi. Gomme o tswetšwe, le go godišwa lefaseng. Gomme go tloga go mohuta woo wa mathomo, a sa otswafatšwago, ga go kganyogo ya thobalano go yona, le gatee.

¹³³ Gomme ka gona O file Madi ao, gobane O bile wa leloko go rena. Gomme O be a le Molopolodi wa Lelokokgauswi. Gomme O tšholotše Madi ale, ka go lokologa. O be a se a swanela go dira. O A file mahala, go loppola.

¹³⁴ Ka gona O ya godimo ga aletara ya Modimo, le go leta kua, ge Modimo a swere Puku ya Topollo ka diatleng tša Gagwe. Gomme Kwanae thankgetšego madi e eme godimo ga aletara ya sehlabelo. Kwana šele, go dira topollo, go dira poelano.

¹³⁵ Gona, go ka kgonega bjang e ka ba mang go bolela gore Maria, goba Josefa, goba e ka ba ofe yo mongwe a hwago, a ka kgona go ba—go ba mmuelanyi! O ka se kgone go boelanya ntle le ge fao go le Madi fao. Ee, mohlomphegi. “Go na le Mmuelanyi yo motee gare ga Modimo le motho, gomme yoo ke Kriste Jesu.” Seo ke se Lengwalo le se boleLAGO. Sole O eme, gomme go fihla soulo ya mafelelo e lopolotšwe; gomme ka gona O tla pele go tleleima se A se lopolotšego. Oo, a ta—a ta Tate yo mogolo A lego!

¹³⁶ Bjale elelwang, bjale, ka mehla ke rutile, gore, “Ka molomo wa dihlatsé tše pedi goba tše tharo, a lentšu le lengwe le le lengwe le hlongwe.” Gomme, Lengwalo, go no swana le ka se kgone go tšea Lengwalo le tee le go se netefatše selo ntle le ge go na le se sengwe gape se yago le lona. Le a bona?

¹³⁷ Le a bona, nka kgona go tšea Lengwalo le tee gomme ka re, “Judase o ile gomme a itekeletša yenamong,” ka tšea le lengwe gomme ka re, “O ya go dira sa go swana.” Le a bona? Eupša, le a bona, e ka se hlakane le lohle la Lona.

¹³⁸ Gomme ke naganne, ka tlase ga Lehuto le la Boselela, ge Moya wo Mokgethwa o Le kgaotše pele kua, gomme ke bone

gore e be e le eng, ka gona ke naganne e tla ba selo se sebotse go fa tlelase se sengwe se sennyane sa go fapanā bosegong bjo. Le a bona? Ka gore, go ka no be go lapiša, ka go no ntheetša ke bolela nako yohle, kafao ke naganne gore re tla dira se sengwe go fapanā.

¹³⁹ Bjale hlokamelang. Tiragalo ye kgolo ye e be e tswaleletšwe ka tlase ga Puku ya sephiri, ya topollo. Bjale Kwana e na le Yona ka seatleng sa Gagwe, e ya go E kgaola.

¹⁴⁰ Bjale a re lebeleleng go Mateo tema ya 24, Kwana ka Boyena a bolela. Bjale, yo mongwe le yo mongwe o a tseba gore Kriste ke Mongwadi wa Puku ka moka, bokgole bjoo seo se lego. Eupša ye ke polelo ya Gagwe—ya Gagwe mo, goba thero ya Gagwe—ya Gagwe go ba—ba batho, go lokile, go Bajuda.

¹⁴¹ Bjale ke nyaka le sware Puku ya lena ka mokgwa *wo*, Mateo 24 le Kutollo 6, ka mokgwa *wo*. [Ngwanešu Branham o swere Beibele ya gagwe e bulegile go ditema tše pedi—Mor.] Gomme a re bapetšeng se sengwe mo feela gannyane nthatana.

¹⁴² Bjale, šetšang se bjale, gomme le ka hwetša feela ka fao—ka fao go lego. Le a bona, se Kwana *mo* e se laetšago, tlwa ka seka, se A se boletšego godimo *mo* ka go Lentšu. Go direng tlwa, kafao seo se e dira gabotse. Bjale, seo—seo ke sohle se lego go yona. Mo go . . . Mo go se tee, O bolela ka sona, gomme *mo* ke moo se diregilego. Le a bona? E no ba ponagatšo ya go phethagalā.

¹⁴³ Bjale, bjale a re lebeleleng go tema ya 24 ya Mokgethwa Mateo, le Kutollo 6, le go bapetša tema ya 24 ya Mateo. Bohle re a tseba gore yeo e be e le tema ye se sengwe le se sengwe, motho yo mongwe le yo mongwe o ya go yona, go—go bolela ka sekao sa Tlaišego. E tšwa go tema ya 24 ya Mateo. Gomme bjale a re . . . Ge go le bjalo, bjale re . . . Ka gore, re a tseba gore Lehuto le la Boselela ke Lehuto la kahlolo. Ke Lehuto la kahlolo, tlwa se Le lego sona.

¹⁴⁴ Bjale, le a bona, re bile le mo—mo molwalekriste a nametše. Re bone Kereke e eya; bjale E fedile, e ya godimo. Ka gona re bona bahwelatumelo, ba bona Bajuda morago kua, ka tlase ga aletara. Bjale mo ke go phuleletša pele ga kahlolo, godimo ga batho ba ba . . .

¹⁴⁵ Go tšwa go kahlolo ye ya Tlaišego go tla tšwelela Bajuda ba dikete tše lekgolo masomenne nne ba ba lopolotšwego. Ke tla netefatša go lena ke bona Bajuda, gomme e sego Montle. Ga ba ne selo go dira le Monyalwa, e sego selo. Monyalwa, re šetše re bona gore Monyalwa o sepetše. O ka se kgone go bea seo kae kapa kae gape; ga a tle morago gape go fihla tema ya 19 ya Puku ya ditiro.

¹⁴⁶ Bjale hlokamelang, ka gore, Lehuto la Boselela ke Lehuto la kahlolo la Lentšu.

¹⁴⁷ Bjale, fa, a re thomeng bjale gomme a re baleng Mokgethwa Mateo, tema ya 24. Bjale ke tla no rata go le fa se sengwe mo ke sa tšogo se lebelela, go se hwetša. Bjale, Mokgethwa Mateo, go tloga 1 go ya go 3, gabotse, ke moo re yago go bala pele.

Gomme Jesu o ile ntle, le go tloga tempeleng: gomme barutiwa ba gagwe ba ttile go yena go mo laetsa moago wa tempele.

Gomme o rile go bona, A ga le bone dilo tše tšohle? ruri Ke re go lena, Fao go ka se be le letee . . . gwa tlogelwa mo letlapa le tee godimo ga le lengwe, leo le ka se lahlelwego fase.

Bjale, *gomme* (temana ya 3) *ge a dutše godimo . . . thaba . . . Mehlware, barutiwa ba ttile go yena sephiring, ba re, Re botše, dilo tše di tla ba neng? . . . leswao la go tla ga gago e tla ba eng, le la bofelo bja lefase?*

¹⁴⁸ Bjale a re emeng fale. Ditemana tše tharo tše, go diregile, gabotse, ka Labobedi morago ga sekgalela, Aporele la nne, A.D. 30. Gomme ditemana tše pedi tša mathomo di diregile morago ga sekgalela sa . . . sa Aporele la nne, ka A.D. 30. Gomme temana ya 3 e diregile ka Labobedi mantšiboa a letšatši la go swana. Le a bona?

¹⁴⁹ Ba ttile tempeleng, gomme ba Mmotšiša dilo tše. “Go reng ka se? Gomme go reng ka se? Lebelela tempele ye kgolo ye! A ga go makatše?”

O rile, “Go ka se be letlapa le tee le tlogetšwego godimo ga le lengwe.”

¹⁵⁰ Ka gona O ile godimo thabeng gomme a dula fase, le a bona. Gore fao, fao O a thoma; ke morago ga sekgalela. Gomme ka gona ge ba dirile, ba ile ba Motšiša godimo kua, ba re, “Re nyaka go tseba ka dilo tše dingwe.”

¹⁵¹ Bjale hlokamelang, šedi—šedi dipotšišo tše tharo di botšišwago ke Bajuda, morutiwa wa Gagwe. Dipotšišo tše tharo di a botšišwa. Bjale šetšang. “Eng,” sa pele, sa pele, “Eng . . . ? Dilo tše di tla ba neng, ge, ‘Go ka se be letlapa le tee le tlogetšwego godimo ga le lengwe?’” “Leswao la go Tla ga Gago e tla ba eng?” potšišo ya bobedi. “Gomme ya bofelo bja lefase?” Le a e bona? Go ne dipotšišo tše tharo.

¹⁵² Bjale, fao ke moo banna ba bantsi ba dirago phošo ya bona. Ba šomiša dilo tše mo go lebaka le lengwe nako yeo, ge, le a bona, O araba dipotšišo tše tharo. Di . . .

¹⁵³ Šetšang bjale ka fao—ka fao go lego botse, temana ya 3, le a bona, sekafoko sa mafelelo fale ka go temana ya 3. “Gomme go tla ba eng . . . ?” Sa pele, ba Mmileditše thabeng ya Mehlware fa, sephiring. “Re botše, dilo tše di tla ba neng?” potšišo nomoro tee. “Leswao la go Tla ga Gago e tla ba eng?” potšišo nomoro pedi. “Gomme ya bofelo bja lefase?” potšišo nomoro boraro. Le

a bona? Go ne dipotšišo tše tharo tša go fapana di botšišitšwego. Bjale, bjale ke nyaka le phetle gomme le šetše ka fao Jesu fa a ba botšago ka dilo tše.

¹⁵⁴ Oo, ke mo go botse kudu! Ke... E no ntira... Ke—ke—ke hwetša... E be e le eng lentšu lela re bego re le šomiša bošego bjo bongwe? [Phuthego e re, "Tutuetšo."—Mor.] Tutuetšo go tšwa go kutollo! Hlokamelang.

¹⁵⁵ Bjale a re phetleng bjale go Lehuto la Pele la ma—ma Mahuto a Puku ye, le go bapetša Lehuto le la Pele le potšišo ye ya mathomo.

¹⁵⁶ Gomme potšišo ye nngwe le ye nngwe, e bapetše thwi fase, gomme re bone ge eba ga e sepedišane seatla ka seatla, go no swana le ge re dirile ka go ohle a mangwe a go bulega, go mabaka a kereke le se sengwe le se sengwe, go swana tlwa. Lehuto šelele, le bulegile ka go phethagala, gona. Hlokamelang, bjale. Bjale re ya go bala, pele, bakeng sa... "Morago O ba arabile..." Gomme—gomme ka gona O—O ya go thoma go araba bjale, gomme re nyaka go e bapetša le Mahuto.

¹⁵⁷ Bjale šetšang. Lehuto la Pele ke Kutollo 6:1 le 2. Bjale re bala 6:1 le 2.

Gomme—gomme ke bone... Kwana ge a butše le lengwe la mahuto, gomme ke kwele, bjalo ka ge go bile lešata la modumo, ye nngwe ya dibata tše nne e re, Tlaa gomme o bone.

Gomme ke bone, gomme bonang pere ye tšhweu: gomme yo a dutšego godimo ga gagwe o be a ne bora; gomme a fiwa mphaphahlogo: gomme o ile pele a fenya, le go fenya.

¹⁵⁸ Re hweditše mothaka yo o be a le mang? [Phuthego e re, "Molwalekriste."—Mor.] Molwalekriste. Mateo 24, bjale, 4 le 5.

Gomme Jesu o fetotše gomme o rile go bona—go bona, Šetšang gore go se be motho a le forago.

Ka gore ba bantsi ba tla tla leineng la ka, ba re, ke nna Kriste; gomme ba tla fora ba bantsi.

¹⁵⁹ Le a bona? Molwalekriste. Šeleo Lehuto la lena. Le a bona? Le a bona? O e boletše *fa*; gomme *fa* ba bula Lehuto, gomme šo o be a le *fa*, feela go phethagala.

¹⁶⁰ Bjale Lehuto la Bobedi, Mateo 24:6, Kutollo 6:3 le 4. Bjale šetšang, Mateo 24:6. Bjale a nke ke bone se e se bolelago.

Gomme le tla kwa ka dintwa le mekgoši ya dintwa: bonang gore le se hiduege: ka gore dilo tše tšohle di swanetše go tla go phethega, eupša bofelo ga se bja be bja ba gona.

¹⁶¹ Go lokile, a re tšeeng Lehuto la Bobedi, Kutollo 6:3 le... Pedi. Šetšang se A se bolelago bjale.

Gomme ge a butše lehuto la bobedi, gomme ke kwele sebata sa bobedi se re, Tlaa . . . o bone.

Gomme fao go ile pele pere ye nngwe e bego e le ye khubedu: gomme maatla a filwe go yena yoo a dutšego godimo ga yona go tšea khutšo go tloga lefaseng, le gore ba bolayane seng: gomme go filwe go yena tšhoša ye kgolo.

¹⁶² Ka go phethagala, feela tlwa! Oo, ke rata go dira Lengwalo le arabe Lonamong. A ga le? Moya wo Mokgethwa o Le ngwadile lohle, eupša O kgona go Le utolla.

¹⁶³ Bjale a re hlokomeleñ Lehuto la Boraro. Bjale, ye ke tlala. Bjale, Mateo 24:7 le 8. A re hwetšeng 7 le 8, ka go Mateo.

Gomme setšhaba se tla tsoga kgahlanong le setšhaba, le mmušo kgahlanong le mmušo: gomme go tla ba tlala, . . . leuba la malwetši, . . . ditšhišinyego tša lefase, ka mafelong a go fapana.

Dilo tšohle tše ke mathomo a manyami.

¹⁶⁴ Le a bona, le tla thwi godimo bjale. Bjale, Kutollo, ka go ya 6, bjale re ya go bula Lehuto la Boraro. Le hwetšwa ka go Kutollo 6:5 le 6.

Gomme ge a butše lehuto la boraro, ke—ke bone sebata sa boraro se re, Tlaa o bone. Gomme ke bone, gomme bonang pere ye ntsho; gomme yo a bego a dutše godimo ga yona o be a swere dielaboina ka seatleng sa gagwe.

Gomme ke kwele segalontšu ka magareng ga diphedi tše nne se re, Leselwana . . . peni . . . Leselwana la korong ke peni, gomme maselwana a mararo a bali ke peni; gomme o bone o se senye oli le . . . beine.

¹⁶⁵ Tlala! Le a bona, tlwa Lehuto la go swana, selo sa go swana Jesu a se boletšego. Go lokile.

¹⁶⁶ Lehuto la bone, “leuba la malwetši” le “lehu.” HlokomeLang, Mateo 24. Re tla bala te—te temana ya 8, ya 7 le ya 8, ke a dumela ke yona, go Lehuto le la Bone, ke na le lona mo. Go lokile.

¹⁶⁷ Bjale, ke badile eng morago mo? A ke badile se sengwe sa phošo? Ya, ke bile le seo se swailwe. Ya, ke rena bao. Bjale re a ya. Bjale re a ya. Go lokile, mohlomphegi.

¹⁶⁸ Bjale a re thomeng fa go ya 7, go le, Lehuto la Bone; gomme go 6:7 le 8, go ye nngwe, go Kutollo.

¹⁶⁹ Bjale a re boneng ya 7 le ya 8 ya Mateo 24. Go lokile, bjale.

Gomme setšhaba se tla tsoga kgahlanong le setšhaba, le mmušo kgahlanong le mmušo: gomme go tla ditlala, . . . leuba la malwetši, . . . ditšhišinyego tša lefase, ka mafelong a go fapana.

Dilo tšohle tše ke mathomo a manyami.

¹⁷⁰ Bjale Lehuto la Bone, bjalo ka ge re le badile godimo fa, e bile... Lehuto la Bone, le be le thoma go ya 7 le ya 8, go se sengwe bjale.

Gomme ge a butše lehuto la bone, gomme bonang... sebata sa bone se rile, Tlaa gomme o bone.

Gomme ke lebeletše, gomme bonang pere ye tshehla:...

¹⁷¹ Bjale emang. Ke na le se se ngwadilwe fase ka phošo. Ya. Ya. Bjale motsotso feela, bjale, 7 le 8.

¹⁷² Bjale a re boneng, Mateo 24:7 le 8. Bjale a re boneng. Re tla hwetša seo. Leo ke la Boraro, go bulega, a ga se yona? Mateo 24:7 le 8. Ke maswabi. Bjale, leo le bula pula, goba, tlala, go bula tlala. Go lokile.

¹⁷³ Bjale, “leuba la malwetši” le “lehu.” Ee, mohlomphegi. Bjale re ya go yona, 7 le 8. Bjale, seo e tla ba Lehuto la Bone. A re boneng moo re hwetšago Lehuto la Bone. “Gomme ge a butše la Bone—Lehuto la Bone...” Ya, ke monamedi wa pere ye tshehla, “Lehu,” le a bona.

Gomme—gomme ke lebeletše, gomme ka bona pere ye tshehla: gomme yena... pere ye tshehla: gomme leina la gagwe yo a dutše godimo ga gagwe le be le bitšwa Lehu, gomme Hele e latetše... yena. Gomme o filwe maatla go yena godimo ga tše nne-... dikarolo tša lefase, go bolaya ka tšo tšoša, le ka tlala, le ka lehu, le ka dibata tša lefase.

¹⁷⁴ Bjale, le a bona, yeo e be e le “Lehu.”

¹⁷⁵ Bjale, Lehuto la Bohlano, Mateo 24:9-13. A re boneng ge ke na le ye gabotse, bjale, gape. Le a bona?

Gomme ka gona ba tla le gafela go tlaišwa, gomme ba tla le bolaya (ke lena bao): gomme le tla hloiwka ke ditšhaba tšohle bakeng sa leina la ka. Gomme ge...

Gomme ka gona ba bantši ba tla eka... ba bantši ba tla kgopišega, gomme ba tla ekana seng sa bona, gomme ba tla hloyana seng sa bona.

Gomme baprofeta ba maaka ba bantši ba tla tsoga, gomme... ba fora bontši.

Gomme ka gobane bokgopo bo tla ata, lerato la ba bantši le tla tonya.

Eupša yo... a kgotlelelaggo go fihla bofelong, wa go swana o tla phološwa.

¹⁷⁶ Bjale, re go Lehuto la Bohlano bjale. Gomme bjoo e bile bošego bja go feta, le a bona. “Ba tla go gafela, ba ekana seng sa bona,” le go ya pele.

¹⁷⁷ Bjale šetšang fa go la 6, Lehuto, 6:9 go ya go 11. Bjale a re hwetšeng yeo, Kutollo 6:9 go fihla go 11.

Gomme ge a butše lehuto la bohlano, ke bone ka tlase ga aletara disoulo tša bona bao ba bolaetšwego lentšu la Modimo, le bakeng sa bopaki bjo ba bo swerego:

Gomme ba goeleditše ka segalontšu se segolo, ba re, Bottelele gakaakang, . . . Morena, mokgethwa . . . therešo, a o . . . ahlola le go lefetša madi a rena go bona bao ba agilego lefaseng?

Bjale, gomme dikobo tše tšhweu di filwe go yo mongwe le yo mongwe wa bona; gomme go boletšwe go bona, gore ba swanetše go khutša feela lebaka la sehla se sennyane, go fihla bahlankammogo ba bona le bona le baena ba bona, . . . ba swanetše go bolawa bjalo ka ge ba bile, ba swanetše go phethagatšwa.

¹⁷⁸ Bjale, le a bona, ka tlase ga Lehuto la Bohlano, re hwetša—re hwetša fa bohwelatumelo.

¹⁷⁹ Gomme ka tlase ga 24:9 godimo fa, re . . . go ya go 13, re hwetša gape gore e be e le mohwelatumelo. “Ba tla le gafela, le go le bolaya,” le go ya pele. Le a bona, Lehuto la go swana le butšwe.

¹⁸⁰ Bjale, ka go Lehuto la Boselela, ke lona re tlagos go lona bjale, Mateo 24:29 le 30. 24, gomme a re hwetšeng 29 le—le 30. Ke rena ba.

Bjale, bjale re ya go hwetša, gape, Kutollo 6:12 go fihla 17.

¹⁸¹ Seo ke tlwa se re sa tšogo se bala. Bjale theetšang se, bjale, se Jesu a se boletšego ka go Mateo . . . :29, 24:29 le 30.

Ka pela ka morago ga tlaišego ya matšatši ao . . .

¹⁸² Eng? Ge . . . tlaišego ye, tlaišego ye nnyane ye ba ilego go e kgabola fa, le a bona.

. . . letšatši le tla fifatšwa, gomme ngwedi o ka se fe seetša sa ona, gomme dinaledi di tla wa go tšwa legodimong, gomme maatla a . . . magodimo a tla šikinywa:

Gomme ka gona go tla tšwelela leswao la Morwa wa motho legodimong: gomme nako yeo ditšhaba tšohle tša lefase di tla lla, gomme ba tla bona Morwa wa motho a etla ka maru a legodimo ka maatla le letago le legolo.

¹⁸³ Bjale, balang godimo fa ka go Kutollo bjale, le—le Lehuto la Boselela, le re lego go lona thwi bjale.

Gomme . . . bonang ge a butše lehuto la boselela, gomme, bonang, fao go bile tšhišmyego ye kgolo ya lefase; gomme letšatši le bile boso bjalo ka lešelamokotla (le a bona?) la moriri, gomme ngwedi o bile bjalo ka madi;

Gomme dinaledi tša legodimo di wetše lefaseng, ebile bjalo ka mohlare wa mogo o hlohlorega mago a matata, ge a . . . šikinywa ke phefo ye maatla.

Gomme magodimo a tlogile bjalo ka sekrolo bjalo ka ge se phuthelwa mmogo; gomme thaba ye nngwe le ye nngwe le sehlakahlaka se sengwe le se sengwe . . . di ile tša sepelela ka ntle ga lefelo la tšona.

Gomme dikgoši tša lefase, le banna ba bagolo, le banna ba bahumi, le balaodi bagolo, le banna ba maatla, gomme motlengwa yo mongwe le yo mongwe, . . . mohunologi yo mongwe le yo mongwe, ba iphihlile bonabeng ka mefomeng . . . ka maswiken a thaba;

Gomme ba rile go dithaba le maswika, Re weleng, gomme re fihleng go tloga sefahlegong sa yena yoo a dutšego godimo ga terone, le go tšwa bogaleng—bogaleng bja Kwana:

Ka gore letšatši le legolo la bogale bja gagwe le tlide; . . . ke mang yo a tla kgonago go ema?

¹⁸⁴ Feela ka go phethagala, phetlang thwi morago godimo, le bone se Jesu a se boletšego mo bjale ka go Mateo 24:29. Theetšang, “Morago,” taba ye ya Eichmann, le go ya pele.

Ka pela ka morago ga tlaišego ya matsatši ao letšatši le tla fifatšwa, . . . ngwedi o ka se ke—o ka se fe seetša, . . . dinaledi di tla wa go tšwa legodimong, . . . maatla a . . . legodimo le tla šišinywa:

Bjale šetšang.

Gomme ka gona go tla tšwelela leswao la Morwa wa motho legodimong: gomme ba tla bona, gomme bona . . . gomme nako yeo meloko yohle ya lefase e tla lla, gomme ba tla bona Morwa wa motho a etla ka maru a legodimo le maatla a magolo le letago.

Gomme . . . a romela barongwa ba gagwe pele, le go ya pele, le ka . . . segalo sa phalafala, gomme . . . ba tla ba kgobelaa mmogo . . . diphefo tše nne, . . . di swaragane mmogo.

¹⁸⁵ Le a bona, feela tlwa, go bapetša se Jesu a se boletšego ka go Mateo 24, le se moutolli fa a se butšego ka go Lehuto la Boselela, o no ba tlwa. Gomme Jesu o be a bolela ka sekgao sa Tlaišego. Le a bona?

¹⁸⁶ Sa pele, o botšišitše dilo tše di tla ba neng, ge tempele e tla be e tlošitšwe. O arabile seo. Selo sa go latela a se botšišitšego, ke neng mo go tla tlago nako . . . Fao go tla lebaka la mohwelatumelo. Gomme ge se se tla dira, ge molwalekriste a tla tsoga; gomme ge molwalekriste a tla tše go tloša tempele.

¹⁸⁷ Daniele, ka fao re kgonnégo go ya morago le go topa Daniele godimo fale, ge a boletše seo, mokgoma yo yoo a tla tlago. Lena babadi le tseba seo. Gomme o swanetše go dira eng? O tla tloša sehlabelo sa tšatši ka tšatši, le se sohle se tla diregago lebakeng la nako. O rile . . .

¹⁸⁸ Jesu, ebile, go boleleng ka yona mo, o e thaleletše. O rile, “Ge le bona makgapha ao a dirago tšhwälanyo, a bolets’wego ke moprefeta Daniele, a eme ka lefelong le lekgethwa.” Ke eng seo? Mosque wa Omar, o eme ka lefelong la tempele ge ba e tshumile. O rile, “A nke bao ba lego ka dithabeng . . . A nke bona bao ba lego dintlhohlong tša ntlo, ba se ke ba tla fase go tsea dilo go tšwa ntlong, goba yena yo a lego ka tšhemong a bowa morago. Ka gore go tla ba le nako ya bothata!” Le a bona? Gomme dilo tše tšohle di tla direga, tša di šuthišetša pele go theoga bjale le go e hlatsela, morago go go bulwa ga Lehuto la Boselela.

¹⁸⁹ Bjale ke le nyaka le hlokomele. Jesu . . . Bjale, e ka ba gosasa bošego, go Le, Jesu o tlogetše thuto ya Lehuto la Bošupa. Ga e gona fa. Setšang, O ya thwi pele ka diswantšho bjale, morago ga fao. Gomme Johane o tlogetše Lehuto la Bošupa. La Bošupa, la mafelelo, Lehuto la Bošupa, leo le yago go ba selo se segolo. Ebile ga se la ngwalwa, le a bona. O tlogetše Lehuto la Bošupa; bobedi bja bona ba dirile. Gomme moutolli, ge Modimo a nno re go be go le . . . Johane o rile, “Go be go no ba setu ka Legodimong.” Jesu ga se a ke a bolela lentšu ka Lona.

¹⁹⁰ Hlokamelang bjale, morago go ya 12 temana, hlokamelang, ga go Sebata. Yeo ke temana ya 12, go thoma go Lehuto la rena, go le bona le bulegile. Ga go Sebata, boka, Dibopiwa tša go phela, di emetšwego fa, esita, boka go bile go Lehuto la Bohlano. Gobaneng? Se se diregile, lehlakore le lengwe la lebaka la Ebangedi, ka go sekao sa Tlaišego. Lehuto le la Boselela ke sekao sa Tlaišego. Seo ke se se diregago. Monyalwa o ile. Le a bona? Ga go na Sebopiwa se se phelago goba selo fale go le bolela. E no ba . . . Bjale, Modimo ga a sa mekamekana le Kereke gape; E ile.

¹⁹¹ O mekamekana le Israele, le a bona. Le a bona, le ke lehlakore le lengwe, ye ke ge Israele e amogetše Molaetša wa mmušo, ka baprofeta ba babedi ba Kutollo 11. Elelwang, Israele ke setšhaba, mohlanka wa Modimo, setšhaba. Gomme ge—ge—ge Israele e tlišwa ka gare, e tla ba ta—ta taba ya bosetšhaba.

¹⁹² Israele, lebaka la mmušo, ke moo Dafida . . . Morwa wa Dafida, o dula mo teroneng. Ke ka lebaka leo mosadi yola a goeleditšego, “Wena Morwa wa Dafida!” Gomme Dafida o go . . . Morwa wa Dafida! Modimo o enne ka Yena, go Dafida, gore O tla tsoša Morwa wa Gagwe yo a tla tšeago terone ya gagwe. E tla ba terone ya neng le neng. Le a bona? E ka se be le bofelo. Salomo o e file, ka sekai, ka tempeleng. Gomme Jesu o nno ba botša mo,

ke gore, "Go ka se be letlapa le tlogetšwego godimo ga le letee la ona." Eupša O leka go ba botša mo, se . . . O a bowa.

"O bowa neng morago?"

¹⁹³ "Dilo tše di tla direga pele Ke bowa morago." Gomme šebao!

Bjale re mo nakong ya Tlaišego.

Elelwang, ge mmušo o beilwe godimo, lefaseng . . .

¹⁹⁴ Bjale, se e ka no ba go tšoša gannyane. Gomme ge eba go ne potšišo, gomme le—le sa ntše le kgona go mpotšiša; ge le nyaka go bea potšišo godimo, morago ga ge e biditšwe, le go no e betha; ge o se wa dira, ga se o šo o tsebe.

¹⁹⁵ Ka go nako ya Mileniamo, ke Israele yeo e lego setšhaba, meloko ye lesomepedi bjalo ka setšhaba.

¹⁹⁶ Eupša Monyalwa o ka paleising. Ke Kgošigadi bjale. O nyetšwe. Gomme lefase lohle le tla tla ka go toropokgolo ye, Jerusalema, gomme le tla tliša letago la lona ka kua. "Gomme dikgoro di ka se tswalelwé, bo—bo—bo bošego, gobane go ka se be le bošego bjo bo itšego." Le a bona? Dikgoro ka mehla di tla bulwa. "Gomme dikgoši tša lefase," Kutollo . . . :22, "di tliša tlhompho ya tšona le letago ka go toropokgolo ye." Eupša Monyalwa o ka kua le Kwana. Oo, nna! O kgona go bona seo, ka kua! E sego . . . Monyalwa ga a ye go ba ntle mo a šoma ka go dirapa tša morara. Aowa, mohlomphegi. Ke Monyalwa. Ke Kgošigadi go Kgoši. Ke ba bangwe ba ba šomago ntle kua, setšhaba, e sego Monyalwa. Amene. Go lokile.

¹⁹⁷ Hlokamelang batseta ba bjale, batseta ba ba Kutollo . . . :12, baprofeta ba babedi ba, ba ya go rera, "Mmušo o batametše!" Le a bona? Mmušo wa Legodimo o swanetše go hlongwa. Nako, mengwaga ye meraro le seripa ya beke ya bomasomešupa ya Daniele, e tshepišitšwe go Bajuda, batho ba gagwe. Elelwang bjale, gore, go netefatša gore, ye ke karolo ya mafelelo ya beke ya bomasomešupa ya Daniele. Ke na le potšišo ka seo go gosasa. Le a bona?

¹⁹⁸ Bjale, dibeke tše masomešupa di tshepišitšwe, e bego e le mengwaga ye šupago. Gomme ka bogareng bja dibeke tše šupago, Mesia o be a swanetše go ripša, go dirwa sehlabeled. O be a tla profeta mengwaga ye meraro le seripa se tee, gomme ka gona o tla be a tla ripša, bakeng sa sehlabeled go batho. Gomme go sa na le maikemišetšo, gore mengwaga ye meraro le seripa e sa beetšwe Israele. Ka gona, ge Mesia a ripilwe, Mojuda o ile a foufatšwa gore a se kgone go bona yoo e be e le Mesia.

¹⁹⁹ Gomme, ka gona, ge Mesia a ripilwe, nako yeo lebaka la Ebangedi le mogau la tla go Bantle. Gomme ba tlile fase, gomme Modimo o gogile yo motee go tšwa *mo le mola*, le *mo le mola*, gomme a ba bea kgole ka tlase ga batseta; gomme *mo le mola*, le *mo le mola*, le go ba bea kgole ka tlase ga batseta.

²⁰⁰ Gomme O rometše pele motseta wa mathomo, gomme o rerile, gomme phalafala e galagetše; bjalo ka ge re e topa godimo, morago ga lebakana. Gomme, ka gona, phalafala e be e kwalakwatša ntwa. Phalafala ka mehla e bega ntwa. Motseta, morongwa o tlide lefaseng, motseta wa iri, go swana le ba Luther, go swana le e ka ba mang wa batseta bao re boletšego ka bona. O dira eng? O a fihla; gomme Lehuto le bulegile, le utolotšwe; phalafala e a galagala, ntwa e kwalakwaditšwe, gomme ba ya kgole. Gomme morago motseta o a hwa. O tswalelela kgole sehlopha se; ba bewa ka gare. Gomme kotlo e wela godimo ga bao ba O gannego. Le a bona?

²⁰¹ Ka gona e ya pele, ka gona ba a kgatlofatša, ba hwetša mokgatlo wo mongwe. Re sa tšwa go tla go e kgabola. Ka gona, mo ba tla ntle le maatla a mangwe, le a bona, maatla a mangwe, lebaka le lengwe la kereke, bodiredi bjo bongwe. Ka gona, ge a dira seo, mmogo go tla Modimo le bodiredi bja Gagwe, ge molwalekriste a etla le bja gagwe. Le a bona, *molwa* ke “kgahlanong.” Ba kitima lehlakore ka lehlakore.

²⁰² Ke nyaka le hlokomele se sengwe se sennyane. E ka ba feela nako yeo—yeo Kaine a tlide lefaseng, Abele o tlide lefaseng. Ke nyaka le hlokomele, feela e ka ba nako yeo—yeo Kriste o tlide lefaseng, Judase o tlide lefaseng. E ka ba ka nako ye Kriste a tlogilego lefaseng, Judase o tlogile lefaseng. Feel a e ka ba nako yeo mo—mo Moya wo Mokgethwa o welego, moya wa molwalekriste o wele. Feel a e ka ba ka nako ye Moya wo Mokgethwa o ikutollago Yenamong mo ka matsatsing a mafelelo, molwalekriste o bontša mebala ya gagwe, go tla godimo ka dipolitiki tša gagwe le dilo. Gomme e ka ba ka nako ye molwalekriste a itsħutetšago yenamong ka botlalo mo mokg—... go lefelotiragalo; Modimo o itsħutetsa Yenamong ka botlalo godimo, go e lopolla bohle. Le a bona, ba no kitima, feela thwi mmogo. Gomme ba, bobedi, lehlakore ka lehlakore. Kaine le Abele! Legokubu le leeба, godimo ga areka! Judase le Jesu! Gomme feela go theoga, le ka kgona go e tšeа. Feel a . . .

²⁰³ Mo go be go le Moaba le Israele; bobedi bja bona. Moaba e be e se setħhaba sa bahetene. Aowa, mohlomphegi. Ba neetše seħlabelo sa go swana seo Israele e bego e se neela. Ba rapetše Modimo wa go swana. Tlwa. Moaba o be a bitšwa—... E bile yo mongwe wa barwedi ba Loto yoo a robetšego le tatagwe, gomme o bile le ngwana. Gomme ngwana yoo o be a bitšwa Moaba. Gomme go tšwa go yena go tšweletše moloko wa Moaba, naga ya Moaba.

Gomme ge ba bone Israele, ngwanabobona yo a lopolotšwego, a etla.

²⁰⁴ Ba be ba le boramelawana. Ba be ba le kerekeleina ye kgolo. Israele e be e se na le kerekeleina; o be a no dula ditenteng le kae kapa kae mo o yago. Eupša Moaba o bile le bahlomphegi, dikgoši,

le go ya pele. Gomme ba bile le Bileama godimo kua, mo—mo moprofeta wa maaka. Gomme ba bile le sohle se. Morago ba tlide tlase fale go rogaka ngwanabobona yo monnyane yoo a bego a le tseleng go ya nageng ya tshepišo, a eya go tshepišo ya gagwe.

²⁰⁵ Gomme o ile le go ba kgopela, “A nka kgona go feta go kgabola naga ya lena? Ge dikgomo tša ka di enwa meetse, ke tla e lefela. Ge di latswa bjang godimo, re tla lefa bakeng sa bjona.”

²⁰⁶ O rile, “Aowa. Ga le sware tsošeletšo boka yeo tikologong fa. Yeo ke nnete. Ga o sware e ka ba eng boka yeo tikologong fa.”

²⁰⁷ Gomme ka gona šetšang se a se dirilego. O tla thwi morago ka go sebopego sa Isebele, le go tla tlase ka moprofeta yola wa maaka, gomme o dirile bana ba Modimo go phoša. Gomme ba nyaletše basadi ba Moaba ka go—ka go Israele, gomme bahlola bootswa.

²⁰⁸ Gomme o dirile selo sa go swana, ka go lebaka lela la go swana, mo leetong, mo tseleng go ya Nageng ya tshepišo, re lego go yona. O dirile eng? Moprofeta wa maaka o tla thwi go dikologa le go nyala, gomme a biletša ka kerekeng ya Protestant, gomme ba hlola dikerekemaina, feela tlwa se ba se dirilego morago kua.

²⁰⁹ Eupša Israele ye nnyane ya kgale e sepeletše pele thwi, go swana. O dikadikile ka lešokeng nako ye telele, gomme bona bohole balwi ba kgale ba ile ba swanelo go hwa, eupša o ile thwi pele ka go naga ya tshepišo. Ya. Ee. Ba šetšeng bohole ka letsogong, feela pele ba kgabaganya Jorodane. Ha-ha! Ke rata seo. Bjale re theogela tlase go lebaka lela gonabjale, fa bjale. Hlokamelang.

²¹⁰ Bjale re hwetša, gore, nako, ya mafelelo (ke rile) mengwaga ye meraro le seripa sa ngwaga wa dibeke tše masomešupa tsa Daniele.

²¹¹ A ke hlaloše seo kgauswana gannyane bjale, ka gore ke bona yo mongwe fa yo ka mehla a šeditšegeo seo, gomme ke—ke nyaka go leka go itira nnamong go hlaka; morutiši.

²¹² Hlokamelang ge dibeke tše masomešupa di etla ka gare. Ge Daniele a bone pono ya nako e etla, le go felela ga Bajuda, eupša o rile go be go beetšwe dibeke tše masomešupa. Yeo ke mengwaga ye šupago; ka bogareng bja yona, gobaneng, Mesia o tla ba mo, goba, gomme o tla ripša, bakeng sa sehlabelo. Bjale, seo ke tlwa se se diregilego.

²¹³ Ka gona, Modimo o mekamekane le Bantle go fihla ba tšere batho bakeng sa Leina la Gagwe. Ka pela ge Kereke ya Bantle e ntšhitše, O tšeetše Kereke godimo.

²¹⁴ Gomme ge A dirile, kgarebe ye e robetšegeo, kereke yonamong... Monyalwa o ile godimo. Gomme kereke yonamong e beilwe ka go “leswiswi la ntgentle, moo go lego sello, le go golola, le ditsikitlano tša meno.” Ka nako ya go swana, Tlaišego e wela godimo ga batho bale.

²¹⁵ Gomme ge Tlaišego e sa wa, ka fale go tla baprofeta ba babedi ba ba Kutollo 11, go rera Ebangedi go bona. Gomme ba rera sekete, lekgolo le tee... le matšatši a masometshela. Le a bona? Gabotse, seo ke tlwa, ka matšatši a masometharo mo kgweding boka tšhupamabaka ya kgonthe e na le, ke mengwaga ye meraro le seripa sa ngwaga. Yeo ke karolo ya bomasomešupa ya Daniele, karolo ya mafelelo ya beke ya bomasomešupa. Le a bona?

Modimo ga se a mekamekana le Israele ka fa. Aowa, mohlomphegi.

²¹⁶ Ngwanešu o mpotšišitše, e sego telele go fetile, a re, “A ke swanetše go ya...” Ngwa—ngwa ngwanešu mo ka kerekeng, yo bohlokwa, ngwanešu morategi, o rile, “Ke—ke nyaka go ya Israele. Ke a dumela go na le go phafoga.”

²¹⁷ Yo mongwe o rile go nna, “Ngwanešu Branham, o swanetše go ya go Israele gonabjale. Ba tla e bona.” Le a bona, o ka se kgone go e dira.

Ke eme thwi fale, gomme ka nagana...

²¹⁸ Bona Bajuda ba rile, “Ge ke... Gabotse, ge yo e le, Jesu a le me—a le Mesia,” ba rile, “a nke re Mmone a dira leswao la moprofeta. Re tla dumela baprofeta ba rena, gobane seo ke se ba—ba swanetšego go ba.”

²¹⁹ “A peakanyo,” ke naganne. “Šefa ke a ya!” Ge ke fihlile thwi fale, thwi kgaušwi le yona, thwi... ke be ke le, gabotse, ke be ke le ka Cairo. Gomme ke be ke na le thekethe ya ka ka seatleng sa ka, bakeng sa Israele. Gomme ke rile, “Nna, ke tla ya, go bona ge eba ba kgopela seo, ge ba ka kgona go bona leswao la moprofeta. Re tla bona ge eba ba tla amogela Kriste.”

²²⁰ Lewi Pethrus, wa kereke ya Stockholm, o ba rometše milione wa Beibele.

²²¹ Gomme Bajuda bale ba etla ka fale! Le bone seswantšho. Ke na le yona mo lebilwaneng, moragorago mo bjale, *Three Minutes To Midnight*. Gomme bona Bajuda ba etla ka gare, go tšwa gohlegohle lefaseng, mogohle, ba thoma go kgobokana ka gare godimo fale.

²²² Ka morago ga ge Engelane e ile ka kua, lebakeng la nako ya Mogeneral Allenby, ka go *The Decline Of The World's War*, ke go bolumo ya bobedi, ke a nagana ke yona, gomme ba ineetše, Maturk ba ineetše, gona o e fa morago go Israele. Gomme o be a gola bjalo ka setšhaba, gomme bjale ke setšhaba sa go phethagala: tšhelete ya gagwe mong, tšhelete, folaga, sesole, le se sengwe le se sengwe gape. Le a bona?

²²³ Gomme Bajuda ba, go tleng morago nagalegaeng, ba be ba... Selo sa pele, ge ba ile tlase ka Iran, le tlase ka fale, go ba hwetša, ba botšišitše... Ba rile... o rile... Ba nyaka go ba tšeela

morago go Israele, go ba fa lefelo la bona; ba tseele morago ka nageng ya bona, Palestina, moo ba swanetšego go ba.

²²⁴ Gomme, elelwang, ge feela Israele e le ka ntle ga naga yela, o ka ntle ga thato ya Modimo; boka Abraham, yo a filwego. Gomme ge...

²²⁵ Ba be ka se tsene go sefofane sela. Ga se nke ba ke ba bona e ka ba eng boka seo. Go bile rabi wa kgale o gatetše tlase kua, o rile, "Moprefeta wa rena o re boditše, gore, ge Israele e be e eya gae, e tla ba 'godimo ga mafego a ntšhu,'" godimo ga sefofane, tsela go ya gae.

²²⁶ Šole bjale, o a aga. Mohlare wa mogo o a bušetša! Amene! Naledi ya kgale ya ntlha tše tshela ya Dafida e fofa!

²²⁷ "Matšatši a Bantle a badilwe, ka tšitišo ya letšhogo!" Sekgao sa Tlaišego thwi mo kgauswi!

²²⁸ Gomme go ema thwi mo, gomme Mahuto a bulwa, Kereke e loketše go tšea mofofo wa Gagwe ka moyeng!

²²⁹ Gomme Tlaišego e tsene, morago Modimo o tla tlase le go goga ba dikete tše lekgolo masomenne nne go tšwa fale. Amene! Fao, oo, e phethagetše! A le bona moo Mahuto a e tlišago ntle bjale, le a bona, go e bula godimo? Bjale, ye ke mengwaga ye meraro le seripa se tee go batho. Gape, ge le ka hlokomela, ke nako gore Modimo o tla bitša Bajuda bale ba dikete tše lekgolo le masomenne nne, ka go ye ya mafelelo mengwaga ye meraro le seripa.

²³⁰ Le a bona, ga se A mekamekana le bona, le gatee. Ga se ba be le moprefeta. Ba ka se dumele selo gape eupša moprefeta. Ga o ba tlaetše. Kafao, ba ya go kwa moprefeta, ee, mohlomphegi, gomme seo ke sohle. Gore, Modimo o ba boditše gore mathomong, gomme ba dula thwi le yona.

²³¹ O rile, "Morena Modimo wa lena o tla tsoša Moprefeta magareng ga lena, boka nna." Moshe o boletše seo. Gomme o rile, "Yena le tla mo kwa. Gomme e ka ba mang a ka se kwego Moprefeta yola, o tla ripša go tloga bathong." Yeo ke nnete.

²³² Gomme, le a bona, mahlo a bona a ile a swanelwa ke go foufatšwa, goba nkabe ba ile ba Mo lemoga. Go e na le seo, ka go foufatšwa, ba be... Seo se dumelatše Sathane go tla godimo ga bona, gomme ba re, "Ke mmolelelamahlatse, Beletsebubu. A nke madi a gagwe a be godimo ga rena. Re a tseba gore ga go selo go yena." Le a bona?

²³³ Gomme batho ba go šokiša ba be ba foufaditšwe. Ke ka lebak leo sehlopha sa Eichmann le sehlopha sela sohle se bolailwego morago fale. Ba bile le tokelo go tsena ka gare; Tate wa bona beng o ile a swanela go foufatša mahlo a bona gore A kgone go re tšea.

²³⁴ Seo ke selo sa go šokiša kudu ka Mangwalong, go nyakile. E no nagana ka fao, Bajuda, ba bitša Madi a Tatagobona

beng, Modimo wa bona beng a lekeletše fao, a etšwa madi. Lebelelang, “Fao ba Mmapotše,” Beibele e boletše. Ao ke a mane a mantšu a magologolo kudu. Lebelelang. “Kua,” Jerusalema, toropokgolo ye kgethwa kudukudu lefaseng. “Bona,” batho ba bakgethwakgethwa ka lefaseng. “Ba bapotše,” lehu le lešoro kudukudu lefaseng. “Yena,” Motho yo bohlokwa kudukudu ka lefaseng. Le a bona? Gobaneng? Batho ba bodumedi, bodumedi bjo bogologolo ka lefaseng, bodumedi bo nnoši bja therešo ka lefaseng, ba be ba eme fale, ba bapotše yena Modimo yoo Beibele ya bona e rilego o tla tla.

²³⁵ Gobaneng ba se ba e bona? Beibele e re botša gore Modimo o ba foufaditše kafao ga se ba kgona go e bona. Bona... O rile, “Ke mang wa lena a ka Mpeago molato wa sebe?” Ka mantšu a mangwe, “Ge nkabe Ke se ka dira tlwa seo se akanyeditšwegopele go Nna go dira, gona le Mpotše.” *Sebe ke “gosedumele.”* O dirile tlwa se Modimo a Mmoditšego, eupša ga se ba kgona go e bona.

²³⁶ Bjale ge o bolela le batho, go no swana le go fošetša meetse mokokotlong wa lepidipidi. A le bona se ke se rago? Ke selo sa go šokiša, ge o bona ditšhaba tše le batho, ka tsela ye ba dirago, setatšhe bjalo le bodumedi! Eupša a Moya wo Mokgethwa ga o re botše seo? “Ba tla ba hlogothata, monagano wa godimo, barati ba maipshino go feta barati ba Modimo, ba thubadikwano, baphari ba maaka, basekgotsofale, le banyatši ba tše botse. Ba tla ba le sebopego sa bomodimo, eupša ba tla gana Maatla a Ebangedi.” O rile, “Go ba babjalo, retologa go tloga go bona.”

²³⁷ Ke rena ba, dikerekemaina tše di Le phetlela godimo. Ba tšeа letago lohle le Maatla, ba A bea morago le baapostola, gomme ka moka ga Yona godimo ka go Mileniamo. Go no swana le motho, bjalo ka ge ke boletše pele; motho ka mehla o fa Modimo tumišo bakeng sa se A se dirilego, a lebeletše pele go se A tla se dirago, gomme a hlokomologa se A se dirago gonabjale. Seo ke tlwa. Motho e sa le selo sa go swana.

²³⁸ Go be go le bona Bajuda ba eme fale, ba re, “Letago go Modimo! Gobaneng,” ka go tema ya 6 ya Mokgethwa Johane, ba rile, “botatawešu ba ja mana ka lešokeng!”

Gomme Jesu o rile, “Bona ba, yo mongwe le yo mongwe, hwile.”

²³⁹ “Ba nwele meetse go tšwa Leswikeng ka lešokeng, le se sengwe le se sengwe.”

²⁴⁰ O rile, “Ke nna Leswika leo.” Yeo ke nnete. Amene. O rile, “Eupša Ke nna Borotho bja Bophelo bjoo bo tšwago go Modimo go tšwa Legodimong, Mohlare wola wa Bophelo go tloga Edene morago mošola. Ge motho a ejá Borotho bjo, a ka se hwe; Ke tla mo tsoša gape matšatšing a mafelelo.” Gomme go le bjalo ga se ba kgona go e bona! Yeo ke nnete.

²⁴¹ Yena Mesia a eme fale, a bolela ona mantšu a pelo ya bona, le dilo boka tšeо, go laetša gore O be a le Mesia, feela se Mesia a bego a swanetše go se dira!

²⁴² Gomme bona ba eme fale ka diatla tša bona ka morago ga bona, gomme, "Huh! E ka se kgone go ba. Aowa, aowa. Ga—ga—ga se a tla ka mokgwa wa maleba. Le a bona, o tšwa ka Bethlehem. Gomme ga—ga se selo eupša ngwana wa hlabu. Gomme yoo ke diabolo a šoma godimo ga gagwe. Re—re a tseba o a gafa. O a gafa. O na le diabolo." Le a bona? Mahlo a bona gabotse a be a foufaditšwe go seo.

²⁴³ Bjale, eupša ba lebeletše bakeng sa moprofeta wa bona. Gomme ba ya go e amogela, ba ya go amogela ba babedi ba bona. Yeo ke nnete.

²⁴⁴ Bjale hlokamelang, gape, bjale, gape, ge Bajuda ba . . . Ke tla le fa seka se sengwe se sennyane, gore le kgone go lemoga gore ke Bajuda godimo mo bjale, ka lehlakoreng le la Tlhatlogo. Setšang se se diregago. Gape le swantšhitše . . . Re ka se tsee nako go e dira, gobane re a kitima—kitimela ntle fa. Gape o swantšhitšwe ka go . . . ka go se se bitšwago "bothata bja Jakobo." Bjale lebelelang. Bajuda ba mo ba na le . . . Hlokamelang. Oo, ke . . .

²⁴⁵ Ke—ke—ke ya go tsea feela nako ye nnyane nthatana mo, le a bona. Go ntira ke tshoge ge ke thoma go tabogataboga gohle ka mokgwa woo. Gomme . . . Le a bona? Hlokamelang. Ke nyaka le e bone. Gomme ke—ke—ke no . . . Gabotse, Modimo o tla le bontšha yona, ke ne kgonthe. Lebelelang.

²⁴⁶ Jakobo o be a na le tokelo ya tswalo. A yeo ke nnete? Eupša ka nnete o be a le radihlonyana yo monnyane ka yona. Le a bona? O ile tlase gomme a fora tatagwe. O forile ngwanabu. O dirile se sengwe le se sengwe. Eupša, go le bjalo, ka semolao, thwi tlase, o bile le yona, gobane Esau o be a rekišitše. Eupša ka gona ge a eya tlase kua go šomela ratswalagwe, o beile diphata tšela tša popolere ka meetseng, go dira dikgomo tšela di dušago le dilo di tliše pele mamane a marothorotho. Gomme, oo, le tseba se sengwe le se sengwe a se dirilego ka mokgwa woo, feela go—go hwetša tšelete. Bjale setšang, bjale. O ntšhitšwe bathong ba gagwe.

²⁴⁷ Bjale, ke sekai sa Mojuda bjale. Ke seholothola tšelete. Ga ke kgathale ka mokgwa wo a e hwetšago, o tla e hwetša. O tla go bua o phela, go e hwetša. Bjale, le tseba seo. Ke radihlonyana yo monnyane, yeo ke phetho. Šaatena, o se mekamekane le yena; o—o tla go hwetša, ſaatena. Ee, mohlomphegi. Gobaneng? O swanetše go ba seo. Woo ke mohuta wa moyo wo o renago.

²⁴⁸ Feela tlwa boka bona bampshafatši, ga se ba kgone go kwešiša Lentšu le, ka gobane woo e be e le moyo wa motho o rometšwe go bona.

²⁴⁹ Ke lebaka la ntšhu leo le hwetšago Lentšu le kutollo. Bohle ba ba kwešišago seo, phagamišetšang diatla tša lena godimo,

kafao ke... Yeo e lokile. Yeo e kaone. Le a bona? Yeo e lokile. Bjale, le a bona, ge o ka kgona go tla morago mo ka tlase ga Mahuto a, ge Ba ka tsoge ba hwetša... Ge A bulwa, le kgona go bona tlwa se Modimo a se dirago, se A se dirilego, se A yago go se dira. Še yona, tlwa.

²⁵⁰ Gomme ke ka lebaka leo banna ba dirilego ka tsela yeo, gobane woo ke moya wo o akanyeditšwegopele go lebaka leo, go ba godimo ga bona. Ba be ba ka se kgone go dira selo gape.

²⁵¹ Ke nagana ka Johane, Paulo, le bona, Moya wola wa tau, t-a-u e eme fale, Lentšu Lonamong.

²⁵² Paulo o eme thwi le Lentšu lela, gomme a re, “Ke tseba se, gore go tla ba baena ba maaka ba tsogago magareng ga lena, ba ya go dikologa. Gomme se ba tla se dirago, dikerekemaina le se sengwe le se sengwe gape, magareng ga lena, le se ba tla se dirago. Gomme e tla ya pele go matšatsi a mafelelo, le nako ya go šiša.” Gobaneng? O be a le moprofeta. Fale go eme Lentšu lela ka go yena. Ka fao e tla feleLAGO, tsela godimo kua; o rile, “Banna ba maaka magareng ga lena ba tla tsogela godimo, le go bolela dilo, le go gogela kgole baena ba e lego barutiwa.” Yoo ke molwalekriste tlwa. E dirile feela seo tlwa.

²⁵³ Hlokamelang ka morago ga ge ba ile ka go lebaka la leswiswi la tlaišego. E be e le eng? Go be go se selo ba bego ba ka kgona go se dira. Roma e bile mong... O be a na le maatla a bodumedi, gomme o be a na le maatla a sepolutiki. Go be go se selo ba bego ba ka kgona go se dira, eupša go no šoma go go dula o phela, le go neela bobona bakeng sa sehlabelo. E be e le pholo. Seo ke sohle ba kgonnego go se dira. Woo ke mohuta wa Moya ba bilego le wona, Moya wa Modimo, poo.

²⁵⁴ Ka gona, mo go tla bumpshafatši, hlogo ya motho, dihlalefi, bohlale; Martin Luther, John Wesley, le go ya pele, Calvin, Finney, Knox, ka moka ga bona. Šeba ba tla pele, gomme, ge ba dirile, ba be ba le bumpshafatši. Ba tlie pele, ba mpshafatša, ba tliša batho ntle.

²⁵⁵ Gomme ba retologetše thwi morago go dikologa, tlwa boka ba dirile morago kua, le go nyalana thwi ka go otlologa morago ka go yena gape, go tshepedišo ya bona ya kerekeleina, feela tlwa. Beibele e boletše bjalo. O be a le “seotswa,” gomme ka gona o bile le “bommalegogwana,” barwedi, feela tlwa.

²⁵⁶ Gomme Modimo o rile, “Ke—Ke mo fa sekgala go sokologa, gomme ga se a e dira. Kafao Ke ya go mo tšea le mahlogedi a gagwe, go di lahlela godimo fale moo e lego ga tšona.” Seo ke tlwa. Bjale, gore, Modimo o boletše seo, ka tlase ga le, le a bona, ka tlase ga Lehuto. Bjale, o be a le fao. Re hwetša gore O dira seo, gomme O tla se dira. Gomme ba, yo mongwe le yo mongwe, ba lebile tseleng yeo.

²⁵⁷ Eupša, go bohle bao ba nago le maina a bona ka go Puku ya Bophelo, Modimo o tla ba bitša. Ba tla Se kwa. “Dinku tša

Ka di kwa Segalontšu sa Ka,” Jesu o boletše. Selo se nnoši re swanetšego go se dira ke go dira pitšo ya dinku. Dipudi ga di Se tsebe. Hlokamelang. Eupša, le a bona, pitšo ya dinku, “Dinku tša Ka di kwa Segalontšu sa Ka.” Gobaneng? Segalontšu ke eng? Ke nyaka go le botša se Segalontšu e lego sona. Segalontšu ke—ke leswao la semoya.

²⁵⁸ O rile go Moshe, “Ge ba ka se kwe Segalontšu sa leswao la pele, ba tla kwa Segalontšu sa leswao la bobedi.”

²⁵⁹ “Dinku tša Ka di kwa Segalontšu sa Ka.” Ge dilo tše di swanetše go be di direga ka matšatšing a mafelelo, dinku tša Modimo di lemoga Seo. Ee, mohlomphegi. Le a bona? Di—di a Se lemoga. “Dinku tša ka di a Ntseba.” Le a bona? “Mosetsebje di ka se mo latele.” Le se ba latele bona basetsebje. E swanetše go ba leswao le le hlatséswego la letšatši, gomme ba a Le bona. Bjale, bjale hlokamelang.

²⁶⁰ Bjale, Jakobo, ge a etla godimo bjale, selo sa pele le a tseba, o bile le tlhologelo go ya (kae?) morago go nagalegaae.

²⁶¹ Oo, seo ke tlwa se Israele e se dirilego! Yeo ke—yeo ke . . . Yeo ke Israele. Jakobo ke Israele. O nno ba le leina la gagwe le fetotšwe, le a tseba. Le a bona? Gomme yena o . . .

²⁶² O ile ntle kua, gomme a hwetša tšhelete yohle a bego a na le yona, gomme a bego a kgona go e hwetša, gomme a e tšeа ka tsela e ka ba efe a bego a kgona, go tšwa go maloko a gagwe goba yo mongwe gape. Kafao, a radia, a utswa, a aketša, ka tsela efe kapa efe a bego a ka kgona go e hwetša, o e hweditše. Le a bona? O dirile.

²⁶³ Gomme ka gona ge a thoma go boela gae, o ile a ba le maikutlo a tlhologelo ya gae ka pelong ya gagwe. Eupša ge a thomile morago, tseleng ya gagwe go ya morago, o kopane le Modimo, nako yeo leina la gagwe le ile la fetolwa. Le a bona? Eupša, ka go nako ye, o be a tshwenyegile kudu, gobane o be a boifa Esau o be a etla ka morago ga gagwe. Le a bona?

²⁶⁴ Gomme—gomme šetšang, šetšang tšhelete, peelano ya tšhelete. Feela boka Mojuda a tla leka go dira kgwerano ye le—le Roma, le a bona, ka go peelano ya tšhelete ya bona. E hlokameleng. Gore Esau ga se a ke a nyaka tšhelete ya gagwe; ešita le Roma ga e dire. O na le lehumo la lefase ka seatleng sa gagwe. Le a bona? Eupša ga se ya šoma.

²⁶⁵ Eupša re hwetša bjale, gore Israele, ka go nako yeo ya bothata, ge a be a le Jakobo, o katane le. . . . yo a swerego Selo se sengwe se bego se le sa nnete. Fao go be go le Monna a etla fase. Jakobo o ile a tšeа matsogo a gagwe go Mo dikologa, gomme a dula fao. Gomme mo—gomme mo—mo Moissa o rile, “Ke swanetše go be ke tloga bjale. Go ba mosegare.” Oo, go hlaba gola ga letšatši! Le a bona? Go be lokela go tla mosegare.

²⁶⁶ Eupša Jakobo o rile, “Ga—ga ke ye go Go tlogela. Wena, O ka se kgone go tloga. Ke ya go dula thwi le Wena.” Le a bona? “Ke nyaka dilo di fetolwa mo.”

²⁶⁷ Bao ke dikete tše lekgolo masomenne nne, sehlopha sela sa go dira sekimi sa tšhelete, le dilo boka tše, ge ba bona sa therešo, selo sa mmapale go se swara. Fao goeme Moshe, gomme fao go eme Eliya. Amene! Ba tla katana le Modimo go fihla dikete tše lekgolo le masomenne nne tša meloko ya Israele di biletšwa ntle thwi fao.

²⁶⁸ Seo e no ba pele ga sekgao sa Tlaišego, le a bona, (oo go makatša bjang) gape, “bothata bja Jakobo.”

²⁶⁹ Mo ke ge dikete tše lekgolo masomenne nne di biletšwa ntle. Bona, ba—ba bareri, bona baprofeta ba babedi, ba rera boka Johane Mokolobetši. “Mmušo wa Legodimo o batametše. Sokologang, Israele!” Sokologang eng? “Sokologang go tšwa dibeng tša lena, gosedumele ga lena, gomme le retologele morago go Modimo!”

²⁷⁰ Bjale a re elelweng se sengwe mo. Ditiragalo tše kgolo tše, go tlhago, di diregile pele. Ka go temana ye ya 12 fa, le a bona, “Letšatši le ba boso bjalo ka seaparo sa lesaka la boditsi.” Bjale bapetšang se.

²⁷¹ Bjale, elelwang, seo ga se direge ka go Bantle. Ke Israele. A nke ke le bontšhe. Bjale, elelwang, ke rile e bitša ba dikete tše lekgolo masomenne nne. Le a bona? Nako ye bjale, ke ge Tlaišego, e lego go e dira. Gomme se se bolela se se diregago ka go Tlaišego ye.

²⁷² Bjale a re phetleng go Ekisodo 10:21-23. Gomme šetšang mo ge... Ekisodo ke ge, nnete, Israele e be e etla ntle, e eya go tšeelwa ntle. Ekisodo, tema ya 10, le temana ya 21, temana ya 23. Ke thantshetšwe kudu le go goeletša, ge ke ngwala dinoutso tše fase, gore dinako tše dingwe nka no di hlakahlahkanya. Go lokile, Ekisodo 10:21-23. Go lokile, re ya fa, 21 le 23.

Gomme MORENA o rile go Moshe, Otlollela seatla sa gago pele go leba legodimong, gore go be leswiswi godimo ga naga ya Egepeta, ebile leswiswi le le ka kgwathwago.

Gomme Moshe o otlolletše pele seatla sa gagwe go leba legodimong; gomme go tlile leswiswi le leka ka nageng yohle ya Egepeta matšatši a mararo: (Le a bona?)

Bjale, ga se ba bonane seng, ešita ga se go tsoge gwa tsoga le ge e ka ba mang lefelong la gagwe lebaka la matšatši a mararo: eupša... bana ba Israele ba bile le seetša ka madulong a bona.

²⁷³ Hlokamelang, feela tlwa, bjale etlang godimo mo, “Gomme letšatši le bile boso bjalo ka diaparo tša masaka.” Le a bona, selo sa go swana! Ditiragalo tše tša tlhago, e be e le eng? Eng? Ge

tlhago e direga ka mokgwa wo, e bile Modimo a bitša Israele. Le a bona? Modimo o biletša Israele ntle. Bjale, “Letšatši le leso bjalo ka . . . moriri.” Bjale, Modimo o be a le kgaušwi le go lokolla Israele fao, go lokile, go ba tliše go tšwa seatleng sa lenaba la bona, e bego e le Egepeta, ka nako yeo.

²⁷⁴ Bjale, fa, O ba tliša go tšwa seatleng sa Roma, moo ba dirilego kgwerano ya bona. Selo sa go swana se a direga. Tšeо ke dikotlo, na—na nako ge dikotlo tše di tla bitša yo a tla otlagoe sehlopha se sa Bantle. Ge nkabe re na le nako, nka kgona go laetša se se yago go direga go kereke yela ya Bantle.

²⁷⁵ Beibele e boletše, gore, “Te—te terakoni, Sathane, o be a galefile (yeo ke, go befelwa) ka mosadi (Mojuda, Israele), gomme o tshwele meetse go tšwa molomong wa gagwe, bokoto le mašabašaba a batho, ba ba ilego go dira ntwa le mašalela a peu ya mosadi.” Kutollo 13. Bjale, bonang fao, re na le seo. Gomme ke ge Israele e mo roma . . . ke ra gore, Roma e romela madira a gagwe ka morago ga mašalela, mašalela a peu ya mosadi.

²⁷⁶ Bjale šetšang. Lekga la mathomo, diatla tša lenaba la bona, ge A be a ba lokolla, letšatši la fetoga go lesaka . . . boso bjalo ka seaparo sa lesaka. Bjale, le ke lekga la bobedi, bofelo bja sekao sa Tlaišego.

²⁷⁷ Bjale, ka go Daniele 12. Ge nkabe re bile le nako, re be re ka kgona go e bala. Ka go Daniele, ya 12—ya 12 temana . . . tema ya 12, ke ra gore. Daniele o rile, “Yo mongwe le yo mongwe yoo a hweditšwego a ngwadilwe ka Pukung o tla lokollwa.” Bjale, elelwang, Daniele bjale o bolela ka sekao se ge tše . . . selo se se swanetše go direga, ge Israele e tla lokollwa, ge bo—bo bofelo bja beke ya bona ya bomasomešupa. Gomme moo ke ge ba swanetše go lokollwa. Bjale lebelelang. A re yeng go Daniele 12 fa, feela motsotsotso.

Gomme ka nako yeo Mikaele o tla emeleta, mokgoma yo mogolo yo a emetšego bana . . . bakeng—bakeng sa bana ba batho ba gago (le a bona, bao ke Bajuda): gomme go tla ba bo . . . bothata, bjo objalo . . . ga se nke bja ke bja ba ge e sa le go bile setšhaba ebile go fihla go nako yela ya go swana: . . .

²⁷⁸ Bjale bapetšang seo, tlwa se Jesu a se boletšego, Mateo 24, “Go tla ba le nako ya bothata, e sego ya ke ya ba ge e sa le go bile setšhaba.” Lebelelang Lehuto la Boselela, le a bona, selo se se swanago, nako ya bothata. Hlokomelang.

. . . ge e sa le go bile setšhaba ebile go fihla go na nako ya go swana: gomme ka nako yeo batho ba geno . . . (Bjale, ka go ye ya bomasomešupa, karolo ya mafelelo ya ngwaga wa bošupa.) . . . batho ba geno ba tla lokollwa, yo mongwe le yo mongwe yoo a tla hwetšwago a ngwadilwe ka pukung.

²⁷⁹ Bakgethelwapele, le a bona, ba ba ngwadilwego ka go Puku ya Kwana ya Bophelo, ba tla lokollwa ka nako yeo.

Gomme ba bantši ba bao ba robetšego ka leroleng la lefase ba tla tsoga, gomme ba bangwe go ya bophelong bjo bosafelego, gomme ba bangwe go dihlong tša gosafelego le go nyatšega.

Bjale, gomme nako yeo bahlale ba tla phadima *bjalo ka phadimo ya leratadima; gomme—gomme bao ba bušeditšego ba bantši go lokeng* ba tla phadima *bjalo ka dinaledi go ya ile le go ya go ile.*

²⁸⁰ Gore, morago o ile pele, o boditše Daniele go “tswalela Puku,” gobane o be a tla khutša ka go bontši bja gagwe go fihla nako yeo.

²⁸¹ Bjale, le a bona, ga e dire phapano ye itšego ge eba o a phela goba o a hwa. O tla pele, go le bjalo. Le a bona? O se ke... Seo, go hwa, ga se selo go Mokriste. Ga a hwe, go le bjalo. Le a bona?

²⁸² Bjale, Daniele 12, o boletše gore yo mongwe le yo mongwe yoo a hweditšwego a ngwadilwe ka Pukung o tla lokollwa.

²⁸³ Fa, Modimo o kgauswi le go lokolla morwa wa Gagwe wa bobedi, Israele, ka morago ga Tlaišego. Le a bona, lekga la bobedi, Israele, ya Gagwe... Israele ke morwa wa Gagwe. Le tseba seo. Israele ke morwa wa Modimo, kafao O ya go mo lokolla fa ka sekgaong sa Tlaišego, feela tlwa ka tsela ye A dirilego tlase ka Egepeta.

²⁸⁴ Bjale a re emeng fa, gape, le—le go hwetša se sengwe gape, kafao, pele re e tliša ka gae. Bjale šetšang fa. Baprofeta ba babedi ba, lebelelang se ba yago go se dira bjale, feela boka Moshe le bona ba dirilego tlase fale. “Gomme ke filwe lehlaka...” Gomme temana ya 3 ya tema ya 11.

Gomme Ke tla fa maatla go dihlatse tša ka tše pedi, gore ba tla profeta matšatši a sekete makgolopedi le masome tshela, ba apere seaparo sa lesaka.

Ye ke mehlare ye mebedi ya mohlware, . . .

²⁸⁵ Le a elelwa gore, Serubabele, le go ya pele, o be a swanetše go agagape tempele.

. . . le dihlomakerese tše pedi tše di emego pele ga Modimo wa lefase.

. . . ge motho e ka ba mang . . . a ba gobatša, mollo o tšwile molomong wa bona, . . .

²⁸⁶ Elelwang, go tšwa molomong wa Kriste go tla tšoša, Lentšu.

. . . wa ja manaba a bona: gomme ge motho e ka ba mang a tla ba gobatša, o swanetše a bolawa ka mokgwa wo.

²⁸⁷ Bjale, re a tseba, “mollo.” Ka go tema ya 19, ya go Tla ga Kriste, “go tšwele tšoša ya Gagwe go tšwa molomong wa Gagwe,” e bego e le Lentšu. A yeo ke nnete? Lentšu! Oo, ge le ka hwetša materiale wo bjale, bakeng sa Lehuto lela gosasa bošego! Le a bona, Lentšu ke selo se Modimo a bolayago lenaba la Gagwe ka sona. Le a bona?

²⁸⁸ Bjale lebelelang fa. Ge baprofeta ba ba profeta fale, bona . . . Ge motho e ka ba mang a ba swara gampe, a ba kweša bohloko: “mollo o tšwa molomong wa bona,” Mollo wa Moya wo Mokgethwa, Lentšu. Lentšu ke Modimo. Lentšu ke Mollo. Lentšu ke Moya. Le a bona? “Go tšwa molomong wa bona.”

²⁸⁹ Lebelelang Moshe. A re boneng se se tšwago molomong wa gagwe. Bona, Israele, ba fihlile go, ka tsela ye ba bego ba dira fale, ba—ba . . . ke ra, Egepeta, ba be ba swara Bajuda ba gampe. Moshe . . . Gabotse, ba be ba ka se ba dumelele go tloga. Farao o be a ka se ke. Modimo o beile Mantšu ka molomong wa Moshe, le a bona, ke megopolo ya Modimo e yago ka pelong ya Moshe, o ya godimo bjale go e hlagiša, gona e ba Lentšu. A otlolleta seatla sa gagwe pele, a re, “A go be le dintšhi,” gomme mo gwa tla dintšhi. Lebelelang mo.

*Gomme ge motho e ka ba mang a ba gobatša, mollo
o tšwile molomong wa bona, le go metša lenaba la
bona: . . .*

²⁹⁰ Le a bona? Šeo yona. Ba ka kgona go bolela se ba nyakago, gomme sesele se a direga. Amene!

*. . . gomme ge motho e ka ba mang . . . a ba gobatša, ba
swanetše go bolawa ka mokgwa woo.*

²⁹¹ Ngwanešu, Modimo o otlela go lefelotiragalo mo!

*Ba na le maatla go—maatla go tswalela magodimo,
gore e se ke ya na ka matšatšing a seprofeto sa bona: . . .*

²⁹² Eliya, o tseba mokgwa wa go e dira; o e dirile pele. Amene! Moshe o tseba mokgwa wa go e dira; o e dirile pele. Ke ka lebaka leo ba boloketšwego morago. Bjale . . . Amene!

²⁹³ Nka kgona go bolela se sengwe sa go befa thwi mo, eupša bokaonana—bokaonana ke se sware go fihla gosasa bošego. Le a bona? Go lokile.

*. . . gomme o na le maatla godimo ga me meetse go a
fetola go ba madi, le go itia lefase ka . . . dikotlo, gantsi
ka fao ba ratago.*

²⁹⁴ Ke eng? Ke eng e ka tlišago dilo tše eupša Lentšu? Ba ka dira tlhago ka tsela efe ba nyakago. Še yona. Ke bona ba tlišago go Lehuto le la Boselela. Ba a khuporolla le go le bula. Ke Maatla a Modimo, go tsena tlhago ka gare. Le a bona, Lehuto la Boselela ka go felela ke tsenatseno ya tlhago. A le a e hwetša bjale? [Phuthego e re, “Amene.”—Mor.] Šeleo Lehuto la lena. Ke mang a e dirago? Ke baprofeta, lehlakore le lengwe la Thlatlogo. Ka

Maatla a Modimo, Lentšu la Modimo, ba no ahlola tlhago. Ba ka kgona go romela ditšišinyego tša lefase, ba fetolela ngwedi go ba madi, letšatši le ka kgona go ya fase, goba e ka ba eng, ka taelo ya bona. Amene!

²⁹⁵ Ke lena bao. Ke lena bao. Le a bona? Le bona ka fao Mahuto a butšwego, tlase fale ka go lebaka la kereke, ka fao le bontšhitšego bahwelatumelo?

²⁹⁶ Gomme bjale baprofeta ba babedi šeba ba eme fa ka Lentšu la Modimo, go dira e ka ba eng go tlhago ba nyakago. Gomme ba šikinya lefase. Gomme go bontšha tlwa ke mang a e dirago. Ke Moshe le Eliya, ka gore fao go bodiredi bja bona bo ekišwagape gape, ke bobedi banna. Oo, nna! A le a e bona bjale? [Phuthego e re, "Amene"—Mor.] Le bona se Lehuto la Boselela le lego sona? Ke baprofeta bao. Bjale hlokamelang. Le se e dumelele go le kgama. Eupša, šetšang se se butšego Lehuto lela, baprofeta! Le a bona? Fše! Amene! Ke lena bao.

²⁹⁷ Oo, re phela ka letšatšing la ntšhu, ngwanešu, go lebanya godimo magareng ga maru!

²⁹⁸ Ba butše Lehuto lela la Boselela. Ba na le maatla go e dira. Amene! Seleo Lehuto la gago la Boselela le tla go bulega. Le a bona?

²⁹⁹ Bjale re rothela thwi morago mo, gomme Jesu o boletše e tla direga. Moragorago mošola ka go Testamente ya Kgale, morago ka go Hesekiele, morago ka go baprofeta ba kgale, ba boletše e tla direga.

³⁰⁰ Gomme mo Lehuto la Boselela le bulegile, gomme ba re, "Gabotse, seo ke selo sa sephiri. Ke eng e se dirilego?"

³⁰¹ Sephiri sa yona sese, baprofeta, gobane Beibele e boletše bjalo mo. Ba ka kgona go e bula, nako efe kapa efe ge ba... Ba ka kgona go dira eng kapa eng go tlhago ba nyakago. Gomme ba dira selo sa go swana ba se dirilego, amene, gobane ba tseba ka fao e dirwago. Amene! Letago!

³⁰² Ge ke bone seo, ke ile ka no emeleta go tšwa setulong gomme ka thoma go sepelela godimo le fase lebatong. Ke naganne, "Morena, ke Go leboga bjang, Tate wa Legodimong!"

³⁰³ Ŝeo yona. Yeo ke yona. Ba butše Lehuto lela la Boselela. Amene! Ba šetšeng, "Ge motho e ka ba mang a ba gobatša, mollo o tšwele molomong wa bona," Lentšu. Moya wo Mokgethwā o tlide godimo ga baapostola, le a bona. "Mollo o tšwile molomong wa bona."

³⁰⁴ Bjale hlokamelang godimo ka go Kutollo 19, re bona selo sa go swana, "Gomme tšhoša ye kgolo e tšwele molomong wa Gagwe," Lentšu. Le a bona? Kriste o Etla. "Gomme O bolaile manaba a Gagwe ka Lona." A yeo ke nnete? Bjale O tseleng ya Gagwe. Mo šetšeng bjale. Go lokile.

*Ba ba na le maatla a go tswalela magodimo, gore e se
ke ya na ka matšatšing a seprofeto sa bona: . . .*

³⁰⁵ Šaatena, seo se tsenatsena tlhago! Bjale, ke botelele bokae monna yo a—a, Eliya, a tswaletšego magodimo? [Phuthego e re, “Mengwaga ye meraro le seripa se tee.”—Mor.] Ke lena bao, tlwa. Ya bomasomešupa ya Daniele ke botelele bjo bokae, karolo ya mafelelo ya dibike tše masomešupa? [“Mengwaga ye meraro le seripa.”] Ke lena bao, tlwa.

³⁰⁶ Moshe o dirile eng? O—o—o fetotše me—me meetse go ba madi. O dirile mehuta yohle ye ya mehlolo, feela tlwa se se akanyeditšwegopele mo ka tlase ga Lehuto le la Boselela. Gomme šeba, ka go Kutollo 11, ba dira sona selo sa go swana. Amene!

³⁰⁷ Go na le mafelo a mararo a go fapana ka Mangwalong, thwi fao, a hlakanya selo thwi mmogo. Ke go bulwa ga Lehuto la Boselela. Thwi fao a šeo. Amene! Letago! Bjale hlokamelang.

*Ba ba na le maatla a go tswalela magodimo, ka
matšatšing a seprofeto sa bona, gore e se ke ya na: le . . .
maatla godimo ga me meetse go a fetoša madi, . . . go itia
lefase ka . . . dikotlo, ga gantši ka fao ba ratago.*

³⁰⁸ Oo, nna! Ke lena bao. Bjale phetlang thwi godimo fa go dikotlo, le a bona. Tlhago yohle e tsenatsenwe, ka go Kotlo ye ya Boselela . . . goba Lehuto la Boselela, le bulegile. Seo ke tlwa se diregilego. Bjale lebelelang. Mo . . .

³⁰⁹ Fa, Modimo o kgauswi le go lokolla morwa wa Gagwe, Israele, ka morago ga mokgwa wa go swana wa tlaišego woo A o dirilego tlase fale. O rometše Moshe tlase kua gomme a lokolla Israele. A ke nnete? Gomme o dirile tšona dilo tše tša go swana. O rometše Eliya go Ahaba, gomme dikete tše šupago tša tšwela ntle. A ke nnete? O ba romela thwi morago godimo fa gape, ka go nako ya Tlaïšego, gomme ba bitša ntle dikete tše lekgolo le masomenne nne.

³¹⁰ Bjale, le a bona, le hlokomele, gare ga Kutol— . . . goba gare ga ya 6 tema, goba ya Boselela Kotlo . . . Lehuto, ntshwareleng, Lehuto la Boselela le Lehuto la Bošupa. Tema ya 7 ya Kutollo, ka mokgwa wa dipalontshetshere, e beilwe mmogo gabotse.

³¹¹ Go no swana le Amerika ke nomoro ya lesometharo: dinaga tše lesometharo e thomilego ka tšona, dinaledi tše lesometharo ka folageng, dikoloni tše lesometharo, merapapitsi ye lesometharo. Se sengwe le se sengwe ke lesometharo, lesometharo. Gomme e tšwelela thwi mo ka go tema ya 13 ya Kutollo. Yeo ke nnete. Ke yena lesometharo, le mosadi.

³¹² Bjale, ge A be a le kgauswi le go lokolla Morwa motswalwanoši wa Gagwe, e bego e le yo a tswetšwego a nnoši wa Gagwe. Jakobo ke morwa wa Gagwe; eupša yo ke Morwa motswalwanoši wa Gagwe. Mateo 27, a re boneng se A se dirilego

kua. Mateo, tema ya 27. Bjale, elelwang, Morwa wa Gagwe o be a iteilwe, gomme o be a tshwenyegile, gomme ba be ba dirile metlae ka Yena. Gomme bjale O be a lekeletše godimo ga sefapano, ka iri ya boraro, ka Labohlano le Lebotse ka morago ga sekgalela. E no ba kgaušwi le go direga! Mateo, tema ya 27 ya Mateo, gomme te—te temana ya 45, ke a dumela ke yona.

*Bjale go tloga iring ya boselela go bile leswiswi godimo
ga naga yohle go fihla iri ya senyane.*

³¹³ Bjale hlokamelang feela tlwa se A se dirilego morago fa bjale, ka go ye. Le a bona?

*Gomme ke bone ge a butše lehuto la boselela, . . .
bonang, fao go be go le tšhišinyego ye kgolo ya lefase;
gomme letšatši le bile le leso bjalo ka kobo ya lesaka ya
boditsi, gomme ngwedi—gomme ngwedi o bile madi;*

³¹⁴ Boso, leswiswi! Egepeta; boso, leswiswi!

³¹⁵ Modimo, a lokolla Jesu sefapanong, feela pele A Mo tliša godimo go tšwa tsogong. Sa pele, leswiswi; letšatši le ile tlase bogareng bja mosegare, gomme dinaledi ga se di phadime. Matšatši a mabedi go tloga nako yeo, O be a eya go Mo tsoša ka phenyo ye maatla.

³¹⁶ Ka morago ga letšatši, le ngwedi, le dinaledi, le se sengwe le se sengwe, ka Egepeta, tšohle tše di diregile, O lokolotše Israele go ya nageng ya tshepišo.

³¹⁷ Še yona, ka go sekgao sa Tlaišego, gomme fa go eme bona baprofeta go ba ba nago le taolo ya Lentšu leo Modimo a ba fago. Ba kgona feela go bolela ge Modimo a ba fa Lentšu.

³¹⁸ Bjale, ga se bona badimo. Ke bona lebakana . . . Pele ga nako, ke bona, gobane Jesu o rile ba be ba le bona. O rile, “Le bitša bona badimo, ba Lentšu la Modimo le tlilego.” Eupša, lebelelang, bao ke bona Modimo a tlišago Lentšu go bona. Gomme ge a Le bolela, e a direga. Ke phetho.

³¹⁹ Gomme šo yena ka thomo go tšwa go Modimo, go betha lefase, e ka ba eng a nyakago (oo, nna), o emiša magodimo. Gomme o a dira. Bothata ke eng? O lokišetša go tšeela dikete tše lekgolo masomenne nne ntle, bakeng sa topollo, go tšwa go Puku ya Topollo. Gomme seo ke ka tlase ga Lehuto la Topollo, ka go Lehuto la Boselela. Yeo ke yona, mogwera wa ka morategi. Leo ke Lehuto lela la Boselela; le bile go makatša kudu.

³²⁰ A re nong go tšea . . . Re na le metsotso ye lesome gape. A re nong go tsea nthatana ye nnyane, le a bona. Ke na le e ka ba matlakala a mabedi goba a mararo. Gabotse, ke ne . . . Ga le ka no bona, fa. Ke nagana go ne e ka ba . . . Go yeo, ke nagana go ne e ka ba matlakala a lesometlhano a sa šetšego, nka kgonago go ya go ona. Oo, go na le bontši kudu go seo! Nna, o ka no ya pele go tloga lefelong go ya lefelong! Eupša ke a boifa ke tla le gakantšha

ge ke phatlalatša bontši kudu bja yona. Gomme ga ke...nka se kgone go e swara mmogo boka ke swanetše.

³²¹ Ka go Jesaya, a re tšeeng se. Jesaya, moprofeta, o bone Lehuto le la Boselela le bulega, gomme a bolela ka Lona; bjalo ge e ba Le bohlokwa, goba aowa. Le a bona?

³²² Gabotse, selo ka moka, polane ka moka ya topollo, e robetše ka tlase ga Mahuto a; Puku ka moka.

³²³ Bjale elelwang, re bone Jesu a Le bone. A yeo ke nnete? Le a bona? Jesu o Le bone. Gomme bjale re hwetša ba bangwe bao ba Le bonego. Re Le hwetša le kailwe ntle ka go—ka go Jakoba. Re Le hwetša le kailwe ntle ka Egepeta. Re Le bona le kailwe ntle sefapanong.

³²⁴ Bjale a re yeng morago go Jesaya. Ke na le baprofeta ka moka ba bantši ba ngwadilwe fase mo, le bona. A re nong... Ke rata se, se sa Jesaya. A re yeng morago mo go Jesaya, tema ya 13 ya Jesaya. Ke rata...

³²⁵ Jesaya ke—ke Beibele ye e feletšego, ka go Yonamong, le a tseba. A le be le tseba seo? Le a bona, Jesaya o thoma ka tlholo; bogareng bja Puku o tliša Johane; gomme mafelelong o tliša Mileniamo. Gomme go ne Dipuku tše masometshela tshela ka Beibeleng, le ditema tše masometshela tshela ka go Jesaya. Ke ensaeklopedia ya go felela, Yonamong.

³²⁶ Hlokamelang, tema ya 13 bjale, ya—ya Jesaya. A re thomeng fa go temana ya 6.

Lena ngautšang; ka gore letšatši la MORENA le batametše; le tla tla bjalo ka tshenyego go tšwa go Ramaatlakamoka.

³²⁷ Šetšang Lehuto le la Boselela le bulega godimo mo bjale. Thwi morago mo, mengwaga ye makgološupa le lesometharo pele Kriste a etla, gomme O bile mengwaga ye dikete tše pedi, e tla ba e ka ba šupa... e ka ba mengwaga ye makgolo a masomepedišupa ya go feta. Jesaya o bone Lehuto le le lekeletše kua. Go lokile.

Kagona diatla tšohle di tla ba go repha, gomme pelo ya motho yo mongwe le yo mongwe e tla tologa:

³²⁸ Jesu o boletše eng? “Gomme ka gobane bokgopo bo tla ata, le—le lerato la ba bantši le tla notlega nako yeo.” “Gomme pelo ya batho e tla be e palelwa, ka letšhogo; lewatle le rora.” Le a bona, pelo ya banna e tla idibala.

Gomme ba tla boifa: bohloko bja manyami bo tla ba swara; ba tla ba bohlokong bjalo ka mosadi yo a šokwago: ba tla makala seng; difahlego tša bona di tla ba bjalo ka dihlong.

³²⁹ E hlokameleng mo, oo, “difahlego tša bona, dihlong.” Re swanetše go fihla go seo, motsotsso feela. Ke ya go swara seo, le a bona.

Bonang, letšatši la MORENA le a tla, le lesehlogo bobedi ka bogale le pefelo ya bogale, go bea nagana tšhwalandanong: gomme o tla fediša badiradibe ba yona go tšwa go yona.

- 330 “Naga,” yeo ke yona yohle, ya yona le a bona. Hlokamelang.

Gobane dinaledi tša legodimo le seholpha sa tšona di ka se fe seeša sa tšona: letšatši le tla fifašwa go yeng ga gagwe pele, gomme ngwedi o ka se dire dietša tša gagwe go phadima.

Gomme Ke tla otla lefase bakeng sa bobe bja bona, le bokgopo, le bobe bja bokgopo bja bona; gomme Ke tla dira swel-...

- 331 Ga—ga ke tsebe mokgwa wa go le peleta, go swel-... [Phuthego e re, “Swele.”—Mor.] Nka se kgone go e bolela, le a bona.

...ya baikgantši go kgaotša, gomme ke tla kokobetša bohlogothata bja—bja babe—babe.

- 332 Le a bona, fao, feela tlwa, Jesaya o bone selo se se swanago se Jesu a boletšego ka sona. Seo Lehuto la Bošupa le se utollago. Ge A hlwekiša naga ka tlaišego, seo ke sekao sa Tlaišego, Lehuto le la Boselela. Ee, o be a le mopropeta, gomme Lentšu la Modimo le dirilwe go tsebjia go yena. Yeo ke mengwaga ye makgolo a masomepedi šupa ya go feta.

- 333 Therešo! Ke no nyaka go bolela se. Lefase ka moka, bjalo ka ge Jesaya mo, “bjalo ka mosadi a šokwa,” tlholo yohle e a šokwa. Ke eng sohle se se tsetlagu le go katana ka sona? Boka mo—mo—mo mosadi yoo a swanetšego go ba mme; lefase lonamong, tlhago.

- 334 Gobaneng, toropokgolo ye fa, a re tšeeng toropokgolo ya rena beng; ge mafelo a piri, le bommalegogwan, le tšila, le togotogo, baka toropokgolo e ka ba efe!

- 335 Gobaneng, ke a dumela Modimo o tla ba kaone kudu, go e lebelela ka tsela ye A bilego le yona, mengwaga ye sekete ya go feta. Ge Ohio e sepeletše tlase, ba be ba se ne meetsemorago le lefula. Ba be ba se ne sebe ka moeding. Dinare di be di no tsekella go kgabola fa, gomme—gomme Mocherokee wa kgale o be a e tsoma gomme o dirile bophelo bja go hlomphega. Go be go se bothata, le gatee.

- 336 Eupša, motho o tla ka gare, fao ke mo sebe se tlago ka gare. Ge batho ba thoma go ata godimo ga sefahlego sa lefase, gona sebe le dikgaruru di a tsena. Yeo ke nnete, ka mehla motho. Gobaneng, ke nagana ke kgobogo!

- 337 Ke be ke eme, letšatši le lengwe, ka nageng ya legae la ka kua, bjale ka Arizona. Gomme ke—ke badile, ge ke be ke le segotlane, ka Geronimo, le—le Cochise, le Maapache ale a kgale. Gobane, ke rerile go bona godimo kua. Batho ba bakaone! Gomme ba

bangwe ba batho ba bakaonekaone o nyakago go kopana le bona, ke Maindia ale a Apache.

³³⁸ Gomme ka gona ke ile godimo kua go—go Letlapalebitla, moo ba nago le ditlwaelo tšohle tša kgale le dilo go tšwa ntwang. Gomme ke lebeletše go . . . Ka mehla ba, le a tseba, ka mehla ba be ba hlaola Geronimo bjalo ka—bjalo ka legwaragwara. Go nna, o be a le Moamerika wa madimahubedu. Ka go felela! O be feela a lwela ditokelo tša gagwe, bjalo ka ge yo mongwe le yo mongwe a ka dira. Ga se a nyake tšhilafalo yela ka nageng ya gagwe. Gomme lebelelang se e lego bjale; ba retollela bana ba gagwe, barwedi ba gagwe, ka go bommalegogwana, le se sengwe le se sengwe gape; gomme bathobašweu ba tla ka fale. Mothomošweu ke legwaragwara.

³³⁹ Moindia o be a le moloti. O be a le—o be a le mo—mo moloti. O be a tla ya ntle le go bolaya nare, setšhaba ka moka se ja se sengwe le se sengwe se bego se tlogetšwe sa yona. Ba be ba šomiša mokgophha bakeng sa diaparo le ditente, le se sengwe le se sengwe gape. Gomme mothomošweu o tla go e thunya, bakeng sa senepša; gobaneng, ke kgobogo ye bjalo!

³⁴⁰ Ke badile athekele ka pampiring, moo, ka Afrika, lefelo le legolo lela la go tlala diphoofolo tša lešoka! Ba na le mathaka a, Arthur Godfrey le bona, ba eya godimo kua, ba thunya ditlou tše le dilo, go tšwa go helikoptere le dilo boka tše. Seswantšho sa tlou ya kgale ya tshadi e leka go hwa, le megokgo, boka, e gogela fase sefahlego sa gagwe. Gomme ditona tše pedi tše kgolo di leka go mo swarela godimo, go boloka . . . Gobaneng, ke sebe. Yeo ga se papadi.

³⁴¹ Ge ke eme ntle tšhemong ntle mošola, le moo ke tsomago le dilo boka tše, le go bona moo bona batsomi ba bašweu ba tlago ntle fale le go thunya tšona ditshepe, le go ripa bomorago bja yona. Gomme nako ye nngwe go bolaya tše seswai goba ditshepetshadi tše lesome tše nnyane, gomme ba di tlogela di robetše fale. Gomme mabotlana a kitima go dikologa, a leka go hwetša mmago ona. Gomme o ra gore ke boradipapadi bjoo? Ke go bolaya ga molaleng, ka pukung ya ka.

³⁴² Ke a holofela Canada ga e tsoge ya hwetša tsela e ka ba efe ka go yona, ge feela ke phela, go ntšhetša wona magwaragwara a Mamerika ka ntle ga kua. Yeo ke nnete. Ke dipapadi tša go šokiša kudukudu nkilego ka di bona ka bophelong bja ka.

³⁴³ Bjale, e sego bohole ba bona. Go na le ba kgonthe, banna ba mmapale, eupša ke yo motee go tšwa go ba sekete, o a hwetša.

³⁴⁴ Go thunya eng kapa eng ba kgonago go e bona, ka tsela efe goba efe ba nyakago. Yeo ke nnete. Yoo ke mmolai. Yeo ke nnete. Ga a ne pelo. Gomme o thunya, ka ntle ga sehla.

³⁴⁵ Gabotse, godimo kua ka Alaska fao, ke be ke le godimo kua le yo motee wa bona bahlahlhi. O rile, “Ke topetše godimo . . . Ke tla ya ntle kua bjale, le go hwetša mohlape wohle wa tšona

dikgama tše kgolo gagolo goba... e sego tša dikgama, eupša nakadimaphakga e rapaletše kua; ka dikolo tša matšhenekana tša mohuta wa masometlhano go kgabola dinaka tša tšona, moo bafofishi ba ba Maamerika ntle kua, ka Alaska, ba di thunya ka motšhene, go tšwa go sefofane sela, mohlape wa nakadimaphakga." Yeo ke polao ya molaleng.

³⁴⁶ Ba tsebile, neng kapa neng ge ba bolaya nare, ba be ba tla hwetša Moindia. O be a tla hwa ka tlala. Ke ka baka leo Cochise a ilego a swanelwa ke go ineela; ba gagwe, bakgoma bohole ba gagwe, le bohole ka moka ga bona, bana ba gagwe, le batho ba gabole bohole, ba be ba ehwa ka tlala. Ba ile ntle fale ka tše kgolo, mokgobo wo mogolo bogolo wa bona, Mokitlana wa nare le bohole banna ba melaleng, ba thuntše tšona tšohle dinare, masomenne, masometlhano, ka morago ga sekgalela. Ba a tseba, ge ba fedišitše yeo, ba be ba fedišitše Moindia. Gomme, oo, nna! Patso godimo ga folaga, ka tsela ye ba swerego bona Maindia. Ke lena bao.

³⁴⁷ Eupša elelwang, Beibele e rile, "Iri e tlide gore Modimo o tla ba fediša bao ba senyago lefase." Gomme lefase ka moka!

³⁴⁸ Lebelelang yona meedi. Ke be ke eme godimo fale, letšatši le lengwe, ke lebeletše tlase moeding ka Phoenix. Ke ile godimo ka Thabeng ya Borwa, mosadimogatša le nna re be re dutše godimo kua, gomme re lebeletše tlase ka Phoenix. Gomme ke rile, "A seo ga se sa befa?"

O rile, "Go šiiša? O ra eng?"

³⁴⁹ Ke rile, "Sebe. Gomme ke bootswa bjo bontši gakaakang, le go nwa, le thogako, gomme Leina la Morena le šomišitšwe ka lefeela, ka go moedi wola fale; le e ka ba lekgolo le—le masomenne, batho ba dikete tše masometlhano, goba mohlomongwe makgolo a mabedi a batho, ka moeding wola!"

³⁵⁰ Ke rile, "Mengwaga ye makgolotlhano ya go feta, goba sekete, go be go se selo eupša dikgopho, monawa, gomme dikhoyote tša kgale di kitimela godimo le tlase nokeng ya lešabašaba kua, ma—ma magogodi." Gomme ke rile, "Yeo ke tsela ye Modimo a e dirilego."

³⁵¹ Eupša, monna o tlide ka gare. O dirile eng? O tladitše mobu ka tšhila. Mekgotha e tletše sabohloko. Dikelelatšhila, ma... Gomme dinoka di tšhilafetše ka—ka ditšhila. Ga se ba ke... Ka baka la eng, bokaone o se ke wa nwa sego sa meetse a mangwe ale; o tla hwetša se sengwe le se sengwe. Le a bona? E lebeleleng. E sego feela mo, eupša, lefase tšekelele, selo se tšhilafetše!

³⁵² Gomme lefase, tlhago, (Modimo e ba le kgaujelo!) lefase ka moka le ka go—ka go mahloko a tswalo. Lefase le a leka, o a "šokwa," Jesaya o boletše. Molato ke eng? O ka go... leka go tliša pele lefase le leswa, bakeng sa Mileniamo, moo bohole ba...?... Go leka go tswala lefase le leswa, bakeng sa batho ba baswa bao ba ka se dirego sebe le go mo tšhilafatša. Yeo ke nnete. O

lešokong. Ke ka baka leo ba—ba . . . Re a šokwa, Kriste, go tliša pele Monyalwa. Se sengwe le se sengwe se a šokwa le go tsetsela. Le a bona, go ne se sengwe se lokelago go direga.

³⁵³ Gomme Kotlo ye ya Boselela e mo tlogela a sepela. Ngwanešu, tšišinyego ya lefase e phatlogela go bulega, gomme dinaledi di a šišinyega, dibolokheno di tla tla pele, gomme lefase le tla impshafatša ka bolona. Laba ye mpsha e tla thunyetša pele go tšwa bogareng bja lefase. Gomme le tla kgeretlana, gohle go dikologa le go dikologa le go dikologa, ge le dikologela ntle ka mošola.

³⁵⁴ Gomme ke a le botša, mosong wo mongwe ge Jesu le Monyalwa wa Gagwe ba etla morago lefaseng, go tla ba le paradeisi ya Modimo fale. Yeo, oo, nna, bona bahlabani ba kgale ba ntwa, ba sepela go theoga fale le bagwera le baratwa ba bona. Dikoša di tla tlala moya, tša lešaba la Barongwa. “Oo, go dirilwe gabotse, mohlanka wa Ka yo mobotse le go botega. Tsena mathabong a Morena, ao a lokišeditšwego wena, boka o ka be o bile morago fale pele Efa a thoma kgwele go tokologo ka sebeng.” Amene! Fše! Ee.

³⁵⁵ Lehuto la Boselela le ya go dira se sengwe. Ee, mohlomphegi. Ka therešo lefase ka moka le a tsetsela le go hemelana, bakeng sa lebaka la Mileniamo!

³⁵⁶ Bjale, la bjale le karabetše kudu ka go tšila! Yeo ke e rerilego fa, e se kgale botelele, ke a dumela, ke rerile ka tabarenekeleng, *Lefase Le A Šwalalana*. Seo ke tlwa. Lebelelang se se šwalalanago ka lefaseng. Lebelelang, se sengwe le se sengwe se a wa, sa lona. Nnete, ke yona. Le—le swanetše go šwalalana. Ee, mohlomphegi.

³⁵⁷ Lebelelang, sebopego sa lona! A ke le laetšeng lebaka leo lefase le swanetše go e dira. Sebopego sa lefase le, tshipi, le mphiri, le materiale wa lefase le, o tomotšwe go tšwa go lona, tlhamego ya lona, bakeng sa ntwa le intasteri, go fihla le no ba kgauswi. . . Gabotse, ga se nke ra ba le tšišinyego ya lefase go fihla letšatši le lengwe, godimo fa ka go karolo ye ya naga; feela letšatši le lengwe mo, le a bona, St. Louis le tlase go kgabola kua. O ba yo mosese kudu. Ba gogile se sengwe le se sengwe go tšwa go lona. Le a bona?

³⁵⁸ Dipolitiki tša lona di tšhilafetše kudu, ga go na le go botega le gannyane magareng ga bona, le a bona, tshepedišo ya lona. Maitshwaro a lona a fase kudu, le no se be le a a itšego. Yeo ke phetho. Le a bona? Nnete. Bodumedi bja lona bo dubagane. Ee, mohlomphegi.

³⁵⁹ Ke nako ya Lehuto la Boselela, gabotse ka pela, go be le bulega. Gomme ge a dira, oo, nna, le a fela! Monyalwa o šetše a ile pele, o dirile. . . Kgošigadi e šetše e ile go tšeа lefelo la Gagwe; O nyetswe bjale, go Kgoši, ge se se eya pele. Gomme mašalela a

Israele a swailwe le go ba komana go ya, gomme ka gona tlhago e a sepela. Oo, a nako!

³⁶⁰ Hlokamelang temana ya mafelelo ya Lehuto la Boselela, le bulegile. Bao ba segilego theroy Lentšu, ya Lentšu le le hlatsetšwego la Modimo yo a phelago; ge bona baprofeta ba eme fale gomme ba dirile mehlolo, ba tswaletše letšatši, le se sengwe le se sengwe gape, le gohole go theoga go kgabola lebaka. Le a bona, "Ba goleeditše bakeng sa maswika le dithaba go ba uta," le a bona, go ba uta go tloga go Lentšu leo ba le segile, gobane ba Mmone a etla. "Re uteng go tloga go bogale bja Kwana." Yena ke Lentšu. Le a bona? Ba segile Lentšu. Bjale fa Lentšu le be le, apere nama. Gomme ba be ba dirile metlae ka Lona; ba ba segile, ba dira metlae ka bona. Gomme Lentšu la go se senyege le wetše pele!

³⁶¹ Gobaneng ba se ba sokologa? Ga se ba kgona. E be e le kgole kudu, nako yeo. Kafao, ba tsebile yeo, kotlo. Ba a Le kwa. Ba be ba dutše ka dikopanong ka mokgwa wo gomme ba tseba ka ga Lona. Gomme ba tsebile gore dilo tša baprofeta bale, di be di akanyeditswepele, di be di ba lebeletše thwi ka sefahlegong, selo se ba se gannego. Ba ganne kgaogelo nako ya mafelelo.

³⁶² Gomme ge o gana kgaogelo, fao ga go selo se šetšego eupša kahlolo. Ge o gana kgaogelo; e no nagana ka yona.

³⁶³ Gomme ba be ba le fao. Ba be ba se ne lefelo go ya, go se botšabelo. Gomme Beibele e boletše mo, "Ba biditše bakeng sa... Ba goleeditše maswika le dithaba, go ya, 'Re weleng, gomme re uteng go tloga—go tloga sefahlegong sa... le bogale bja Kwana.'" Ba lekile go sokologa, eupša Kwana e be e tlie go tteleima ba Gagwe Mong, le a bona. Gomme ba goleeditše maswikeng le thaba. Ba rapetše, eupša dithapelo di be di le thari kudu.

³⁶⁴ Ngwanešu wa ka, kgaetšedi, bobotse le dikgaogelo tša Modimo, di katoloseditše go batho. Ge, Israele e be e foufaditšwe bakeng sa se, bakeng sa fa, feela e ka ba mengwaga ye dikete tše pedi, go re fa sebaka go sokologa. A o ganne kgaugelo yela? A o dirile? A o ganne Yeo?

³⁶⁵ Ke wena mang, go le bjalo? O tšwa kae? Gomme o ya kae? O ka se kgone go kgopela ngaka, o ka se kgone go botšiša e ka ba mang lefaseng, gomme ga go puku o ka kgonago go e bala, yeo e ka kgonago go go botša gore o mang, moo o tšwago, le se o yago, eupša Puku ye.

³⁶⁶ Bjale, le a tseba, ntle le ge o na le Madi a Kwana go dira legatong la gago, o bona mo o lebantšego. Kafao, ge—ge Modimo a go diretše seo, selo se sennyane re ka kgonago go se dira e tla ba go amogela se A se dirilego. Seo ke sohle A re kgopetšego go se dira.

³⁶⁷ Gomme godimo ga motheo wa se, ge ke eya bokgojana bjo bo itšego, Ke tla swanelo go tla thwi ka go Kotlo yela, tšohle

tšela, tirelo ya gosasa bošego. Gomme bjale nka se kgone go e dira, nka se kgone go ya bokgojana bjo bo itšego. Ke na le yona e marakilwe fase mo, sefapano, “ema mo,” le a bona. Kafao, gona, ke—ke swanetše go leta go fihla gosasa.

Bjale a re inamišeng dihlogo tša rena lebakana feela.

³⁶⁸ Ge o se wa dira, mogwera wa ka yo bohlokwa, o se—o se wa amogela lerato la Modimo yo ke bolelago ka yena! Ge o se wa dira . . . Theetša se kgauswi bjale. Ge o se wa amogela lerato le kgaogelo ya Gagwe, o tla swanela go emela dikahlolo tša Gagwe le kgalefo.

³⁶⁹ Bjale, lena, bosegong bjo, le ka go lefelo la go swana leo Adama le Efa ba bilego ka serapeng sa Edene. Le na le tokelo. O moemedi wa tokologo ya maitshwaro. O ka kgona go ya Mohlareng wa Bophelo, goba o ka kgona go tšea polane ya kahlolo. Eupša, lehono, ge o sa na le tlhaologanyo, ka monaganong wa gago wa maleba, gomme o phelegile go lekanela go—go tsoga le go e amogela, gobaneng o sa dire seo ge o se wa se dira.

³⁷⁰ A go na le bona batho ka mo ba ba sego, gabjale, ba dira seo? Ge go le bjalo, a o ka no phagamišetše seatla sa gago godimo? E re, “Nthapediše, Ngwanešu Branham. Bjale ke nyaka go e dira. Ga ke nyake se go tla.” Bjale elelwang, bagwera . . . Modimo a le šegofatše. Seo ke se sebotse. Ke na le . . .

³⁷¹ Tše ga se dikgopololo tša ka tša Se. Ke—ke . . . Se ga se seo ke bego ke se nagana; se se sohlesohle se tšwa go nna. Kafao nthuše, Moya wo Mokgethwa o a e tseba. Gomme le a leta, ge Morena a rata, gosasa bošego, ke nyaka go le laetša sephiri se se bego se eya nako ka moka, thwi mo ka kopanong ye. Ke belaela kudu ge eba le kile la se bona goba aowa, le a bona, se—se se diregilego. E bile se sengwe seo se beilwego thwi fa pele ga lena. Gomme ke šeditše, bosegong bjo bongwe le bjo bongwe, se, bakeng sa sona go tsoga, bakeng sa yo mongwe go re, “Ke a se bona.” Le a bona?

³⁷² O se ke wa Le gana, ka kgopelo, ke a go kgopela; ge o se Mokriste, ge o—o se ka tlase ga Madi, ge o se wa tswalwa gape, wa tlatšwa ka Moya wo Mokgethwa.

³⁷³ Ge o se wa ke wa dira boipolelo bja phatlalatša bja—bja Jesu Kriste, ka go kolobetšwa Leineng la Gagwe, go hlatsela lehu la Gagwe, poloko le tsogo, gore o amogetše, meetse a komana. A letile. Diaparo di lokišeditše ka mo, gomme se sengwe le se sengwe se komana.

³⁷⁴ Kriste o eme komana, ka letsogo la go otlogela ntle, go go amogela. Ka go iri e tee go tloga bjale, gore kgaogelo e ka no se katološešwe go wena. O ka no e gana lekga la mafelelo; e ka se tsoge ya kgwatha pelo ya gago gape. Ge o sa kgona, ge o sa kgona, gobaneng o sa e dire? Bjale ge . . .

³⁷⁵ Ke tseba ya tlwaelo, tsela ya setlwaedi, ke go tliša batho godimo aletareng. Re dira seo, gomme seo ka go phethagala se lokile. Ka nako ye, re kgobokane bjalo ka mo, thwi go dikologa aletara, go fihla ke se sa kgona go dira seo.

³⁷⁶ Eupša ke tla rata go bolela se. Ka letšatšing la boapostola, ba re, “Bontši bjo bo dumetšego bo ile bja kolobetšwa.” Le a bona? Feela ge o ka kgona, kgonthe, tlase ka pelong ya gago! Sese sohle se lego. Ga se—ga se khuduego, le ge khuduego e se felegetša. Go no swana le se ke se boletšego, go kgoga le go nwa ga se sebe; ke tholana ya sebe; go laetša gore ga o dumele. Le a bona? Eupša ge ka therešo o dumela ka pelong ya gago, gomme o tseba seo godimo ga motheo wa, moo o dutšego fao, o e amogela ka pelo ya gago yohle, se sengwe se ya go direga thwi fale. Se ya go direga.

³⁷⁷ Gona o ka kgona go ema bjalo ka hlatse go yona, gore se sengwe se diregile. Ka gona wa sepelela meetseng, wa re, “Ke nyaka go laetša phuthego, ke nyaka go netefatša, ke nyaka go dira bopaki bja ka go ema, gore ke tla tsea lefelo la ka le Monyalwa. Ke ema mo bjale go kolobetšwa.”

³⁷⁸ Ke a tseba gore go na le basadi ba bantši lefaseng bošegong bjo, basadi ba bakaone, eupša ke hlologetše kudu go bona yo motee. Go na le yo mongwe wa bona yoo e lego mosadimogatša wa ka. O ya gae le nna. O be a se mosadimogatša wa ka, sa mathomo; eupša ka fao a bilego mosadimogatša wa ka, o tšere leina la ka.

³⁷⁹ O etla. Go na le basadi ba bantši, dikereke, ka lefaseng, eupša O tlela Mosadimogatša wa Gagwe. O biditšwe ka Leina la Gagwe. “Bona ba ba lego ka go Kriste Modimo o tla ba tliša le Yena.” Re tsena bjang ka go Wona? “Ka Moya o motee bohle re kolobeletšwa ka Mmeleng o tee.”

³⁸⁰ Bjale ge re rapela, rapelang, le lena. Ka gare goba ka ntle, go na le dihlopha tše kgolo tša batho ka dikamoreng, ka ntle, ba eme go dikologa, ntle ka mekgotheng. Eupša bjale ge—ge le sa . . . Re ka se kgone go le biletša godimo mo aletareng. Eupša, pelo ya gago, e dire aletara. Gomme thwi ka pelong ya gago, e re, “Morena Jesu, ke dumela Se. Ke eme ntle fa mo moyeng wo wa bošego. Ke be ke kgameletšwe, ka kamoreng ye nnyane ye. Ke dutše ka fa, magareng ga batho bale. Ga—ga—ga—ga—ga ke nyake go ba . . . Nka se kgone go foša; nka se kgone go e fihlelela.”

³⁸¹ Se sengwe le se sengwe, bjalo ka ge ke le boditše bošegong bja go feta, gomme, kafao nthušeng, Morena o a tseba ke bolela Therešo. “Ga ke aketše,” boka Paulo a boletše. Pono yela, goba e ka ba eng e bilego; ke eme fale, ke lebeletše, gomme ka kgwatha batho bale bao ba ilego pele, feela ka kgonthe bjalo ka ge ke eme thwi fa. Le se e foše, ngwanešu goba kgaetšedi wa ka wa go šokiša; le se e dire. Ke a tseba le kwele go rera, le kwele *se, sela*, le dikanegelo, tšohle tšela. Eupša a nke . . . E nong go theetša. Go nna, ye ke . . . Ke a tseba ke Therešo, le a bona. O no . . . Nka—

nka—nka se kgone go e dira go hlakahlaki e ka ba gofe, le a bona. Le se ke wa e foša. Yohle ke ya lena.

Bjale a re rapeleng.

³⁸² Morena Jesu, mo pele ga ka go na le lepokisi la disakatuku tše di emelago batho ba go babja. Ge ke rapela godimo ga tšona, ke beile diatla godimo ga tšona, bjalo ka ge Beibele e boletše, “Ba tšere go tšwa mmeleng wa Paulo, disakatuku le dithethwana, meoya ya ditšila e tšwetše ka ntle ga batho, gomme maswao a magolo a dirilwe.”

³⁸³ Ka gobane, ba bone Paulo, gore ba tsebile Moya wa Modimo o be o le ka go yena. Ba a tseba gore o be a le—o be a le monna wa go se tlwaelege, gore, dilo tše a boletšego ka tšona, ka Lentšu. O be a tla ya go tšea lentšu la kgale la Sehebere la kereke ya Sehebere, le go le tliša bophelong, le go le bea ka go Kriste. Ba tsebile Modimo o be a le ka go monna. Ka gona ba bone Modimo a šoma go se tlwaelege le mediro ye maatla ka yena, a bolelelapele dilo gomme di tla direga ka tsela yeo, gomme ba a tseba gore o be a le mohlanka wa Modimo.

³⁸⁴ Morena, ke a rapela gore O tla hlompha batho ba bakeng sa ditlhompho tša bona tša Lentšu, le go ba fodiša bakeng sa Jesu. Ntle mo ka go batheeletši, Morena, fao go dutše batho, go no swana le ge e bile ba ba theeditšego moapostola Petro ka Letsatši la Pentecost. Ka fao a ilego morago ka go Lentšu, gomme o hweditše Lentšu! Gomme o rile, “Joele o boletše, ka matsatšing a mafelelo dilo tše di tla direga. Gomme Se ke sela.” Gomme dikete tše tharo ba Le dumetše, gomme ba kolobetšwa.

³⁸⁵ Gomme, Tate, lehono re eme fa ka mogau wa Gago. Gomme ga se ka gobane bao—bao ke batho ba go ikgetha, eupša ke ka gobane (feela boka letšatši la tau, goba pholo, goba motho) ke nako ya ntšhu. Ke tlotšo ya iri. Ke nako ye re phelago ka go yona. Ke go šoma ga Moya wo Mokgethwana bakeng sa nako ye yeo e kgethegilego, go netefatša gore Jesu ga se a hwa. Dilo tše A boletšego gore O tla di dira feela pele ga ge Dietša tša mantšiboa di tima, gomme mo re be re Mmona a dira seo, thwi go theoga go bapa le tsela. Re E bone e etla fase ka go diphatišišo tša saense gomme e bile le seswantšho sa Gagwe se tšerwe; Pilara ya Mollo ye kgolo Ye e etilegopele bana ba Israele; Ye e kopanego le Paulo tseleng.

³⁸⁶ Gomme re a tseba, Pilara ye ya Mollo ya go swana yeo etilegopele Moshe tlase fale ka lešokeng, ka Pilara yela ya Mollo ya go swana o ngwadile Dipuku tše mmalwa tša Beibele, gobane o be a tloditše ka Lentšu.

³⁸⁷ Pilara ye ya Mollo ya go swana e etla godimo ga Paulo, mo tseleng go ya Damaseko, o ngwadile Dipuku tše ntši tša Beibele, di bitšwago Lentšu la Modimo.

³⁸⁸ Gomme bjale, Morena, yona Pilara yela ya Mollo ya go swana, ka bohlatse bja netefatšo ya Lentšu, le ka diphatišio tša saense, re E bona mo e utolla Lentšu la Morena.

³⁸⁹ Modimo, a nke batho ka pela ba tsošwe, Morena, ka pela! Bao ba nago le maina a bona a beilwe godimo ga Puku ya Bophelo; ge Se se phadima go kgabaganya tsela ya bona, a nke ba bone. Go swana le yo monnyane, mosadi wa tumo ye mpe sedibeng letšatši lela, o ile a lemoga ka pela, gomme o be a tseba gore E be e le Lengwalo.

³⁹⁰ Gomme bjale, Tate, ke a rapela gore bohle ba tla Go amogelago ka nako ye, ka dipelong tša bona, o tla e rumu neng le neng, mo iring ye, gore ba feditše ka sebe; yo a tla tsogago le go dira ditokišetšo bjale bakeng sa boipolelo bja phatlalatša, bja kolobetšo Leineng la Jesu Kriste, bakeng sa go tlošwa ga dibe tša bona; go bontšha gore ba dumela gore Modimo o ba lebaletše, gomme ba tsea Leina la Jesu Kriste.

³⁹¹ Ka gona, Tate, tšhollela fase Moya wo Mokgethwa, wa Oli, godimo ga bona, gore ba ke ba beelwe ka go tirelo ya Morena Modimo, gore ba be badiri ka go le la mafelelo, letšatši le lebe, ka gore re a lemoga re no ba le nako ye kopana. Gomme Kereke e ka no ya ka nako efe kapa efe.

³⁹² Kwana e ka no ba, nako efe kapa efe, ya tlogela lefelokgethwa godimo Kua, goba Terone ya sehlabelo, go tla pele go tšwa Teroneng ya Modimo moo sehlabelo se letšego, gomme nako yeo go fedile; ga go sa na dikholofelo go lefase; o fedile. Ka gona o ya ka dikgakanegongkgolo, tša digarolamatswalo tše kgolo tša ditšhišnyego tša lefase, le—le ditšhišnyego tše kgolo boka go bile ka tsogong. Gomme—gomme, mo—mo . . .

³⁹³ Bjalo ka ge Kriste a tsogile go tšwa lebitleng, ge bakgethwa ba tsoga, selo sa go swana se tla direga. Morena, go ka ba motsotsotso ofe kapa ofe. Re šeditše bakeng sa letšatši lela la lethabo go fihla.

³⁹⁴ Tšeela bana ba Gago ka tlase ga letsogo la Gago, Tate, bjale. Gogela dikwana tša Gago tše nnyane difarong tša Gago. E fe. Gomme ba fepe ka Lentšu, go fihla ba le maatleng bakeng sa tirelo. Re ba neela go Wena bjale, Morena. Araba thapelo ye.

³⁹⁵ O rile, Tate, godimo ka go Mareka, tema ya 11, “Ge o rapela, o eme o rapela, dumela gore o amogela se o se kgopelago, gomme o tla ba le sona.”

³⁹⁶ Gomme ka pelo ya ka yohle go Yena yoo a bego a utolla dilo tše tlase go kgabola mengwaga, le Mahuto a mo ka go beke ye ya go feta; Ke dumela Wena, Morena Modimo, gore ke iri, kgauswi bjale, kgauswana go feta ka fao ka nnete re naganago, ka go batamela ga Gago.

³⁹⁷ Hle anke thapelo ya ka e arabje. Gomme a nke yo mongwe le yo mongwe a bitšwago ngwana wa Modimo, yoo a lego bokgole

bja go kwa fa, goba ešita theipi e tla ratha, a nke ka nako yeo . . . Ke ba tleleima bakeng sa Mmušo wa Modimo, godimo ga motheo wa go tseba le ke Lentšu leo le utolotšwego. A nke Seetša sa mantšiboa se phadime, Tate. Ke ba neela go Wena, ka Leina la Jesu. Amene.

³⁹⁸ Bjale, bohole, ka gare goba ka ntle, ba ba dumelago, gomme ga se ba ke ba dira boipolelo bja bona—bja bona bja phatlalatša, gore o feditše ka sebe; gomme o—o nyaka dikgaogelo tša Modimo, gomme o di amogetše ka go Jesu Kriste. Mogobe . . . Ba tla be ba le komana go kolobetša e ka ba mang yo a nyakago go kolobetšwa, lehono goba gosasa, thwi bjale goba neng kapa neng e ka bago.

³⁹⁹ A le ipshina ka Lehuto la Boselela? [Phuthego e re, “Amene.”—Mor.] Le bona moo Le butšwego bjale? [“Amene.”] A le Le dumetše? [“Amene.”]

⁴⁰⁰ E rile, “Ke mang a dumetše pego ya rena? Gomme letsogo la Morena le utolletšwe mang?” Le a bona? Dumela pego, gona letsogo la Morena le utolotšwe. Letsogo, Lentšu la Modimo, le utolotšwe.

⁴⁰¹ Morena ge a rata bjale, gosasa mosong, ke tla leka bokaonekaone bja ka go araba dipotšišo tšela. Ke tla tsea ka kgonagalo bošego ka moka, gomme, goba bontši bja bjona, ka thapelong, godimo ga tšona. Ke fihla e ka ba go tloga go tee go ya go diiri tše tharo ka bošego. Ga se ka tsoge ka fihla malaong bošego bja go feta go fihla ke eya ka e tee, gomme ka iri ya boraro ke be ke le ithuta. Le a bona? Le a bona?

⁴⁰² Ke ya go swanelo go arabela se. Yeo ke nnete. Re kgauswi kudu bakeng sa e ka ba eng, botlaela e ka ba bofe, goba go tsea gore e ka ba gofe, goba go dumela tselaseripa. Ke swanetše go e bona, pele. Gomme ka gona, ge ke e bona, e swanetše go ba ka go Lentšu, le yona. Gomme bokgole bjo, ka mogau wa Modimo, e dirile ka phethagalo. Ke e tšere go tloga tselo yohle go kgabola, le tseba seo, gomme e—e hlakane mmogo thwi.

⁴⁰³ E swanetše go ba O RIALO MORENA. Gobane, ga se feelsa ge e E bolela go tšwa go nna ke E tseba, nnamong, eupša Lentšu la Morena ke O RIALO MORENA. Gomme šele Lentšu, go tsea se A mphilego sona, le go Le hlakanya mmogo le go le bontšha. Kafao le a tseba, lenabeng, ke O RIALO MORENA. Le a bona?

⁴⁰⁴ Lentšu šele, le bolela bjalo. Gomme ka gona kutollo ye A mphago yona, e lego kgahlanong le se yo mongwe wa rena a kilego a se gopola; gobaneng, kgahlanong le se ke se nagannego, gobane ga sa nke ka tsoge ka ya ka go Lona ka mokgwa wola. Eupša bjale, re a hwetsa, e thedimogela thwi mmogo. Gomme ke Eng? Ke O RIALO MORENA. Le a bona? Ke tlwa. E bile lefelo le butšwego, le swareletše fale, go iri ye, gomme morago Morena o a tla gomme o E kgoromeletša thwi ka gare ka mokgwa wola. Kafao, le a bona, šele Lona. Ke, Ke—ke Morena. Oo, ke a Mo rata! Ke Mo rata ka pelo ya ka yohle.

⁴⁰⁵ Bjale elelwang, lena . . . Re ka se kgone go tla aletareng. Ba mmalwa ba swaretše diatla tša bona godimo. Bjale, le a bona, ke taba ya motho ka motho, le wena. Ke e ka ba eng o nyakago go dira. Le a bona?

⁴⁰⁶ Iri e batametše kgauswi kudu, le swanetše go be le pinyeletša ka maatla ka fao le kgonago, ga la swanelo go gogwa. Le a bona, go no gatelela, go leka go tsena ka gare, “Morena, o se ntumelele ntle. O se ke wa ntlogela ntle, Morena. Mabati a a tswalela; ge nka no tsena ka gare!” Le a bona?

⁴⁰⁷ Modimo o tla tswalela mojako letšatši le lengwe. O dirile ka letšatšing la Noage, gomme ba betha mo lebating. [Ngwanešu Branham o kokota phuluphithing makga a mmalwa—Mor.] A yeo ke nnete?

⁴⁰⁸ Bjale elelwang, Beibele e boletše, gore, “Ka go tiišo ya bošupa.” A ke nnete? Ba bangwe ba robetše tiišong ya pele, ya bobedi, ya boraro, ya bone, ya bohlano, ya boselela, ya bošupa. Eupša, ka go tiišo ya bošupa, fao gwa tla pele kgoletšo, mokgoši, “Monyadi o etla! Eyang ntle go Mo gahlanetša.”

⁴⁰⁹ Dikgarebe tše di robetšego di rile, “E re, ke tla rata go ba le ye nngwe ya Oli yela bjale.”

⁴¹⁰ Monyalwa o rile, “Ke no ba le go lekanelo nnamong; go no ba go lekanelo. Ge o O nyaka, eya go O rapelela godimo.”

⁴¹¹ A ga le bone kgarebe ye e robetšego bjale? Lebelelang Maepiscopalian, Presbyterian, Lutheran, le se sengwe le se sengwe, ba lekago go dira. Gomme bothata bja yona ke, sebakeng sa go leka go hwetsa Moya wo Mokgethwa, ba leka go bolela ka maleme.

⁴¹² Gomme bontši bja bona ba bolela ka maleme, gomme ba lewa ke hlong go tla kerekeng ye go rapelelwa; ba nyaka ke tle ntlong ya bona le go ba rapelela. Le bitša seo Moya wo Mokgethwa? Seo ke go bolela ka maleme, eupša e sego Moya wo Mokgethwa. Le a bona?

⁴¹³ Bjale, ke a dumela Moya wo Mokgethwa o bolela ka maleme. Le a tseba ke dumela seo, le a bona. Eupša go na le ketšaetšane go Wona, gape. Ee, mohlomphegi. Di—di dikenywa tša Moya, se se netefatšago se O lego sona. Dikenywa tša mohlare di netefatša ke mohuta ofe wa mohlare. E sego sekgamathi; kenywa!

⁴¹⁴ Bjale hlokamelang, gona, ge a etla, iri yela—yela ya mafelelo. Gomme fao, ge ba etla ka gare, nako yeo ba ile le go re, “Gabotse, ke a dumela ke O hweditše bjale. Ke a dumela ke O hweditše. Ya, re a O hwetša.”

⁴¹⁵ Bokaone—nka—nka se bolele se, le a bona, gobane go ka hlola tlhakatlhakano. Ge ke boletše letšatši le lengwe, Tlhatlogo, ka fao E tla tlago, ke—ke . . . Bjale, ge le re le—le tla e tšea, go lokile. [Phuthego e re, “Amene.”—Mor.] Setšang. Setšang. Go lokile, seo se tšwa go lena.

⁴¹⁶ Ge kgarebe ye e robetšego, le a bona, ba ba bego ba gopola gore o be a rapeletše, go tla morago, Monyalwa o be a šetše a ile. E ile, gomme ga se a ke a e tseba; go swana le lehodu bošego. Ka gona ba thoma go tula mejako. Gomme go diregile eng? Go diragetshe eng? Ba lahletšwe ka sekgaong sa Tlaišego. Beibele e rile, “Go tla ba le dillo, le go golola, le ditsikitlano tša meno.” A yeo ke nnete?

⁴¹⁷ E ya go ba neng, ngwanešu, kgaetšedi, ga ke tsebe. Eupša, ke—ke, nna, e ka no ba feela nna mo, bjale, le a bona. Se, se ke seo . . . Wo ke mogopololo wa ka. Le a bona? Ke—ke—ke a dumela e kgauswi kudu, ke—ke . . . Letšatši le lengwe le le lengwe ke—ke nyaka . . . Ke no leka go sepela ka boleta ka mo nka kgonago. Le a bona? Gomme bjale ge, le a tseba, ge . . .

⁴¹⁸ Se sengwe se diregile lehono, gomme ke bone se sengwe se etla godimo. Ke—ke no . . . Ga se ka kgonago hwetša mohemo wa ka gape, le a bona. O be a le fao, a eme fale, Seetša se sennyane sela se eme thwi kua. Gomme mo Se be se le gona. Ke a tseba ke Therešo.

⁴¹⁹ Ke naganne, “O Modimo, nka se kgone go bolela seo. Ga—ga ke kgone go bolela seo. Ga ke kgone.” Ke nno sepelela ka ntle ga kamora, ka ya ntle, ka sepelela godimo le fase. Ngwanešu, ka gopola, “Nna! Nka kgona go dira eng? Oo!” Le a bona? Gomme ke—ke swanetše go ya go thea dihlapi, goba se sengwe, goba ke . . . Šaatena, o tla . . . o . . . nka se kgone go go botša. O a bona?

⁴²⁰ Kafao, re ne nako ye botse. A ga re? Tumišang Morena! Amene! Le a bona? Re ka go—re ka go nako ye kgolo kudu, le a bona, gobane pelo ya ka e phophoma ka lethabo le thabo.

⁴²¹ Eupša ge ke nagana ka lefase le le dikete tše ke tsebago gore di lahlegile, e na le morithi wo moso, hum, gona pelo ya gago e no tšwa madi. “O ka kgona go dira eng? O ka kgona go dira eng?” O no ikwela Moya wo Mokgethwa o goeletša ntle, ka pelong ya gago. Go swana le ge go swanetše go ba go bile ka go Morena wa rena, ge A lebeletše godimo ga Jerusalema, batho ba Gagwe Mong, le a bona, o rile, “Jerusalema, Jerusalema, ke gakae Nkabego ke go alametše, bjalo ka kgogotshadi e tla dira matsuana a yona, eupša ga se o nyake.” O no ikwela Moya wo Mokgethwa o re, “Ke gakae Ke tla bego ke go kgobokeditše, le a bona, eupša ga se wa nyaka.” Le a bona?

⁴²² Re, re thwi mo ka go se sengwe, bagwera. E ka ba eng se lego sona, Modimo o a tseba. Ga go yo mongwe, ga go yo a tsebago e ya go direga neng. Seo ke sephiri. Ga go yo a tsebago e ya go direga neng.

⁴²³ Eupša Jesu o re boditše, “Ge le bona dilo tše, dilo tšohle tše.” Go no swana le se ke ilego, go bapetša le Lehuto la Boselela, go se A se boletšego ka go Mateo 24. Bjale elelwang se A se boletšego, “Ge le bona dilo tše di etla, di thoma go tla go phethega, gona

nako e mojako.” Šetšang yona temana ya go latela, ditemana tša 30–30 le 31 ge di ile pele go theoga, ya 32, ditemana tša 33.

⁴²⁴ O rile, “Gomme O tla romela barongwa ba Gagwe pele go dikhutlo tše nne tša magodimo, go diphefo tše nne, go kgobela Bakgethiwa ba Gagwe.” A yeo ke nnete?

O rile, “Bjale ithuteng . . .”

⁴²⁵ Bjale elelwang, O eme thwi fao. Ga se A ke a ya pele, ka morago ga Lehuto lela la Boselela. Ga se nke A bolela e ka ba eng ka ga la Bošupa. O boletše la Pele, la Bobedi, la Boraro, la Bone, la Bohlano, le la Boselela. Eupša O eme fale, ga se nke a bolela ka e ka ba eng ka Lona.

⁴²⁶ Šetšang selo sa go latela A se boletšego, “Bjale ithuteng seswantšho.” Le a bona? Ka gona O thoma go seswantšho. O rile, “Dilo tše di tla ba.”

⁴²⁷ O araba tšona dipotšišo tše tharo. “E tla ba eng . . . maswao a? Gomme leswao la go Tla ga Gago e tla ba eng? Leswao e tla ba eng, la bofelo bja lefase?”

⁴²⁸ Gomme Lona la Boselela, fao, e be e le bofelo bja lefase. Gomme go galagatša ga morongwa wa bošupa . . . “Go phagamiša diatla, le go ena ka Yena yoo a phelago neng le neng le neng, gore nako e ka se sa ba gona.” Lefase le tswala le leswa. Go fedile.

⁴²⁹ Gomme ke rena ba, thwi fa mo lebating. Oo, ke a thothomela. “Gomme ke swanetše go dira eng, Morena? Ke eng—ke eng gape nka go se dira?” Le a bona? Gomme, gona, nno naganang go boneng lefelo lela le batho bale ba bohlokwa! Ke eme fale, ke lebeletše nnamong. Gomme ke naganne, “O Modimo, gobaneng, ga ba—ba kgone go foša se. Ke—ke—ke swanetše go ba kgorometša. Ke swanetše go no fihla tlase ka batheeletšing le go ba hwetša, le go kgorometša.” O ka se kgone go dira seo. O . . .

⁴³⁰ “Gomme ga go motho a ka tlago ntle le ge Tate wa Ka a mo goga.” Eupša fa go kgothatšo e tee re nago le yona, “Bohle Tate a Mphilego ba tla tla.”

⁴³¹ Eupša ka moka ga bona, le mekgatlo yela, ba itshamile godimo ga yona ka mokgwa woo, le a bona. “Gomme o forile bohle bao ba phetšego godimo, ba dula godimo ga lefase, bao maina a bona a sego a ngwalwa ka go Puku ya Kwana ya Bophelo, ye e hlabilwego go tloga motheong wa lefase.” Oo, nna! Ķafao, le a bona, ke selo sa go nyamiša.

⁴³² Selo se nnoši o ka kgonago go se dira e no ba—e no—e no—e no dula thwi le Lentšu. Šetšang feela e ka ba eng A rego dira, gomme morago le dire seo. Le a bona? E ka ba eng A rego dirang; dirang seo.

⁴³³ Gomme o lebelela ntle kua, le go re, “Oo, nna! Ba dira se, gona . . . Oo!” E no ba . . .

⁴³⁴ Ga le lemoge kgatelelo! Bjale ke nyaka go bolela se. Ke a nagana ditheipi di timile. Batho ba bantši ba re, “Ngwanešu Branham, ka bodiredi bja mohuta woo...” (Ke swanetše go šetša, gobane batho ba no tsea tšona ditheipi le go no leka go di topa ka diripana, le a tseba.) Kafao ge ba re, “Ngwanešu Branham, ke duma ge nkabe re bile le bodiredi,” ga le tsebe se le se bolelago. Wena, ka go botega, ga o tsebe se se yago le bjona, ngwanešu, kgaetšedi. Oo, nna! Gomme boikarabelo, ge o na le batho ba ba lekeletšego go se o se bolelago! Elelwang, ge o ba botša phošo, Modimo o tla nyaka madi a bona diatleng tša gago. Gona, le nagane ka seo. Ke selo sa go šiiša.

⁴³⁵ Kafao, ratega. Rata Jesu ka pelo ya gago yohle. Feela lat-... Eba bonolo. O se tsoge wa leka—wa leka go nagantšhiša e ka ba eng. Nno ba bonolo, pele ga Modimo. Gobane, bontši o lekago go nagantšhiša, ke bokgojana bjo o tlogago go Yena. Le a bona? E no Mo dumela gabonolo.

O re, “Bjale, gabotse, ke neng A tla tlago?”

⁴³⁶ Ge A etla lehono, go lokile. Ge A etla mengwaga ye masomepedi go tloga bjale, go sa lokile. Ke ya go no ya ka tsela ye ke yago bjale, go Mo latela. “Morena, ge O ka kgona go ntšhomisa kae kapa kae, ke nna yo, Morena.” Ge eba ke mengwaga ye lekgolo go tloga lehono, ge ditlogolokhukhu khukhu khukhu khukhu khukhu di ka be di sa phela go e bona e etla, a nke... “Morena, ga ke tsebe e ya go ba neng, eupša a nke ke no sepela thwi lehono, feela le Wena.” Le a bona? Ke—ke nyaka... Gobane, ke—ke tla tsoga ka letšatši leo, go no swana le ge ke tšere kgoswane ye nnyane felotsoko.

⁴³⁷ Go tla tlase kua, paleisi yela ya letago mošola, Mmušo wola wa Modimo kua, moo bohole ba batšofe ba tla bago baswa, moo dikobo tše tšhwewi di šetšego di le gona! Banna le basadi ba fetogile, ka bobotseng, bjona bokgabo bja mo—mo—mo monna yo mobotse le mo—mo mosadi wa go ratega! Go emeng fale ka bobotseng bjhohle le seemo sa mosadi yo moswa le lesogana, ba eme fale! Gomme ba se tsoge ba tšofala, ba ka se tsoge ba ba sebe, ba ka se tsoge wa ba e ka ba eng ya mona, goba lehloyo, goba e ka ba eng! Oo, nna!

⁴³⁸ Ke nagana ditheipi di timilwe bjale. Gomme ke—ke no ba le e ka ba metsotsso ye meraro goba ye mene. Ke nyaka go bolela le lena. A seo se lokile? Bjale, se e no ba sa sebele, le a bona. Gobane, gosasa, ke—ke... Seo se ya go ba se segolo kudu! Ke nagana bokaone ke no se bolela bjale, le a bona, se ke yago go se bolela. Ke... Se e no ba sa rena bjale. Ke be ke no...

⁴³⁹ Le a tseba, ke—ke na le mosadimogatša yo ke mo ratago, gomme yoo ke Meda. Gomme ebole ke—ke be nka se mo nyale, ka baka la lerato la ka go mosadi wa ka wa pele. Gomme efela, bontši ka mo ke mo hlokometšego, nkabe—nkabe ke se ka mo nyala ge nkabe e be e se Modimo a mpoditšego go e dira. Gomme

le tseba kanegelo ya yona; ka fao a ilego go rapela, le ka fao ke dirilego. Gomme ka gona O mpoditše tlwa se ke swanetšego go se dira, gomme, “Sepela, mo nyale,” gomme tlwa nako ya go e dira. Ke mosadi wa go ratega. Gomme o a nthapelela bošegong bjo. Gomme kafao bjale ke iri ya seswai, ka gae, mohlomongwe o a rapela bjale.

⁴⁴⁰ Bjale hlokamelang. Letšatši le lengwe o rile go nna, o rile, “Bill,” o rile, “Ke no nyaka go go botšiša potšišo ka ga Legodimo.”

Ke rile, “Go lokile, Meda, ke eng?”

O rile, “O a tseba ke a go rata.”

⁴⁴¹ Gomme ke rile, “Ya.” E bile thwi morago ga ge se se diregile godimo fa.

O rile, “O a tseba gore Hope o go ratile, le yena.”

Ke rile, “Ya.”

⁴⁴² Gomme o rile, “Bjale,” o rile, “ga ke nagane ke tla ba le mona,” o rile, “eupša Hope o bile.” Gomme o rile, “Bjale, ge re fihla Legodimong . . . Gomme o rile o mmone kua.”

⁴⁴³ Ke rile, “O be a le fao. Ke mmone. Ke mmone gabedi, kua.” O gona kua. O ntetetše go tla. Kafao go . . . Go bjalo le Sharon. Ke mmone, feela go swana ke go lebeletšego. Ke mmone kua. Gomme ke rile . . .

⁴⁴⁴ O rile, “Gabotse, bjale, ge re fihla godimo kua,” o rile, “ke mang a yago go ba mosadimogatša wa gago?”

⁴⁴⁵ Ke rile, “Bobedi bja lena. Go ka se be e ka ba mang, o a bona, efela bobedi bja lena le tla ba.”

O rile, “Ga ke kgone go e kwešiša.”

⁴⁴⁶ Ke rile, “Bjale, hani, dula fase, a nke ke go hlaloše se sengwe.” Ke rile, “Bjale, ke a tseba o a nthata, gomme o tseba ka fao ke go ratago, le ditlhompho le tlhompho. Bjale, mohlala, go ka reng ge ke apere, ke ile tlase toropong; gomme mmalegogwana tsoko yo monnyane, yo mobotse ka kgonthe, gomme a tla gomme a lahlela matsogo a gagwe go ntkologa, gomme a re, ‘Oo, Ngwanešu Branham, ka kgonthe ke a go rata,’ a thoma go bea matsogo a gagwe go ntkologa le go nkgoka. O be o tla nagana eng?”

O rile, “Ga ke nagane gore ke tla rata seo gabotse kudu.”

⁴⁴⁷ Gomme ke rile, “Ke nyaka go go botšiša se sengwe. A o . . . Ke mang yo o mo ratago bokaonekaone, ge e be e swanetše go ba makgaolakgang, nna goba Morena Jesu?” Bjale, leo e no ba lapa, le bolela.

⁴⁴⁸ Gomme o rile, “Morena Jesu.” O rile, “Ee, Bill, bontši bjo ke go ratago, eupša, pele nka Mo tlogela, ke tla go tlogela.”

⁴⁴⁹ Ke rile, “Ke a go leboga, hani. Ke thakgetše go kwa o bolela seo bjale.” Ke rile, “Bjale, go ka reng ge mosadi yola wa go swana

yo monnyane a ka tla godimo go Jesu le go lahlela matsogo a gagwe go Mo dikologa, a re, ‘Jesu, ke a Go rata,’ o tla nagana eng ka seo?”

O rile, “Ke tla ipshina ka seo.”

⁴⁵⁰ Le a bona, le fetola go tloga phileo go ya agapao. Le a bona, ke Lerato la godimodimo. Le a bona? Gomme ga go selo se sebjalo bjalo ka monnamogatša le mosadimogatša, bjalo ka . . . le go godiša bana. Yohle e ile, bo—bo bosadi le bongtona. Dithatana tšohle di . . . Tšona tšohle di a swana, fao. Le a bona? Ga go na le e tee ya yona, gape. Le a bona, ga go na le dithaka tša thobalano le gatee, le gatee. Le a bona? O no ba . . . Ee, mohlomphegi. E no nagana ka wenamong ntle le thatana ya thobalano. Lebaka le di beilwego ka go rena ke go tlatša lefase, le a bona. Eupša, Kua, kua go ka se be ye e itšego Kua. Ešita go ka se be thatana ya monna goba mosadi. Aowa.

⁴⁵¹ Eupša seemo sa bokgabo bja Modimo se tla ba kua. Seo ke therešo tlwa. Eupša ka therešo re tla ba ba mmapale. Ga go—ga go phileo, le gatee; agapao yohle. Le a bona? Kagona, mosadimogatša a ka se be go feta feela sengwe sa go ratega seo—seo e lego sa gago, gomme o . . . Le ba lena seng sa lena. Ga go selo se sebjalo bjalo ka . . . Aowa, aowa, ebile ga go na . . . Le a bona, karolo ya phileo ebile ga e gona le gatee. Le a bona, go ka se be le e ka ba eng boka mona; ga go selo go ba le mona ka sona. Ga go ne selo se sebjalo kua. Ga o tsoge wa tseba selo se sebjalo ka seo. Le a bona? Gomme feela lesogana la go ratega le basadi ba baswa, go phela.

Gomme ka gona, morago, o rile, “Ke a e bona bjale, Bill.”

Ke rile, “Ya.”

⁴⁵² Ke nyaka go le botša selo se sennyane se diregile. Ye e be e le toro. Ke be ke robetše. Gomme ga se ka tsoge ka bolela ye phatlalatša pele. Ke e boditše batho ba se bakae, eupša e sego phatlalatša pele, ka mo ke tsebago.

⁴⁵³ Ke—ke lorile, e ka ba kgwedi morago ga fao, gore ke be ke eme, letsatši le lengwe, gomme ke be ke bogetše nako ye kgolo yeo . . . E sego kahlolo, bjale. Ga ke dumele gore Kereke e ka tsoge ya tla go yona, (ke ra, Monyalwa), o ya kahlolong. Eupša, ke be ke le kua ge mefapahlogo e neetswe ntle, le a bona. Gomme Terone ye kgolo—ye kgolo e dutše godimo *mo*. Gomme Jesu le Morongwa wa go gatiša, le bohole, ba be ba eme kua. Gomme go be go le magato a go namelela, boka, a etla fase ka tsela *ye*, a lenaka la tlou le lešweu; a kitimela tlase, ntikodiko, o dirile ponagalo ya go alega ka mokgwa *wo*, gomme a tšwetše ntle, gore lešaba le legolo lohole le le emego ntle kua le kgone go bona se se bego se direga.

⁴⁵⁴ Gomme ke tla ema morago godimo, tsela morago go lehlakore le tee. Gomme ke be ke nno ema fale, ga se nke ka tsoge ka nagana ke ile ka swanelo go sepela tšona dikgato. Ke be ke eme fale. Ke be ke tla bona . . .

⁴⁵⁵ Morongwa wa go gatiša o be a tla bitša leina le itšego; gomme ke tla tseba, go lemoga leina leo. Ke lebeletše, gomme moragorago ntle kua, mo go tla ngwanešu, a sepela le kgaetšedi, a sepelela godimo go lena, ka mokgwa woo. Morongwa wa go gatiša a eme fale ka lehlakoreng la Kriste, (feela toro bjale), gomme o be a šeditše. Gomme leina la bona le be le godimo kua, le hweditšwe ka go Puku ya Bophelo; O be a lebelela ntle godimo ga bona, le go re, “Go dirilwe—go dirilwe gabotse, mohlanka wa Ka yo botse le go botega. Bjale tsenang ka gare.”

⁴⁵⁶ Ke lebeletše morago, moo ba bego ba eya. Go be go le lefase le leswa, le mathabo. Gomme o rile, “Tsenang ka mathabong a Morena, ao a bilego—ao a bilego go a lena ge e sa le motheong wa lefase.” Le a bona? Gomme, oo, ke naganne... Ba tla ya go kgabola fale, le go kopana seng sa bona, gomme ba no hlalala, le go ya bokagodimo ga dithaba le lefelo le legolo le letona.

⁴⁵⁷ Eupša ka gopola, “Oo, a seo ga se makatše! Letago! Haleluya!” Ke no tabogela godimo le fase!

⁴⁵⁸ Gona ke be ke tla kwa leina le lengwe le bitšwa. Ke a nagana, “Oo, ke a mo tseba. Ke a mo tseba. Ke... Fao, šole o a ya, kua.” Ke mo šetsa ka mokgwa woo.

“Tsenang mathabong a Morena, wa Ka wa go loka le...”

“Oo,” ke tla re, “tumišang Modimo! Tumišang Modimo!”

E no re, mohlala, go swana le ge ba re, “Orman Neville,” le a bona.

⁴⁵⁹ Gomme ka gona ke tla re, “Yo ke mokgalabje Ngwanešu Neville. Sole yena.” Le a bona? Gomme šo o a tla, go tšwa lešabeng, o ya godimo.

⁴⁶⁰ Bjale O re, “Tsenang ka mathabong a Morena, ao a lokišeditšwego wena go tloga pele ga motheo wa lefase. Tsena ka gare.” Gomme mokgalabje Ngwanešu Neville o no fetoga, le go no thoma morago ka kua, a no goelela le go goeletša.

⁴⁶¹ Šaatena, ke no goelela le go re, “Letago go Modimo!” Ke eme godimo mo ka bona, ke na le nako ya go makatše, ke bogetše baena ba ka ba eya ka gare.

⁴⁶² Gomme Morongwa wa go gatiša o eme fale, gomme o rile, “William Branham.”

⁴⁶³ Ga se ka tsoge ka nagana ke tla swanela go sepela seo. Kafao nako yeo ke be ke tšhogile. Ke naganne, “Oo, nna! A ke tla swanela go dira seo?” Kafao ke ile go sepela tlase fale. Gomme feela yo mongwe le yo mongwe a mphaphatha mo—mo... [Ngwanešu Branham o swantšha ka go iphaphatha yenamong makga a mantši—Mor.] “Hei, Ngwanešu Branham! Modimo a go šegofatše, Ngwanešu Branham!” Ba mphaphatha ge ke eya go bapa, go kgabola lešaba le legolo la batho. Gomme bohole ba bona ba obeletša godimo le go mphaphatha ka mokgwa

woo. "Modimo a go šegofatše, ngwanešu! Modimo a go šegofatše, ngwanešu!"

⁴⁶⁴ Ke be ke eya. Ke rile, "Ke a le leboga. Ke a le leboga. Ke a le leboga." Boka go tšwa kopanong, goba se sengwe, le a tseba.

⁴⁶⁵ Gomme ke be ke eya go swanelo go sepela dikgato tše kgolo tša naka la tlou. Ka thoma go sepelela godimo go kgabola kua. Gomme feela ge ke dirile kgato ya mathomo, ka ema. Gomme ka gopola...ka lebelela sefahlego sa Gagwe. Ke naganne, "Ke nyaka go Mo lebelela gabotse ka tsela ye." Gomme ke eme.

⁴⁶⁶ Ke bile le diatla tša ka ka mokgwa *wo*. Ke ikwetše se sengwe se ngwegela ka letsogong la ka *fa*. È be e le letsogo la yo mongwe gape. Ke lebeletše go dikologa, gomme fale go eme Hope; mahlo a magolo a maso ale, le moriri wola wo moso o lekeletše tlase ga mokokotlo wa gagwe, kobo ye tšhweu; a lebeletše godimo go nna ka mokgwa woo. Ke rile, "Hope!"

⁴⁶⁷ Ke ikwetše se sengwe se betha letsogo *le*. Ka lebelela go dikologa, gomme go be go ne Meda; mahlo ale a maso a lebeletše godimo, gomme moriri wola wo moso o lekeletše fase, a apere kobo ye tšhweu. Gomme ke rile, "Meda!"

⁴⁶⁸ Gomme ba lebelelane seng sa bona, le a tseba, ka mokgwa woo. Ba be...ke bile le bona ka matsogong a ka, gomme re ile mo, re sepelela Gae.

⁴⁶⁹ Ke ile ka tsoga. Oo, ke ile ka tsoga. Gomme ke—ke tsogile le go dula fase ka setulong, gomme ka lla, le a tseba. Ke naganne, "O Modimo, ke a holofela seo se tla ka mokgwa woo." Bobedi ba amane le nna bophelong, le go tliša bana, le dilo boka tše; gomme ke rena ba, re sepelela ka go lefase le leswa, oo, nna, moo phethagalo le se sengwe le se sengwe. Aowa, ga go selo...

⁴⁷⁰ Oo, e ya go ba selo sa go makatša! Le se ke la le foša. Le se ke la le foša. Ka mogau wa Modimo, dira tšohle o kgonago go di dira, gomme tše di tla ba godimo go Modimo go hlokomela ka moka ga yona nako yeo.

Ke a Mo rata, ke a Mo rata
Gobane O nthatile pele
Gomme a lefela phološo ya ka
Godimo ga wa Khalibari...

⁴⁷¹ A re e opeleng gape, ka pelo ya rena yohle. Bjale re phagamišetše mahlo a rena godimo go Modimo.

Ke a Mo rata

[Ngwanešu Branham o tlogela phuluphithi go rapelela kgaetšedi, mantšu a gagwe ga a kwagale—Mor.]

...Mo rata
Gobane O nthatile pele
Gomme a lefela phološo ya ka
Godimo ga mohlare wa Khalibari.

⁴⁷² Go lokile, bjale. O be a se a letelwa go phela go kgabola kopano. Yeo ke nnete. Šole fale, bobedi diatla godimo moyeng, go tumiša Modimo. Ke lebaka leo ke bego ke dikadika mo nako ye telele, gomme ke le botša se ke se dirago: ke be ke bolela ka Meda le bona, gomme gore ke be ke šeditše, go bona se... Ke tšwetšepele ke hlokometše Seetša sela se dikologa morago le pele, gomme se ile le gomme se lekeletše godimo ga gagwe. Ka gopola, “Seo ke sona.” Oo, a ga go makatše?

Ke a Mo rata, ke a Mo rata
Gobane O nthatile pele
Gomme a lefela phološo ya ka
Godimo ga mohlare wa Khalibari.

⁴⁷³ Bjale, ka dipelo tša rena... [Ngwanešu Branham o thoma go hama *Ke A Mo Rata*—Mor.] E no nagana ka botho le kgaogelo ya Gagwe.

...Ke a Mo rata (Amene!)
...O ratile pele...

⁴⁷⁴ Bjale le bona ka fao e lego bokaone kudu? Amene! Yeo ke yona. Bjale...?... Sepela gomme o fole. Amene! Mogau wa Modimo o bonagetše go wena, go go dira o welwe ke maruru. Amene.

...godimo ga mohlare wa Khalibari.

Oo, letago go Modimo!

Ke a Mo rata,...

Go lokile, modiša wa lena.

Ke...

⁴⁷⁵ [Yo mongwe o re, “Ngwanešu Branham, gosasa thoma ka seripagare sa senyane?”—Mor.] Senyane go fihla masometharo a senyane. Iri ya senyane, felotsoko ka kua. [“Morago ga difihlolo? Iri ya senyane?”] O thoma ka senyane. Ke tla thoma ka masometharo a senyane.



LEHUTO LA BOSELELA NST63-0323
(The Sixth Seal)
SERISI KA KUTOLLO YA MAHUTO A ŠUPA

Molaetša wo ka Ngwanešu William Marrion Branham, setlogong o abilwe ka Seisimane ka Mokibelo mantšboa, Matšhe 23, 1963, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org